

Дагъусттаннал адабият

16+

ISSN 0235-0165

ЦӀубарз

ЛИТЕРАТУРАЛУЛ ВА ПОЛИТИКАЛУЛ ЖУРНАЛ



Гъази-Гъумучи

№3/2017

МАЙ - ИЮНЬ



Дакку ккүрүлө

ЦІубарз

КІива зуруй цал буккайсса
литературийну-художествийсса
ва жяматийну-политикийсса
журнал

3/2017

Двухмесячный
литературно-художественный
и общественно-политический
журнал

Учредитель:

Министерство по печати
и информации РД

ХЪУНАМА РЕДАКТОР

Мурад АхІмадов

**Итабакълакъиссар
1952 шиная шинмай**

РЕДКОЛЛЕГИЯ:

С. АхІмадов

Э. Аьбдуллаев

Р. Башаев

М. Давыдов

Х. Илиясов (редактор)

Аь. Исмяилов (хъиригъчу)

К. Мазаев

Сс. Увайсов

С. ХІажиева

И. МахІаммадов

*Журнал основан в 1952 году
Расулом Гамзатовым*

3/2017

май - июнь

Государственное
бюджетное учреждение
Республики Дагестан
“Редакция республиканских лите-
ратурных журналов “Соколенок”
и “Литературный Дагестан”

Электронный адрес редакции:
litdag@mail.ru

ПОЭЗИЯ ЖУЛА ЮБИЛЯРТАЛ

Об. Батырай. Гъагъан ччива вил ччанну.....	3
Аб. Абйдаев. ЧПяйнаха.....	4
М. Щурпаева. Нувци бишлай.....	5
ХI. Кирухов. Бяхълай бур улча.....	5
И. ХIажиев. Назмурду.....	7

ПРОЗА

К. Мазаев. Ххурттама.....	9
---------------------------	---

ДРАМАТУРГИЯ

С. Къасумов. ЛухИи кьини.....	71
Р. АбдулатИпов. Назмурду.....	95
ХIадисру.....	96

Регистрационный номер ПИ ТУ № 05 - 00360 от 12.12. 2016 г.
Выданный управлением Роскомнадзора по Республике Дагестан.

Новолуние №3

май - июнь

На лакском языке

Выход в свет 5.06. 2017 г. Тираж 508 экз.

Заказ № 0603 Цена свободная.

Типография: Издательский дом "Дагестан"

Адрес типографии: 367018, РД, г. Махачкала, пр-т Насрутдинова, 61

*Редакция и издатель: Государственное бюджетное учреждение Республики Дагестан
"Редакция республиканских литературных журналов
"Соколенок" и "Литературный Дагестан".*

Адрес редакции и издателя: 367000, РД, г. Махачкала, ул. Даниялова, д. 55.

Поэзия: жула юбиляртал

Оьмарла БАТЫРАЙ

200 шин



ГЪАГЪАН ЧЧИВА ВИЛ ЧЧАННУ

*Гъагъан ччива вил ччанну,
Оьру бариҫи ваҫлувусса,
Къабюхъаншиврул виҫа
АьнтликIасса чи бугъан.*

*Ттула къисмат хIалал бан,
Пайханмарсса чи бугъан,
Хъирив агъавиявхха,
Так ттул чурххай хIал бакъар.*

АГАРДА ВА ДУНИЯЛ

*Ина ттун кунма, вингу
Аьзиз хъурча дуниял,
ЛичIуча вил дакIниву
Ччаву дузрайн къадуркна.*

*Ттул вих дагъсса мякъшиву
Вин оьрмулук дагъарча,
ЛичIи баннав инагу
Виятува, на куна.*

* * *

*Илхъилуву язимур
Махъ къабув тйилул кунна,
Къудурну ттун къаҫилун
Мадугъларда бакI ссукIа.*

*Пашмакъирттал никъурттал
Къаз-къуз, баҫIу, лагъ хъунссар,
Дунугу эмаратсса,
БаҫIу, мигу тIатIанссар.*

*БаҫIу щаргу хъунссара,
Ххуйшиву меж дикIанссар,
Бургъил ссилул кунма
Вил дарвачгу лахIанссар.*

*ОьрчIаха захIмат буллай,
Ина хъала хъунссара,
Меж диркI пашмакъирттаву
Ххуллурдайх зананссара.*

*Гъагъан ччива ми ччанну,
Зулмукар, барцI, оьттухсса,
Ттул нузру чIилувату
Цансса хъхъуну кьюкI дурксса.*

* * *


*Гъагъан ччива му кьепти,
ЛухIи хъатIуй, няслисса,
Ттул кьукъухъхьилул яру
Зунзул чаннахъ хIавчIусса.*

*Нажагъ вихсса ччаврил на
Аьрцараву кIучI арчан,
Чи хъуну бухъхъу ина
Гъаттай урттуйн кьиппа тIун.*

* * *

*Дардирдал махIрум увну,
Дуниял кьадитарча,
Хъхъи хъуну ликкан бухъхъу
Ттул бакIрацIсса буркIунттуй.*

Таржума Мирза ДАВЫДОВЛУЛ.



Абли АЙДАЕВ

90 шим

ЧИЯЙННАХА

*Ва ЧIяйнал шяравусса
Аьрци-чарура ттулли...
Пагъму-гъунар ттувусса
Ттун буллусса ЧIяйналли.*

*Макьилуву щаращул
Щинну зу хIачIлачIисса,
ЧIяйнал Найрдал-мацIлул
НицIру мазрай дихълайсса...*

*Ттул шеърирду бувккума
ЛичIарча вайннух мякъна,
Хас хъуну вайннул мяъна,
Барчаллагъ бара ЧIяйннан.*

*Тикраллу буллалисса
Ниттихъал балай-ляълу,
Арсурваврахъ бусайсса
ЧIяйнал птухълуннал аькълу.*

1970 ш.

Миясат ЩУРПАЕВА

80 иши



НУВЦІИ БИШЛАЙ

*Жул махІла бур тяхъану,
МахІлалул оърчІру – шадну:
Жари-бава дусса дур
Нувціи бишлай хІакъину.*

*Щирпилул чІан дурцілуну,
Най ур манкъу Раппани,
Нухъхъал дарваг бувцілуну –
Ширвани ва Апанни.*

*Зулайхат – аьму бугълай,
Саида – кумаг буллай,*

*Кумаграя рязисса
Жари-бавагу пиши тІий.*

*Нувцілуй къавтІун бивкІунни
ЯтІул-кІирисса щивциу,
ОърчІал хІадур дурунни
Щивциу бичинсса жипру.*

*Жул махІла бур тяхъану,
МахІлалул оърчІру – шадну,
Жари-бава дуну тІий
Нувціи бишлай хІакъину.*

ХІасан КІУРУХОВ

(1954-2017)



ОхІалсса бивкІулул жуява личІи унни гъунар бусса шаэр ХІасан КІурухов. Га ня оърмулугу, асарлугъралгу яла аргъ дирзсса чІумуву.

Шяъваннул арс ХІасан увну ур Вихъуллал шяраву. Вихълив дянивмур даражалул школагу къуртал бувну, 1973 шинал увххун ур Дагъусттаннал педагогикалул институтравун ва къурталгу бувну бур мунил филологиялул факультет.

Институт бувккуну махъ зий ивкІун ур ца шинай учительну Ккуллал шяраву. 1980 шинал увххун ур Москвауллал М. Горькил цІанийсса Литературалул институтравун. Му къртал бувну, зий ивкІун ур «Чавалачин» журналданул корреспондентну. 1986 шиная 1994 шинайн ияннин зий ивкІун ур «Литературалул Дагъусттан» («ЦІубарз») журналданий редакторну. Муния махъ зий ивкІун ур «Илчи» кказитрал хъунама редакторнал хъиривчуну.

Лакку мазрай ванал итабавкъуну бур шеърдал шанма жуж: «Банавшас-са бидавртту» (1983), «Цуртгал ссурулкуртта» (1987), «ЦІан-чаннал дазуй» (1989), «Чурдал лишанну» (2008). Ванал шеърдал кІива жуж бувккунни обрус мазрай Москвавлигу: «Очищение огнѐм» (1988), «Час аксиом» (1989).

«Очищение огнѐм» тІисса назмурдал жужрахлу ХІасаннул дуллуну дур республикалул Лениннул комсомолданул премия.

ЛичИ-личІисса шиннардий лакку мазрайн ванал таржума бувну бур обруснал классиктурал ва дагъусттаннал шаэртурал шеърду.

ХІасан КІурухов Дагъусттаннал Республикалул культуралул лайкъ хъусса зузала ивкІссар.

Ганал лакралгу, Дагъусттанналгу адабиятраву цаламур ляличІисса, щихачІав къалавхъхъусса ххуллу лавсун най ивкІссар. Чун дакъа чІумал жуява личІи хъурчагу, ХІасаннул дулла-дитлай ивкІмур ирсирай личІантІиссар. Ялун нанисса никиралгу ганал шеърдан хъиннува лахъсса ва лайкъсса къимат бишунтІиссар.Цан пирдавс-алжан нясив баннавча!..

БЯХЪЛАЙ БУР УЛЧА...

*Руслан Башаевлуца лухчиний къахъну
шахълахъийни загъир хъусса асарду*

*Гъан хъанай, лахъ хъанай бур
Ссавний къррукърал кър-кър,
Ссаллив буруккинттарай
Пахъ багъну бур Лахъи кър.*

*Туйнгу, тай барзунттайнгу
Хъинсса бияннав уча,
Сив-сив тІисса гъаралу
Бяхълай бур Буттал улча...*

*Сив-сив тІисса гъаралу
Бяхълай бур Буттал улча...
Ачу, дус, та къунттулу
Ликказан дуваннуча.*

*Гъарай, вил паиманшиву,
Къянатсса буттал аьриций,
Цумур ххуллул дуланттух
Бяйкъуривав вил ариши?*

*Бизанну жула кІункІур
Бярал пуцу-пуркІулий.
Ссутнил ссят къутІа тІий дур
Жула обрмулул хъулийн.*

*Мудан, вих ябивтукун,
Иттав аьтІаву къючай,
Хъин къашай азар кунма,
Жун нясив бувсса улчай!*

*ДакІрумидур хъит-шитлий,
Ссутнийн мютІий хъун къаччай...
– Ми кърчІисса хІачІия
РутІала жунна, маччай!*

*Арх хъанай, бухлаглай бур
Ссавний къррукърал кър-кър,
ЦІими хъунну щив-щив тІий,
Щаран бикІлай бур кІункІур.*

*Турлу ва цІан татлай дур
Барзунттай ва хъачІ-мачІай,
Ми кърчІисса хІачІия
Дуривкъай ттигу, маччай?*

*Духърча, ца буцІала,
Хханхха цІунцІу тІий бурча!
Сив-сив тІисса гъаралу
Бяхълай бур Буттал улча...*



Ибрагъм ХІАЖИЕВ

* * *

*Ина «хъинни» чирчагу,
Му хъинни бакъар,
Ина «къахъинни» чирчагу
Къахъинни бакъар.*

* * *

*Ина бура,
Бунува бакъара.
Чарав буна
Архну бура.*

*Ина ттул
Бакъара,
Ттул бунагу,
Ттул бакъара.*

* * *

*Ттун ччива та
Нава къаччимур.
Нава ччимур тІурча
Къаччива.*

КЪЮМАЙ ТІУТІУЛ КЪЯРТТА

*КІийла кІула къяртІ чин дав,
ТитІав нуз
Къярз чин дурну.
Хъхъунил,
Аъжаивну дурургун,
Рихшантлійсса тиш кунни.*

*«Мийх цума уру?»
Магъуя
Къюмай тІутІул къяртта дия
ЗурчІай тІий,
Дахъа-махъа
Нузайн щилай.*

*Хъхъемай шюршусса
Хъхъуниву
Пирузисса ссавних
Яру битара.*

* * *

*Чанна цIурттал жанграл
Дурицусса гъунттуй
Цузурул хъахъулук
Луглай лякъара.*

*Къукъудуву
ХъункIул тIутIи*

* * *

*Къакълай дур.
Циванни га рирттусса?*

* * *

*Ина ххал хъукун,
ХъхъичIва кунма
Ттул чурххан зурзу къабуллуна.
ЧIун гужери
Асардунияр.*

* * *

*Гъарзад хъуну лавгссар.
Гъарзад хъунтIиссар.
Туну, цару жува?*

* * *

*Ялугълай лагай къини.
Ялугълай лагай хъхъу.
Яла – оърму.*

ХЪУНКIУЛ ТIУТИИ

*ЦIунилгу
НукIува куна
На тIий ура: «Ххирамур!»
Ттул дакIнивугу
Хъя чай хъункIул тIутIи.
На тIий ура: «Ххирамур!»
Амма хъункIул тIутIул
Ттюнгъасса чIапIан
ЩуркIал хъанай дур
Вил дакIнил дяркъу.
На тIий ура:
«Ххирамур!»*

*АьтIийгу ура.
ХъункIул тIутIимур
дякъил диркIунни.
АьтIий ура
Замгъарданул дургъусса
Ттула къюкIлий.
...Марххалттанил сил
КъутIлатIисса марч.
ДиркIунни тIутIи.
Нама тIий ура: «Ххирамур!»
НукIува куна.*


ВИЛ ЧIУ

*Вил чIу баветари
Гъавасрал щатIал
Гъаз ара на.
Асардал хъаттирдай
Левххун ачара.
Гилура къариртун*

*Пана дунгъялгу.
Ваца ахир ссят дуркIун,
Ттула хъхъичI
Алжаннул къапурду
ТIивтIусса кунма.*

Проза

МАЗЯЙХЪАЛ Казбек



ЖХУРТТАМА , ЯГУ ЛАГЪНАЛ ДУШ

Къисса

Дайдихъу №2 – 2017 шин.

Цу хулай дура, МахIаммад-ХIажи-щайх чу уссар тIий. Ца лакку маз кIулсса шарссанил мизитраву ахттакъун чак буллай икIантIиссар увкунни. Мизитгу бур кIий, ца бюхттулсса бакIуй. Ларгра кIийн. Ньюмар дуну тIийяв къакIула, кIа мизитрал хъхичIалу духIи дурну, хъами-обрчIгу бур. ДарцIура кIай инсантураву. Ка дургъуну душгу ттушала бур, обрчIгу мукъав ур. Аман, кIаначIан нара цукун гъан хъува тIий, нигъа дурсун дура нарагу. Ца хIал хъусса чIумал, увккунни мизитрава мукъа муридначал архIал щюллисса авагу лархсса, чалмагу дархIусса, лялулун бивсса кIяласса чIирттарачалсса ца чардагъ уксса адамина. Симан дур вана вин нур лархъсса. Амма цува бец ивкIун най ур, щихчIавгу къауруглай, бец ивкIун най ур. КIанайн я щайхту, ца аьжаивну нигъа дурсун, къацIгу къавкъун, зурзу тIун диркIра нарагу. Яла, ттул щаллагу дуниял, гайксса инсантураву на цукун хIисав хъуссияв, увкIун ттучIан, цитI ивкIун ттул иттав уруглай, авцIунни. Бец ивкIун ур, амма гай яру бур вана вин, чирахъру кунма, чанна лавхъун. Уруглай-уруглай авцIунни ттул иттав. Цириврагу къакIулну, ттул щаллагу дуниял, хъювхъу тIий, дарчуннихха ттул иттату макъ, дарчунни макъ. Дагъну никирттайнгу, бувгъуну ганал авалул ссимиялу, ганийн ппай учав. Муридтурахъ аьраб мазрай ихтилат бувну, гайннаща ларсун, ттул кIунттивун кIира ккуркки къурушгу дириян дурну, мизитрал хъхичI дарцIуну дия ца ттукуй аьрава, ганий щяивкIун, цувагу левххун лавгунни. Хъунасса кашилул, заллу ивкIун ур МахIаммад-ХIажи-щайх, ттул щаллагу дуниял, янил ляпI учиннин акъа-къатIа хъуна. Неххая къири бувну, неххайх лахъайсса ивкIун ур, цала кIиссурттай чирахъру лахъан байсса бивкIун бур, ца пув чиннин Ахъушату Гъумукун учIайсса ивкIун ур. Аллагъу Тааьланал укунсса каши дуллусса, хъунасса мубарак ивкIессар МахIаммад-ХIажи-щайх, ттул щаллагу дуниял, аьпа биву...»

Яла Пахай буслан дикIайва, хъуними обрчI ва душгу ливтIуну, ккуккулийсса обрчIащал архIал цурда Ахъьарав чIатIий дуркIун дуна, Умму-биканан ххал хъуну, ганил цила обрчIан ккукку буллан, цичIаннайра дурцуну

диркџсса, агъатурачџан дуркџун хъунма хџал къавхъуну, цила оърчџ ивкџусса... Укун буслай, буслайгу диркџун, къари ялагу къуртал къашавай «чџун дакъанма бивкџусса» Умму-биканаха зукълай дайдишайва.

Ца къини Гулил, къатлува дух къалагаџсса тџааън дакъасса къункъайну къарил чурх къашювшуну цагу, кџирагу шин къаларгшиву чџалай: «Къари-бавай, гъилисса къини дур, хџаммам бан шин кџири давив?» – куну, цимилагу вичџилухун оъвкуну, ганин цила тџимур баян бувна.

– А-а-а-ай! На щинавун дучџарча, ттул щаллагу дуниял, дяркъуну, канихун дагъантџиссара. Къадучџанна, къадучџанна, щинавун къадучџанна! Инава къабикџарча, дадал ххира хъус, наџџ-џџинџџгу ххал дурну, ина вай ттул янна-ка шюша. Ина мукун бува, вин мукъвагу мурџџу тџитџивуй! Ина ци тџиссара, ттул щаллагу дуниял, на щинавун дучџарча, башттан хъунтџиссаракха. На мукссара чапалнугу дакъассарача, ттул янил чаний, ина мукун бува! – увкуна къарил.

Гулил гара къинира ганил шану-кџаралугу хџаятравун кџутџу-къатџ дурну, ратџув лавгун, бакџрая ччаннайн ганийсса яннагу шюршуну, багтурал ккукку булу цихара зукълакџи дурна.

Бусравну бия Гули агъатурангу. Бучџайхтува ганин цџусса яннагу дуруна: чџдралул гъухъа ва шарбукџав читлил карџи ва, хъамаллурал хъхъичџ балай учин нанийни лалуххи куну, щџоллисса парчџлул бузма ва ца аънтџикџасса гъират лачак, кџирайра пашмакъру. «Ина вай ттул оърчџан, барххуй, усттарну лакку мазрай гъалгъа тџун лахъхъин бува. Мури вил даву, яла ттул ужагърай ина дуллансса цичџар дакъассар», – учайва Загъли-агъанал Гулихъ.

Багнахъал ия шама арс: База тџисса хъуна-хъунама дуклай ия Щиназ мадрасалуву, Аъли-Хан тџисса лявма ия аџџния ххюра щинаву, Амир тџима – аџџния шанна щинаву. Чџярумур чџун Гулил агъатурал оърчџан магъри, шеърирду, шаммарду лахъхъин буллай гъан дайва.

Аъли-Хан тџима, къаџџлувун кџисри ликџлай акъа зумагу къаахъайсса, ялттутувасса, ццах бакъасса ца байчара ия. Загъли ганая хъинну рязи акъа икџайва, чџивиманаха тџурча: «Уккарчагу, ттул Амирдуя укканссар адимина», – тџий, чџалачџин къадикџайва. Ххира къахъунссагу акъая га: зирангсса, личџлулсса, щинчџав дакџнин къабагъансса куртџсса махъру учайсса, махшилсса ца мазрал дилбилан ия. Цувагу, душ куна, бакџрал ххуйссагу ия. Амир, Гули бувкџсса къинива, щилчџав уча къаувкунма, ганийн Гули-зайзайгу тџий, хъинну ганихух лавгуна. Ганингу га, ххюттувух ишин куна, ххира хъуна.

Дучџайва чџалсса ссутнил даршусса къинирду. Дайдишайва цимигу гъантлий лачџлай къюрусса, бизарсса мюрш гъараллу. Лагмасса зунттурдугу, ццунсса дяркъусса шархъттуруллавун бахълавгун, ххал къашайва. Кувний гай ттуруллал, хџаллих бивгъуну най, шяравун дуркџун, Ялув Аъхъарав Лув Аъхъаравагу чџалан къабитайва. Кџичџиравату урувгукун, ларзурдавугума, пуркџу кунна, кай-кай хъанай ттуруллив чџалан дикџайва. Ттуруллив лавсун бувкџсса дякъия кучардайсса ккаччив, магъругу лячџан дурну, буххансса кџанттух луглан бикџайва. Зункџуллалу къарчџ-къарчџ бивкџсса чџелмултгу, ссинкъ бахчусса кунма, тџиркџагу тџий, зурзу тџун бикџайва. Циняв ужагъирттавун бувххун, щала шяравунгу ваца вичџив къюкџ хъусса куннасса гъапулшиву дагъайва.

Ахттакъун чѳумал кунма цѳан хъусса, оърчѳру утту бишайсса, гайннан цѳа кусса ххирасса янна-ярагъгу чѳирттайн лавхъусса къатлуву, сумакъ хъ-аттирай, оърчѳругу чѳарав шябивтун, Гули гайннахъ магъри буслан бикѳайва, ягу лагъну лахъи балайрду тѳун бикѳайва. Гайннайн тѳайлану, къатлул тамур чулий халича бувтсса тѳаннул тахлийн, къалиянгу тѳий, Загъли-агъ-агу чул бувну агъайва. Тахлил чѳарав шаттирал бакѳрах лахъисса гъагъругу бигълай, гъагъ бивгъутари: «Я Аллагъ, ина ттуй цѳими биша»-гу тѳий, ссалчѳав пикри бакъасса куна, бизарну, кѳараллий ширвангу дурну, оърчѳан Къуран лахъхъин бан ивтсса Ккуциятусса Паттахѳ-Киши тѳисса угъарасса маллагу шяикѳайва.

Экъи нанисса чѳуний Гулигу буслай байбишайва:

*Щюлли къурнил дянив на чѳуй бунува,
Овѳтѳисса чѳу хъунни буттал шярава,
Царивавли куну, вичѳи дирхъусса:
– Ил, бавал, Изажай, шаптай нану! – кур.*

– Да, хѳудуй, магълулсса тталлу къаккалай, бусласимур вив бакъи! – учайва тахлия Загълил, хъунама оърчѳ вичѳи къадихълай хѳисав хъуну. – Арамтурахъ адиминал кунма махъ бусан, винма лакку маз лахъхъи! Валлагъий, бурчѳал карчѳ, пасихѳну гъалгъа тѳун къалавхъхъуну, на вин шар къадуцинна.

– Валлагъ, Загъли-агъа, – учайва микку Паттахѳ-Кишинал, – хъинну эшкъи дакъасса оърчѳ ур. Ттигу, шилагу «талиа» «са» личѳи бан къалавхъхъунни муна. Чѳивима гъунардал шаращи ур, хъунасса аѳлимчу уккансар муна.

– Дагу давадахѳѳ Хѳухчалтраха, ттуку куна, зузи ан зунттавунай гъан анна, – учайва Загълил. Яла, увкѳун оърчѳал хъхъичѳунгу, хъунмасса хѳаллай ганах сситтулну уруглай-уруглайгу ивкѳун: – Ттуй халкъ хъяхъи малларда, халкъ хъяхъаннуй! – куну, ца вев учайва.

Амирдул, лулттучѳин Гулихгу урувгун, ай, жува укунсса бакъассару тѳий, ца макрузансса ишан дайва.

– Вияту адам хъанай бакъар, адам... адам... – куну, Загъли-агъанал, дургъуну оърчѳал вичѳи, цащара шайкун кѳункѳу дайва. Яла, къалиянгу тѳий, къатлувух тихунай-шихунай занан икѳайва.

– Я Аллагъ, вийн леххавурхха... – лахъисса гъагъгу бивгъуну, хъунмасса ссихѳ бигъайва Паттахѳ-Кишинал.

– Гули-зайзай, бусласу, бусласу! – учайва ссавур дакъа Амирлул.

Ца ччан шайвача Гулин му чѳумал га, бацѳан къавхъуну, увгъуну хъачѳрая, ххира айва. Бяливчѳсса балайгу байбишайва...

Кѳюрххила чантѳ учайхту, тѳанкѳ куну ивзун, анаварну яннагу ларххун, Амир левчуна лувчѳиннив Гуличѳан учѳайва.

– Бивзрав, Гули-зайзай!.. Бизар хъуну урахха на кѳа Паттахѳ-Кишиная, Гули-зайзай, ттун вищал бикѳай хѳаз, – учайва ганал, цѳарал пар бусса цала лухѳисса яругу ххарину Гулих бурган бувну.

Агъ, дайвача тирх учин гай яруннал Гулил дакѳ.

– Ттул къеппи мусил къарчигъай! – куну, бунбутѳив кунна, пунтѳ-пунтѳ диркѳсса, мудан пиш тѳийннасса Амирдул мурччайн Гулил ппай байва.

– Хъянагу маикIаванна, ми чIаврдай оьккисса оьнтIри багъайча, ттул хъ-
ункIул тIутIул хъяхъавуй, ттул банавша тIутIул тIуллуй, ттул ккуртта-ча-
гъанттул ненттабакI! Иявав та Камаллул Баширгу виар ххуйсса?

«Аман, ва оьрчI ттула янилагу къахъун», – тIисса нигъгу дагъайва чIяру-
ну Гулил дакIнивун. Гъантлий ххювагу чакливух кIицI айва Гулил га.
Чаклин чIун гъан хъукун, ганил ххаришивурагу суждалувух Амир ишинс-
са дикIайва.

«Я Аллагъ, я раппий, арх а ина ттул Амир оьсса чувнал яниягу, рякъ-
илнал макрулиягу! Я раппий, я заллуй, ина жул хIусудсса, къумасса аь-
малданийх къаувккун, ва дувагъилул тIутIун дунияллул бутIа гъарта ба,
ванал ххютту лахъи да! Акъи ва, Къурандалул лу куна, бунагъ бакъасса
хIурульэн вила силатул рахIму бусса цIимилул хъаттиралун! Аллагъ, вин
леххавурхха, жуй цIими бивхъума!..»

Мудан укунсса дуаьрдащал дичайва Гулил чаклил мукърагу рачат.

Дукра кIиягу оьрчIан цанналу ца къатлуву дишайва. Амирдул, буттахъ
миннат бувну, цашала ца ссупралух Гулилгу дукра дукаван ихтияр ларсу-
на. Амма, зад канакисса Амирдух ялугълай, ганацIасса ххарил Гулил вив
къяс къалагайва.

Ца мяш хъунну усттарну, ца ишттахIну дукайвача Амирдул цаллагу ду-
кра! Ца цIу бусса тарг учайвача, къацIливу къуса дирхъутари, ганал лухIис-
са, кIюласса иттацIанттал! Учайвача ца ххуйсса щунтIгу ганал!

– АлхIамдулиллагъ, щукру, – куну, циняннаяр хъхъичI дукрагу дурку-
ну, Гулих урувгун, цала ттеркъукъи-тIутIул куннасса ккарччивгу чIалачIи
дурну, Амир хъян икIайва. Яла, ганил цила зад дачIирагу къадурну ххал
хъуну, цакуну махIаттал хъуну, яругу бацIан бувну, ца дядаланну: – Вагъ,
Гули-зайзай, ина пулаврал кIичIу къуртал баннинния оьрватIи хIажлийн
биянссар, – учайва.

– АцIу цал, инава кунма, цаймигу буччиннин, яла дичлан вила дахасру,
– учайва Аьли-Ханнал. Амир циняннан цаяра хъхъичIунсса ушиву кIулну,
Аьли-Хан, иш багъний, ганан къаччан бикIан бан махъал къашайва.

– На вихун ахчилай акъарахха, уссу, ина канаку, дуркумур ниттил
накIну хIалал хъуннав вин, – учайва Амирдул, цала дакIнин щунугу, хъис
къаччан къабивкIсса кунмасса чIуний.

Оьрмулуву ттинин дакIнивусса ччаву кIидачIинма нясив къавхъусса Гу-
лин ххира хъуна Амир, ххира хъуна ниттин арснияргу, ссин уссунияргу,
цила яла халватмур, яла чаннамур умуднияргу. Гулил, утту бивхъусса чIу-
малгу Амирдуя пикрирдай, ганал махъру, ганал тIуллу хъхъичI дацIлай, хъ-
унмасса хIал шайва шанавун гъан. Ссал пикри булларчагу, ци шугълу-хи-
яллаван цила дакI гъарчагу, Амир Гулил итгала тачIав къаукъайва.

Ца хъхъуну, цинявгу ччянива уттурду бивхъуну, махъатусса чIумал,
зертI чин дурну, нузгу тIиртIуну, Гули утту бивхъусса къатлувун цури
увххуна.

– Гули-зайзай, шанай бурав? – цIувххуна ца тазасса, вихшала дишин
уллалисса щуршулий Амирдул.

– Амир, ина циван утту къаивхъура, зайзал?

– Шану биллай бакъаяча, Гули-зайзай, щинчIавгу кIул къахъунну вичIан
увкIра... Гули-зайзай, итаннав на вишала утту ишин? – цIувххуна Амир-
дул ца хъунмасса миннат буллалисса, нигъа увсъсса щуршулий.

Къатлуву цIан дия, амма цIана Гулил хъхъичI чанна лавхъсса личIулл-

са яруннашалсса ва мудан пиш тийнмасса мурччайсса мурцурдашалсса Амирдул сипат дарцуна.

– Кјул хурча, ттул оьрватлул оьрчI, вихуна ппу дяван икIайхха.

– КъакIулхунтIиссар, на вичIа чансса хIалгу бувну гъанна, – куну, Амир ца зирангну, хархавар бакъа Гулил шанувун увххуна.

Щил дакIний-мазрай бикIанссия ганал ва къел данссар тий! ЛячIин увну цила хъзамравунгу, Гули Амирдул мурччайн, чIаврдайн, нентта-бакIрайн ппайрду буллай булувкьуна. Агъ, ца ххуйну, ца нацIуну бияча га «оьрватлул оьрчIал» ссихIирайн ссихI шун бан!

– Абабай, Гули-зайзай, вил къункьал ххуйшиву, кIукIлил къанкънир ххуйри! Щалагу бура ина ххуйсса, Гули-зайзай... – Амир, цирив учин ччай, цакуну къукъу авкьуна. Яла цала кIиссурттал Гулил лунтубакIгу бувгьуну, ца аьжаивну гьалаксса шавкъирай: – Гули-зайзай, на хъунасса хъувкун, ина ттун шар хъуннав?.. – куна.

– Ттул чагъанттул лергъ, – хъяхъаву дурна Гулил, – на вин цурирв кIуллив, на лагътурал душрахха.

– Бушаврил ци буссар, Агълар-ханналгу дакъарив Ххалла дурцуну, нагу кIира шарсса дущинна, ца багтураяту, цагу ина... Амма инара бикIан ттул яла ххирамур шарсса...

– Ттул хъару мусил къукъухъхий, миксса задругу щил лахъхийн бунни вин, ина шар дуцай чIумалнин на хъунмав хъунтIиссарахха.

– КъахъунтIиссара, муксса ххуйсса ина, къарнийн бувкнийгума ххуйну-ва личIантIиссара, Гули-зайзай.

– Ттул авдал, буцай душнихъ гьалмагъай «зайзай» тIун икIайссарив?

– Туну на вийн ци чиви, ххирацца бурахха ина ттун, ххирацца инсан-найн бакъарив «зайзай» чайсса? Гули-зайзай, ина ттуйн вих къахъанай бурав, валлагъ, биллагъ, на вих эшкъи хъуну ура, – куна Амирдул. Яла, пикри буллай, пикри буллайгу ивкIун, анаварну Гулил мурччайн ца сикъавсусса ппай увкуна.

– Дядалан, я дядалан! Пахай-баван ккавккунни гьарзад, ацIу гъунтти буттахъ бусанссарча.

Гулил укун учайхту, Амир цакуну анаварну бакI гъаз дурну, ккуккубулу утту дирхъусса чулухунай урувгуна.

– Агъ! Та шанай дур. Шанай дакъахурчагума, танин чанигу бакъассар, чIугу къабайссар, – куну, Амирдул ца тIирхъану бакI кIараллийра дирхъуна. – Гули-зайзай, лажинни, ити на ца ппайгу куну... бакъа... шанма ппайгу куну, яла гъаннача.

Ганал мукъурттиву дияхха мукун уздансса, мукун чаннасса ччаву, бияла бакъа Гулил иттату макъ дарчуна.

– Яр, Гули-зайзай, ина аьтIий бурав?.. Циван аьтIий бура ина? – цIувххуна, анаварну шаний щяивкIун Гулил ялунгу къус ивкIун, Амирдул.

– Ттул ххира оьрчI, на ххарил аьтIий бура... Ттул мусил ххаллал ссирсилттуй, ссирсилттугу та хъувияв вий?..

– Вар, Гули-зайзай, ина циван аьтIий бура, хула, буси ттухъ, ина циван аьтIий бура? Лажинни, аьматIра!.. – тIий, Амир цала кIиссурттах Гулил макъ лихълан ивкIуна.

– КъааьтIунна, ттул адамлугъ дусса ххаллил жагъил, – куну, цила итта дуклакисса Амирдул канийнгу ппай куну, Гулил пиш увкуна. – Ттул къалантрал кIисрий... КъааьтIунна...

II

** Тул дуаь так вая: «Бувакьай лиххан
Лихлай къалиххайсса балайрдахсса мякъ!»*

ХІухчалт хІисав бакъа, багнахъал ичІува зий ия урчІа инсан: ххюя адамина ва мукъра щарсса – ссаятуриввагу къакІулну нигъа увснасса, лявкІунасса, михьтгарширу дуллалисса Хьурнатусса Агу тІисса къужа; Хьюрт Май Муса; КунтІатусса ца ХІанза тІисса, цагу Исрапил тІисса кІия уссу; агъатуран дукра дувайсса Ирчатусса Гьумай тІисса ца хъахъи щарсса, ххал-ххалаххул бюхьугу бусса, ичІура дирирсса давугу дайсса, ялвуми ккарччай ца хьунмасса ххюватту багъну, мунияту щютІа тІисса кунма гьалгъа тІисса, къуния ххюра-ряхра шинавусса Ттурнатусса Мащи тІисса душ ва, алжаннул хІайван кунна, хьинсса, ца кІукІлуну Вираттиял лугъатрай майравухгу гьалгъа тІисса, агъатурал ини-ччатІуй каялушиву дуллалисса, къуруваллил кІулли тапшурсса Аьйна тІисса щарсса. Ганил ия Вали тІисса, цала нину куна, аьмалгу хьинсса, хъачІунттавагу уттасса, царай авурсса, лухІисса кІюла ссирсилттачалсса ацІния арулла шинавусса ца къищу жагьил. Загълил га, цува чунайкІуй нанийни, цашала нукар хІисаврайгу уцайва, цачІанма хъамал бувкІний гайннаха къуллугъ буллалигу айва. Амма гай циняв къзахьтурал даймур цилалу ВицІхъиял махІлалиясса Сакинат тІисса (ганийн цийнмагу, ца Загъли-агъанал личІаннин Сакку чайва) ца щарссанилгу дайва. Оьрмулул ацІра шинава тиннай дайдирхьуну дия Сакку агъатураха зий, мунияту Саккул ВицІхъиял зумуну яннагу къалаххайва, мазрал лугъатгу Аьхьардал бия. Сакку дия къзахьтурал ва къараваштурал хьуннамур, дан-дитанмунил сант кІулсса дуну тІий, агъатурал ганихъхьун къзахьтурай каялушиву дуллансса, гайннай бигарду бихьлансса ихтияргу дуллуну дия. Дияча цурдагу загълунсса! Духьунссия ганил чурххал лахъшиву мукъра накІлияр ца аьнт чансса; адаминал кунма, буквасса чІугу бусса, балчаннул кунма, лахъисса уттасса ххинчулул дучрачалсса, ялун лухІисса ццунсса ссирсилттал щагу бусса ца дявла дия. Багнахъал ичІува Саккул буквавайсса кушу къабикІайва: щинав лагайва, шюшайва, къатри ва хІаят дашайва, халичартту марцІ байва, къатри хІулухІайва, ккупар байва, ххишалдаран щархъая бувгъусса зузалтрашал къурнил давурттайнгума лагайва; ялв дарцІуну зузи буллай, гайми къзахьталгу мицІ бацІан къабитайва. Загъли-агъагу: «Валлагъий, ва жул Сакинат барцІ бур, ва бакъахьурча, ва ужагърал дюхьрагу къадикІанссар», – тІий, га хьиннура пахрулувун рутлай, зузи дуллан икІайва.

БувкІсса къинива Гулин аьжаив ивзуна михьтар Агу – чІивисса, илтІасса, бурувсса куна, щала жиг автІсса къужа. Агул дия ряхцІалла шин, амма цува мукун хьунав хьуну, мукун къявж ивкІун чІалай ияхха, Загълил ппур чинссия. Ццаххандарал хъанайнасса байчарасса къужа ия. Нажагъ хІаятраву щил-дунугу лахъсса хъяхъаву-за дарча, ажарттул зоб-за чирча, ццах куну, накІлил лавайгу ливчуну, хьунмасса хІаллай зурзу-курку тІий личІайва. Гулил Амирдухъ, ва цукунсса ци къужар куну, суал бувна. «Хьурайннал Агур га, – бувсуна Амирдул. – Нигъаусур га, Гули-зайзай. ДукІу, ттуяту нигъа увсун, га ивчІавай ливчІссар. Гийх дарвазалух щяивкІун урча,

** Циняв эпиграфру лавсърсар Анна Ахметовая.*

кИя ларзула ца шютІ учав, бакІракъутталиий агъну, ччанну-ссанну дуллан ивкІуна. Яла Саккун ххал хъуну, щингу дуллуну, изан увна. Яла ивкІссар: «Хъинмунин хъуннав, хъинмунин хъуннав»-гу тІий, къашавай утту ивхъуну. Яла авлия Саккул буттахъ бувсун, ппу ттухун дяъвай ивкІссар...»

Цуппа бизар хъуний, Гулин ххирая багнахъал чІалъаълул цІияллайн-гу лавхъун, лагма ялттусса тІабиаътрай тамаша буллан. Аъжаивсса сурат тІитІайва чІалъаълул цІияллая: илкинсса Къукуннал дара, сеурулун шусса алвагъсса зунттал ссиртру, лакрал мюрщи щархъурду... Ца гъилисса интту къини, укун чІалъаълул цІияллайн лавхъун бунува, Гулин гилу цала дуч-раппалнил хъхъичІ чІиралу Агу щяивкІун ххал хъуна. Шия бюхттулния лап ва чІивину, хъачІругу къарчІ-къарчІ диртун, гъаривну бакІгу хъхъичІун дуртун, ца къясуксса ливчІун чІалай, Агу ваца пашманшиврул сипат загъир дуллалисса ишара хханссия. Га къаралтилийн я щайхту, Гулил дакІнийх ца магъмунсса ттурлу даркъуна: цинмагу хІакъину хъхъичІва-хъхъичІ инсаннал дакІнил хІал ттиликІралгума бусайшиву хІисав хъуна. «Къадаршиву ттула, ваксса хІаллай га адаминахъ нахІусса жуав дансса тІакъат къархъусса», – цийнма цуппа бювкъу-аъйлий бия цІана Гули. ЦІиятугу бувчІун, Гули мащилучІан лавгуна. Шаттирал чІу шайхту, Агу ццах куна, яла Гули ххал хъуну, ца язугъну, биххан бавхІуну бувтсса яттил хІайван куна, ганих урувгуна.

– Агу-буттауссуй, гъили буллай урав? – куну, бюхъайссаксса тяхъану яхши-хаш бувна Гулил.

– Ура... гъили буллай ура... – куна Агул ца синхралсса, бухкъакъарттува нанисса чІуний.

Агул чІарав ца чарийгу щябивкІун, цукун ура, ци иш бур куну, Гулил ганахъ ия-я бувна.

– Нигъа услай ура... На нигъа услай ура... – вев куна къужлул, къакрулувух кунма, цайва цува акъасса чІуний. Яла, ваца кІулшилийн увкІсса куна хъуну, ца кІусса ссихІгу бивгъуну: – Нигъа услай ура... – куну, ххюнпІагу тІий, заккантгах макъгу лихълай, аътІун ивкІуна.

– Вин хъанахъимур цир, буттауссу, вин аъшру ккаклай ду-рив, ссаятура ина нигъа усласисса?

– КъакІулли... хъхъувайгу ура услай, дяхттагу, – куна ганал, цакуну аътІавугу къадиртун. – МакІругу дур оьккисса... Дуниялгу оьккину даххана хъанай дур... Вай чІалъаърду, вай пІелин-пІетІру къадикІайссия хъхъичІара... Исул нуххардивусса циняв исулт бирибат хъуну бур... Цушайллил бурхІайгу утти къюнукъи къаххяххай... Къимизул мицІлийнгу аврдал гъухъала сайрданий къадучІай... Я Аллагъ, хъинмунин хъуннав!..

– Ина ми пикрирдугу къабуллай, оьккимуниягу къаккалай, дуаърду дулуккива, чІюн булутива, къулгъу-алхІам булуккива, – увкуна Гулил.

– ЩяйтІантрал итлай акъара... – увкуна Агул, чІиви оьрчІал кунна, цакуну мурччивгу зурзу чин дурну. – Иблис бур ттувун бувххун... – Яла, ца язугъну Гулил иттавгу урувгун: – Инания хъинсса инсан бура, кумаг бува ттун, хъин ува на!.. Чича ттун савав, ххассал ува на!.. Ва иттах дур даркъун ца пардав... – куну, кІилчингу аътІун ивкІуна.

– Цукун бави на вин кумаг, цукун ава на ина ххассал, вил къатта ччукъ-аччивуй, цІуцІаврил дакІ гъюжу дурккун, ттулагу хханхха бувцІуну буна?.. – куну, Гули цуппагу аътІун бивкІуна.

Къунниялай Гулил Пахайхьгу Агул хІакъираву цІухху-бусу бувна.

– А-а-а-ай, ттул щаллагу дуниял, ттул кІивагу яй, – дайдирхьуна Пахай, – Хъурайннал Агу АьхъардачІа къзахъну икІан лайкъмаяв, Хъурайннал Агу чІанкІраятуссархха!.. Цал ттаркІгу, бакІгу ччуччивуй, цала буттал Ккаччи-Мирзаналлихха Агу му хІалданийн увтсса... Цув увччусса аьрщи-чарура аьршлун дюкьивуй, таналваяхха, бюрни кунасса, Хъурайннал Султангу лавкъусса... Цув гъаз къачивуй, цув дуржагъирал цІарал ччуччивуй!.. А-а-ай, ттул нинугу-ссугу, буссархха дунияллий ци-цигу къадарсса чиваркІ!.. Буссар, ттул янил чаний, буссар...

– Ягъар, га Ккаччи-Мирзанал ва Агун цива ци бувссар? – куну, овькуна Гулил къарил вичІилухун, дусса ссавур духларгун.

– Ци байссар, ттул щаллагу дуниял, ганияр оьккиссагу ци байссар!.. Агун бувцуну барз къавхъусса жалин ганал оькки бувну бивкІссар... Цала ца акъа акъасса арсенал шар! Цукссава ттуккусса адамина ивкІун иявав уча, цукссава яхІ бакъасса иявав уча ттаркІ ччуччивуй! Сси-къащилул буттал шяравагу вай-варттаних лавгун, бакІгу баххана хъуну, муна му хІалданийн агъссар Хъурайннал Маллачилавхъал Агу... А-а-ай, ттул щаллагу дуниял, Хъурайннал Агу къзахъну икІан лайкъмаяв!.. Цуппа вай Маччайннаву, ттул щаллагу дуниял, гай Хъурайннал чиваркІ кун-ма, яхІ бусса, дугърисса чиваркІ бакъассар... А-а-ай, ххишала бакъа дугърисса чиваркІри гай. Га бурчІая дирзсса буркІ, га Ккаччи-Мирза цукун лярхъунавав тІун дикІара на гайннаву... – дайдирхьуна яла Пахай буслай Хъурайннал ххаллил Султаннуя, гичча бувксса цаймигу хъин-хъинсса вирттаврая.

Амма цІана Гули къарих вичІилий бакъая. Цакуну ганил дакІ, цавай бувчІин къашайсса асарду аьлтту хъанай, ца цукуннив гъалак дурккун, къуртал къашавай цІунцІу тІун диркІуна. Вана укунсса чІумал ляхъан байва Гулил цила яла хъинми балайрду. ЦІанагу, пІилцІу чирахъгу левщун цила шанувунгу бувххун, Гулил лагъсса чІуний балай итабавкъуна:

*Бавай, балай тІий бура,
Балай тІий, аьтІий бура,
Балайлуя ччатІ бувну,
Мукъахун канай бура.*

*На – балай тІий, на – къавтІий,
Ца ттула дард ларитан,
Аман, бавай, цибави
Вай илданул дардирдан?!*

Укун хханххирава балай итххяххайхту, Гулил дакІ, чявхъа бувтІусса ттурлу кунна, аьчух дурккун, рахІат шайва, цила мина ххал хъусса къуркьралсса кунна, тархъан хъуну, чанна шайва.

Загъли-агъанал мудан цаЧІанма бувкІсса хъамаллурал хъхъичІгу Гулил балай учин байва. Яла, кайпгу хъуну, гания цІарду дуллай айишайва. Рязину бакІругу кІутІу дуллай, хъамалгу Загъли-агъанал тІутІимуницІун бакъайва. «Вил балайчи Загъли-агъа, – учайва гайннал, – оьну я бацІансса бур. Му лелуххи вичІа бусса бавну, Шагъимардан-апаннинал ина муния махІрунагу къаан». – «Шагъимардан-мямман на ххирассара, – учайва,

ханнал ца зумух ласайхту, цавува цува, вагу варихха тий, чансса хлучгу куну, Загъли-агъанал. – Ттун къаччай Шагъимардан-мяммал ва цачанма талав къабайссар. Гъархха, уссил, танан цалла Ххаллагу, гагуния ттул Гулияр къалувсса аьшукъ дур».

Хъамаллурир Загъли-агъанахъаннийн чан къашайва, гай бучайва Гъумучатугу, Азайниатугу, Чурлиятугу, Ахтти-Кураллаватугу, Ярттащатугу, Хайдакълиятугу, хАсил щалагу Дагъусттан билаятрал циняв ханлугъирт-таяту, шайва, цува Агълар-хан увкун, Загъли-агъанахъал ужагърай хъиннува цу-цанпир хъуну, Аьхъардал багнахъал сий лапра бюхттул хъусса чуннугу.

Ца шинал гъидайдихъулул гъантрай Загъли-агъанахъаннийн янна-ярагъуннилу алгусса ряха бурттигъу увкуну. Гай бия Азайния Салават-багнашчал ганал арснан Айна-бика була чин бувксса мугъисалт. Гъумучиял Къяхахъая тлайла хъуну Щиназуллал багтурайн бияннийн Загъли-агъанал ца бакъа бакъасса ссишал ташу хАла бан тамахИсса Лаккуйгу чансса бакъая, амма Загъли-агъанал щихъхъунчАв махъ къабулайва: Лаккуй, смирдарал тухун личаннийн, Аьхъардал багнахъал къинилун къини лархъхъусса тухумру хъинну чансса бакъа бакъая. Буттал База-агъаналгу учайва Загълихъ: «Ургу, ттул арс, на ивкукун, ина му жула душнин уссушивугу, ппушивугу дан аьркинссар. Разятгу багтураяр авадан хъусса, хайратсса замана бувкун бурча, ина, авадашивугу ахттар къадурну, ттул арс, му душ, шярайх буккайсса бухурчагу, жула къинилун къини шарикнан бакъа щар мабулара». Яла бусайва, нясаврал луттирайн бувну, цала къини лархъхъусса Дагъусттаннай так цавай Азайннал Салаватхъул ва Бухцанахърал багтал бакъа цайми бакъашиву. Бухцанахърал багнахъал Айна-бика буцин кунасса я хъунасса, я чивисса цучАв акъая – циняв оьрчру ччянива къатлул хъуну бия. Салават-багнал турча Айна-биканаяр мйра шинал чивисса арс ия, Загъли-агъагу ганайн иклайва тамахИну, ххишалдаран Салават-багналгу баян бувну бия, цал арснан Айна-бикари лайкъсса, га буну, арснан цамур къабуцинтИссар куну. Тавхан-биканангу, гъай-гъай, ччай бия цила ласнал ссу цила тухумраясса Салават-багнахъан буллуну.

Загъли-агъанал Салават-баг ва ганащал бувкИсса мугъисалт хъинну бусраврай къамул бувна. Мугъисалтрахъхъун махъгу буллауна, махъ ца шаврил савлугъран гур дусса мажлисгу тивтИуна. Цаннийна Агълар-хан увкИний бакъа нузрагу къатИтИайсса, гананма ца кусса, кИлчинмур мартавалийсса, хурасан бартбисуртталгу бавкъусса, оьрчи-кИурисса варакърал накъичру дирхъусса пюрунтрал касакирттал даркъусса магъигу дусса ца илкинсса тавханттуву бивхъуна ччатИгу. Мажлисрайн оьвкуну Аьхъардал шяраву буссар кусса хъуни къатрал арамтурайн, юзбашинайн, муэннайн, къадинайн ва жяматрал дяниву махъ заназисса хъус-къинилул хъуни къужрайн. Бивххуна лухИсса ххалку, цАрайх бувна утгаранма цимивагу сси, аьч бувна, шанна ярдануву кИучИ бувну бивкИсса Чуруллал чахирданул кАра. Ивзун лавай, бувгъуну къуругу канил, Загъли-агъанал мажлис тивтИуна.

– ХИурмат лавайсса хъунимий, – увкуна ганал, – на зуйн оьвчав, ттула ххаришиву зушчал кИдачИин. – ХИакъину ттул ссу Айна Салават-багнал арснан Умалатлун буцин махъ кутА бувсса къинир.

Яла, Салават-багнал чулухунайгу ивкун, къумукъ мазрай увкуна:

– Я раппий, ттул дус Салават, жула ва ташулул дайдихьу баракатсса хьуннав, вил арс Умалат ва ттул ссу Аьйна талихІрайн букканнав! Жагьил хьуну махь, ттун вил Умалат кьаккавкссар, амма на дакІ дарцІуну ура, гагу, ина куна, дакІ авадансса, бурхьнисса адимина ушиврий. Ас бунал – ламус, чайссар, ламус бунал – яхІ. На ва кьуру хІачІанна ина кунмасса арамтал жула бусурмантурал дяниву гьарза баннав тІий, хІачІанна, ина увкуний махь бацІлай, тІиртІунийн ка диллай личІаннав тІий! ХІачІанна вил ва вил кулпатрал савлугърая! Хьинсса бияннав!

Укун Загъли-агъа махь лахълай унува, муэн Аьлиллул, кьадиал чулухун ссюрхьгу щуну, ганал вичІлухун ивкІун: «Тай загърулул ккузри хьусса яру дакІ авадансса адиминал бакъар», – куна. «Тсс!» – куну, ца макрузансса пишгу куну, кьадиал га кьаикІан увна.

Салават-баг ия ххюцІалла шинал оьрмулувусса, хьахьисса, бавш-ру-бавшру багъну пюш-пюкьарисса лажиндаращалсса, ца аьжаивну урувг-манавун ццах бутлатисса, кІялавххуну-някІсса яруннащалсса, илтІасса, амма, муххая увсса куна, кьанкьасса адамина.

Цахьхьунма кьуру булайхту, Салават-багналгу, ивзун, махь лавхьуна:

– Хьунмасса барчаллагь, вин, ттул уссу Загъли-баг, укун хІурматрай нава кьамул увсса! Вил ппу, аьпа биву База-баг кунма ва ина кунма дугърисса арамтал чІявусса хьунакьабакъайссар ва бунагьирттал дурцІусса аьрщарай. Ттул яла хьунмур пахру жува ттигу хьиннува мачча хьанахьавур. Вил кулпат, ххирасса Загъли-агъа, ттул буттал ссурахьил душри, утти вилмур ссугу ттул арсначІа хьун най бур. Я раппий, я Аллагь, вай жула оьрчІру – инагу Аьйна-биканан буттал кІану бувгъуссар – жува кьаччиминнал яру мурчІи хьунну оьрму бутланнав. На махь буллай ура, ттул уссу Загълий, ттул кьатлуву Аьйна-бикагу, вичІа Тавхан-бика кунма, цинма ччикун оьрму бутлантІиссар. Жула маччашиврул мархри ччянияцІава тавтсса бушивугу гьарнан кІулссар. Биз кьумукълар, сиз кьази-кьумукълар. Шинни кьакІулсса Гъази-Гъумучиял ханталгу, Азайннал шамхалталгу ца насилданиясса бушиву?! Жула илданул хьуними кунма, цІакь буссагу, ас буссагу Кьапкьазнаву цайми бакъассар. Я раппий, я Аллагь, жула тухумру мудангу гуж ва каши цІакьнува личІаннав, жува куннащал ку мачча буллалисса ламурдугу ванияр тийнмайгу хьиннува цІакь хьананнав! Ва вил ужагърай жу бивзсса ша зун барачатну тІайла бацІаннав! – куну, Салават-багнал кьуру хІавчІуна.

Лажьисса, кунная куннал цІарду дуллалисса махьру лавхьуна Салават-багнащал буквІсса мугьисалтралгу, Аьхъардал хьуниминналгу. Мажлис унгу-унгу кьур хьуну бавчуна. Ссупралий дакьасса дакья: пулаврду, дурмарду, кававрду, бузбашру, натІухІру, кишмитІутІи, кьайси-чассаг, шарабру, маччарду, аьракьи... Циняв арамталгу, ца хІан кьахІачІайсса кьади личІаннин, аслан кайп хьуна.

– Загъли-баг, – увкуна ца хІал хьусса чІумал, арну оьрватІул духлякьа кунна, цала хьахьисса лажингу щала ятІул дичин дурну, Салават-багнал. – ОьрчІру нукІува хІаятраву ккавккунни, душниягу вирищар хьуну бухьунсар, бучІан бакъай, ккаккан ччай бурча!

Салават-багнан Загълил душ, хьунма бан бувкІния тинмай, ккавккун бакья.

– ЦикІулли тІааьн бакья буссаривгу, нукІува Тавханнул зул хьхьичІун буккан букъавну кьабитантІиссия, – увкуна, кьуь-муьгу тІий, Загълил.

– На вил душ ттучІанма буххан къабувну ацІан тІий акъара, Загълий, – увкуна Салават-багнал, цала кІялавххуну-някІсса яругу вахІшину хъяхъи бувну. – Винния кІулли ттул ттигу ялун нанисса арсру бушиву, балики цІанава, ца къутІилувун кІивагу ливкІуну, на вилмур душгу ттула оърчІан буцин чин. Ци чару, хъунимий?

Ахъардал хъуниминнал, дахъвасса, Салават-багнал хІурмат булла-лисса пишгу куну, ссихІ къадурккуна, мугъисалт тІурча, Са-лават-багнал хъярч хІаз бивзун, хъян бивкІуна. Кайп хъусса Загъли-агъаналгу ца дакъа хъяхъаву дуруна.

– Да! – амру бувна яла Загъли-агъанал къзахъ оърчІ Валинайн. – Насу Тавхан-биканакъ, Аймисай-бикагу бувцуну, на оьвтІий ия уча!

– Башустта, хъунма! – куну, къзахъ лавгуна.

ЧІал къавхъуну, цІусса хъяхъи дарайлул бузмагу лаххан бувну, душгу хъхъичІ бавкІуну, Тавхан-бика дуркІуна.

– Бизар буллайвагу бакъарув зу вай тавлунал ? – хъярч бувна ганил къумукъ мазрай, къатлувун духхайхту.

– БацІайххурав жу вайннал бизар бан, Тавхан-бика, – увкуна Салават-багнал, яругу вахІшину хъяхъи бувну. Яла, цуппа Тавхан-бика кунма, буч-къучсса, къатІуппай къабуклай хъяхъи-мачІисса симандалушалсса, ниттил хъхъичІ нузачІа бавцІусса душнихгу урувгун, ганихъ цацава шавай хІалимну: – Нану ттучІан, ттул бакІ ххуй, – увкуна.

ЧІиви бика Салават-багнал зумату вай махъру букканнин ялугълай бивкІсса хханссия, укун ганал учайхту, бяних ттархъ рирщусса кацІлул кун-масса ца цІиргу куну, щала някІ-оърчІигу лавгун, зиг-зиг тІий цила хъувун лавкІуна. Яла ца хъит куну, ухчІиннийн дияннин цила хъяхъи бузма ххя-дурккуна. Загъли-агъа гъанавиххи шаврил учинмур къаляхълай, щяивкІсса кІанай кІяла лаглан ивкІуна. Тавхан-биканал тІурча, хъатлих хъат рирщуну, ца хъяхъавугу дурну:

– Вуй, ттул мусил кІичІ, му ци ххаллилсса ккурттур ина винна дайсса! – куну, душнил чІаврайн ппай куна.

Ва тІул дайхту, ци бунугу чІиви бика паракъат хъуну, цила рангирайн цуппа букІлан бивкІуна. Микку ивзун Салават-багнал, бакІрайх ках куну, ххира-ххуйгу бувну, душнихъхъун ацІра къурушрансса аршапи бириян бувна.

– Агъ, ина цІуллу ивуй, Салават-бий, ниттиуссуй, – куну, ца нацІу чІуний душнихлу жавабгу дуллуну, яла гагу бувцуну, Тавхан-бика ларгуна.

Увччу шаврил хІукІ бахчусса муэннал, къадинал вичІилухунгу ивкІун, хъун мяъналий ганал ссюрхъирайн ссюрхъгу шуну: «Да, вай арияхъ цивппа устарсса агълу бур, тукун учин оърмулий жула хъаннин дакІнин багъанс-сияв?» – куну, цала акълулий щурщу бувна. Амма увччу шаврил цала чІу цацава личІи бан къахъанай, лахъну ливчуну, ванал тІимур циняннан бавуна. «Да, адиминай, къаикІу!» – куна къадинал, эц ивкІун ганахгу урувгун. «ХІуъ, хІуъ»-гу куну, муэнналгу га ссят къацІ бавщуна.

– Загъли-баг, – увкуна микку Салават-багнал, – ина пикри буллайвагу къаикІарав? Ява пикри мабара: мукунсса малаик къатлунма, жяматранма баракатсар.

– Хъинну тІайлассар, луттирайгу буссар мукун тІий, – увкуна къади-налгу, Салават-багнацІун бавкІуну.

Загъли, ссихІгу къадурккун, цала къищу къалиян таммакулул буцІлан ивкІуна. ЦучІав зума къаахълай, къатлунгу ца кІусса паракъатшиву да-гъуна.

– Да, ина циван авцІуссара? – увкуна ахиргу Загълил къазахъ оърчІ Ва-линахъ. – Тгала куна акъавцІуну, къуру бачин ба!

Къуру бачайхту, Загълил хъамаллурахъ:

– Агъатал, ца-ца гъази-гъумучиял балайрдахгу вичІи дишиннун? – куну, цІувххуна.

– НукІува мукункъай! – шад хъуна Салават-баг. – БучІан ба вичІава бус-са циняв балайчитал.

– Балайчитал чІявусса буххай урав, – куна Загъли-агъанал, – ттучІа ба-лайчи цар бусса. Ккаккансар... Да! – амру бовна яла къазахъ оърчІайн, – насу Гулийн оввча!

Ччергъилугу канихъну Гули къатлунгу буххавривун, шала тавхана ваца нурданул бувцІусса хханссия. ЧІавахълттивух хъахъисса бургъил чани тІайла бацІлай, лачІал къачІасса симангу чанна лархъун, шюллисса ярун-навагу цІу личлай, Гули цІана ляличІинува цІу буну, исвагъину чІалай бия. Гули, хъамаллураингу икрам бовну, тинмай бавцІуна. Цакуну бакІ гъаз дурну бурувгсса Гулин цихва цІитІ бивтун буруглай цавай къутІлатІис-са някІсса яру ххал хъуна. Гай яруннайн я бияйхту, бияла бакъа Гулил бурхІайх лавай ца бявкъусса зурзу буллауна. Гули тачІав бакъачІин баххана хъуну хІисав хъусса Загълил, ппу душних куна, пахрулий ганихгу урувгун:

– Ина цукуннив дакІ дакъасса кунма бурахха, Гулий? – куна.

– Бакъарача, – куну, Гулил пиш куна.

– Туну, барххуй, ина вай жула хъин хъамаллуран га Гъумучири оърчІа-хасса ва Азайни душнихасса балай учакъай.

Ци-кІийла ччергъилугу хъатлия хъатлийн руртун, итабавкъуна Гулилгу лахъи макъандалий:

– ОьвтІий бувкІун бури Азайнияту,

Гъававла, къагъавав, ттул хъунна бавай?

– Агъ, манарда, бавал, бавал ххира арс,

Вин макру байссари Азайни хъаннил...

«Ца хъхъугу танишал дурну, яла ивчІан бучІир. Ци кайп къабайхъунсар Загълил танишал! Амма хІайпри ва хъунмавхъу ттуккун та къукъухъхъи... – пикрирдай ия, Гулихгу ца аьшарийну, га бюкъан куна уруглай, Салават-баг. Цанмагу я Гулил балай баллай бакъая, я лагмасса арамтал чІалай бакъая, так бакІ бия тІааьнну къагъ буллай. – Аьйна-бика бизар къахъанан, чІу-муйсса Таркилив гъан ба чививхха, шак багъайвав хъунмавхъу бурцІин?...»

– Лажинни, лажинни, дивирнал щарссай,

Мусил симан ккаккан памма гъаз бува,

Ялагу миннатри мудуннал щарссай,

Арцул хъазам ххал бан, сурув ппив бува!

«Агъ, чурххацІух цІу лачІунсар, танил хъазамраин хъазам лаян барча! Бюхъайссар Загълил та итабакъингу. ХІатти цири ита къабакъин, нагуния ттула арсанан ванал хъунмав хъусса сеу буцІлай ура. ХІатти цири итакъа-бакъин!...»

*...Чагъарду гъан бувна паччахІтурачІан,
Эшкьилул ивкІунан ци байссари тІий,
Ччаврил ччувччуминнан савав цири тІий.
Чагъарду бувкІуна паччахІтурая:
«Эшкьилул ливтІунан суру ца бувну,
Ччаврил ччувччуминнан гъав ца дара», – тІий.*

Хъуннасса шавкъ руртуна Гулил балайлул хІалучІалтравун. «Апарин, апарин!» – «Агъ, вил жан цІуллу дивуй!» «Валлагъ, гъунттинин тІурчагу, бизар къахъунссару», – тІий бия гай рязину.

Салават-багнал, ивзун, пиш куну Гулил итгавгу урувгун, ганин ашрапи буллауна.

– Вил гъунар муниярвагу камил шивуй, ттул Гулий, – увкуна, «чІалай бурив ттул балайчи» тІисса куна, пахрурдай хъамаллурахгу урувгун, Загъли-агъанал, – утти вай жула ххира хъамаллураха вила зумуну цаппара шаммардугу бакъай!

Га аралуву, духхаврил вагъ-вагъгу тІий, бакІвахІу хІура бувккун, каршул лувату чял хъусса зулпивгу личин дурну, тавханттувун Сакку дурххуна.

– Загъли-агъа! – увкуна ганил ца синхралну, гужну пашагу тІий.

– Гъу, ци хаварда, ци букъакку ливккун бур? – увкуна Загъли-агъанал сситтулсса чІуний.

– Загъли-агъа... – увкуна, цакуну чІугу лагъ бувну Саккул, – дучри хІачІан бан най унува, ламуюту агъну, цІана Агу ивкІунни...

– Туну на цибави, га сагъ ува чин дуркІрав ттучІан? – ссбивзун жаваб дуллауна Загъли-агъанал.

Дуний адархъунна лирчІсса Сакку, бакІрайх рирщусса кунна, дурккун ларгуна.

– Аллагъу Тааьланал куртІшиву къадуллусса шарсса дурча ва ттул къараваш, аьй мадари ваний, – увкуна Загълил. – БакІ зия хъанай, чІелмуллул чІевлиягу нигъа усайсса ца къазахъ уссияча, га ивкІусса хавар бусан дуркІун дур ттучІан. Гулий, ина вила балай уча, аьзизмур, – куна ганал пиш куну, Гулихгу урувгун.

Амма га пишлил Гулил дакІнивун ца къурчІисса, чІутІул къун кунна, кІусса бизаршиву дуртуна. Бизар хъуна га цакуну багнахъал цихарасса аякъалиягу, вай мажлисирттаягу, вай хъин хъамаллураягу, вай чІюлу къатра-ягу.

«Я хъунасса Зал, ва ттула дакІнил хІасрат балайлувух дишин бюхъайсса каши ина ттухъхъун къадуллуну диркІссания, ттул къюкІ хъяхъа чинсси-яхха!»

Итабавкъуна Гулилгу хІасратрал макъандалий хІасратрал балай, вичІи дирхъуна агъатуралгу.

III

Укун личІанъявкъай на балай чайсса...

Ссавний ттуруллул къурхъгу дакъа, зяй-зяй тІий дарусса гъидядизулул къини дия. ЛяличІисса галан-гатар бия хІакъину Ялув Аьхъардал шяраву. Загъли-агъанахъал чІалъаьлул хъхъичІисса майдан ччап куну инсантурал бувцІуну бия. Гикку акъасса акъая: хъами-оьрчІру, арамтал, жагъи-жу-гъулт, къужри, шярайхбуккулт. ЧІалъаьлул чулух цІавиркъирттай хъуни чагругу бивзун, шахълахъисса дукрардал иштгахІисса къункъал гъавагу бувцІуну бия.

Унгу-унгуну хІадур хъанай бия багнахъул Аьйна-биканан хъатІи бан. Чанкъансса ххаришиву дакъая инсантурангу багнахъал гурду хъатІи ххал бан. ЧІявусса инсантал цанма тамаша бан лагма шархъавагума бувкІун бия хІакъину Аьхъарав. Щала шарнил оьрчІругу цІана багнахъал чІалъаьлул хъхъичІун бавтІун бия. Ялув Аьхъардалми оьрчІру пахрурдай буруглай бия Лув Аьхъардал оьрчІах: ай, чІалай бурихІакъину жунсса хІаз, тІий.

– Да, лув аьхъар, дачи жул шия, зу жул лувруча дусса!

– Къабачинну! Тти къатри гъанну буния, къудур хъанан диркІиссар.

– Ина ттуйн дурав шарссанин цІа тІий, манцІлай?

Укун рагъну, цаннаяр ца къучисса кІия оьрчІ биян ххавххуна.

– Да, да! Биллан къабикІайссар, хъатІул къини биллан къабикІайссар. Жуйва шархъи хъан бикІайссар, – куну, гиккусса арамтурал оьрчІру букъан бувна.

– Да! – увкуна микку ца жагъилнал. – Бикъаллай, бачикъай лачІун буккан...

– Бачи, зул Лув Аьхъардал оьрчІру жул Ялув Аьхъардал оьрчІащал.

Лагма лавгуна арамтал, лачІун буклан бивкІуна оьрчІру. ОьрчІавусса шавкъ хъуниминнавунгу дурххуна.

– Гъу, Оьмарий, гъу!.. Ява, ух машара?..

– Маагъара!

– АхІмадий, къянкъа рува! Къянкъа рува!..

– Ччаннахун ччан бахчин ба!.. Мукун!..

– Эгъ! Вил къаттай...

– Яр, жул вай палангуррхха, жул вайннал битайххурав?!

Тийннайгу дия шярал хъаннилмур даккаву. КІюрххила Аьхъарав дуркІун дия Ккуллал Удил Узу – къалиянгу чайсса, хІангу хІачІайсса, шан-шархъая дакъатІайсса балайчи Узу. Хъами, Удил Узугу вив ларсун, га гъалгъатІи дурну, цанма хІаз ласлай, аа-ппапардай бия. Удил Узу цила никъурттахун щилащисса ятІул чядралул гъухъуву, парш бивхъуну цила тІаннул къалиянгу тІий, кІюрххила чун щуссарив, кайпгу хъуну, дайкІаркІун гъалгъа тІий дия:

– ХІакъину на Загъли-агъанахъал душра. Къакъари букканнин балай тІунна ттула Умму-биканал хъатІуй...

– Ягъар, начлива дуккаву цира, хІала-ккала му къалиянгу цир?

– Начгу цибанни, ярий, зуна-цурк булле буххуро, къалиян бакъаро тІисса? Ттула агълу-авладрай къяпа бишайсса чув къаличІуну тІий, чувнал къанкъ ядан тІий бура. Ярий, цибанний мукун тІий, на къякълухун

бишлан, на жи кьякълухун бишайминнаясса буххуро? Жихра жира дуругуну дикИи, аццул бакІрув...

– ХІа-хІа-хІай! Щях рищивуй, ина ци балара...

Загъли-агъанахъачІан тІурча найнна дия хъамаллурал кьюкьри. Дарвазалул хъхьичІгу авцІуну, Загъли цува ия хъамал кьамул буллай. Гиккугу дия ца ккучун оърчІал. Гай хъамал дучрая ликкансса мугълат бакъа: «Загъли-агъа, на гъан ува дучри канаки бан, на гъан ува!..» – тІий, багначІан ххяххайва.

– Бат къахъуннув зу шичча, нацІликрув?! – тІий, Хъюрт Май Муса, цала, тІаннул ссихъул кунна, лахъисса кару ва ччаннугу оърчІайн гала-гала дуллай, гай лихъан буллай сукку шайва.

ОърчІру тІурча, Мусайн энчІру дуллай, мазру ккаккан буллай, га хъиннува сси бизлази уллай байбишайва.

– Мусай, ина миннал ми оьнцІул нанисса майрду чартгах лиша! – учайва, хъягу хъяй, Загъли-агъанал.

Муса анаварну чІучІри гъаз бан кьус икІайва, микку оърчІавунгу ца шадсса гъалакшиву дагъайва. Гай ххарину, накІлил бувччусса гадри кунма, тІанкІагу тІий: «Хъюрт Май Муса, Хъюрт Май Муса», – тІий, вев-гъарай тІий булукъайва. Муса, батІлатІисса чІучІригу эки ливчуну, сситтул къацІгу хъурхъул нани бувну, оърчІайн хъирив шайва. ОърчІру тІурча, цала чапалсса, тІартІсса яннагу варз-варзтІи дурну, цаягу Мусахъхъунгу къаиривну, ливхъун лагайва. Гиккусса инсанталгу лякьри дугълай Мусай хъян бикІайва.

Тяхъашивурттаха ва аа-ппаппардаха хархавар бакъанма чІунмур ларгун ляркъуна. Бивзуна ахттайн. Хъунзунттул кІиха, ратІ-ккутІайн ва хъачІ-бакІайн цІанну някІсса ххютругу дичлай, марххала кунна кІяласса, ццунсса ттуруллив бивгъуну дарчуна. Мажлисрайн батІай чІунгу нукІура хъуна, бучІан буми хъамалгу нукІува бувкІуна. Ялугълай бия так ханнах ва Азайния бика буцин бучІанминнах. Шярал хъаннивунгу цІуцІаву дурххун дия. Гай: «Ягъартал, гай азайми бучІан чІал хъанай бурхха, гай циссар-вав?» – тІий, жагъ цІияллайн лавхъун, Хъун ламул гихун бургавай, жагъ кІичІирттаву кунначІанмай ку шавай, ругъру духларгун, лап кьузу-кьуккулий бия.

Хъинну чяш увккун ия цува Загъли-агъагу. Га хъамаллурачІату ларзулун уккавай, хІаятравун учІавай, щихъчІав зумагу къаахълай, ххишала акъа магъмунну ия. Загъли-агъа цархъхъу цува лавгссия Гъумукун, ханнайн хъатІуйн оьвчин. ХІакъину аьттаракхунай учІанна куссия ханнал, оърчІахъал агълугу кІюрххила бучІан чІунссия.

Инсантал тІурча, тийнмайну циняннаятугу ябувцун, чІалъаьлул чІарав ца кувссан тавтесса яхъуй щябивкІесса хъуни кьужрах, гайннал цахъва дакІ дансса ци учайвав, гай ци пикрирдай бурвав тІий, гайннах буруглай бия. Амма хъунисри ссихІракъу бивхъуну бия. Гайннал паракъатсса, гъав ларгсса симаннах бурувгун, гайннаву бумур бувчІин хъинну захІматъя. «Гъарал-за ларчІун, чув-бунугу ххуллиывагу гъантта къаливчІривав оърчІахъал агълу, чІуннихха бучІан», – пикрирдай бия кьужри. Амма куннахъ кувгу цавува бумур буслай бакъая, ссалчІав пикри бакъасса кунма, паракъатну щябивкІун бия: ай, жунма кІуллхха гай циван къананиссарив, ссан аьр-

кинни муния гьалгъавагу тун. Гьалгъардурив гайннал цайми иширтта-
ясса бия.

– Да, – увкуна гай къужраву ца яла жагьилманал хьинну мьйжан бакъ-
амур хьунниминнахь цлуххавриву хьинбала бакъа зарал бакъассар тисса
загу дакӀнин багъну, – да, ва шяраву бурхха ца Маймай къягъул хавар, ай,
ший Ялув хӀатгаллив ца хьхьуну Авгъаннахъал Эсмаиллун, цамур хьхьу-
нугу Закарижахъал Макъин ххурттама ххал хьуссар тисса хавар, му ци
хавардивав?

– Валлагъ, бур му хавар, къакӀулли, шярал хавар буссаривгу. Мьйжансса
бухьурча, хьинмунин, хьиншиврун хьуннав, я раппий, я Зал, – увкуна га-
нал чӀарав щяивкӀсса ца кӀяла чӀирттарал.

– Мьйжансса, мьйжансса, – увкуна цама къужлул, цала чӀалачӀи кӀисса-
гу лавай гъаз бувну. Цувагу, укунгу куну, ихтилат агъамсса бушиву бувчӀин
буллай, къаивкӀуна. Яла, ца-кӀива бикъав хьугъугу куну, буслай айивхьуна:
– Цархьхьу гъарайзу Бадруттиннунгу ххал хьуну дур... Цлуххаракъай зува-
гу... Хьхьудядирзсса чӀун духьунссия тӀар, ккаччи къарал дакъа хӀап-хӀап
тӀий буну, ци иш бурив ххал бан, къатӀув увкссияв тӀар. БакӀрая ччаннайн
кӀяласса янналуву дия тӀар, Хьун ламуйх тихуннайгу лагайва тӀар, шихун-
найгу. Яла лавсун ттупанча, инсан ухьурчагу тӀий тӀайла къабаннача куну,
битав тӀар ссукӀа. Ттупанграл чӀу шайхту, шарнил чулухуннай лирхьун,
бат хьунни тӀар.

– Ца заманнайгу, буслан икӀайва аьпа биву ттул ппу, диркӀссия тӀар...

Укун хавар буслай цамагу къужа айивхьусса: «Хан най! Хан най!» –
тӀисса инсантурал аьлагъужалул га ляличӀан увна.

Гила ратӀату лавай, ламучӀан дирну, бурттигьалтрал къюкьа най дия.
Бурттигьалт ххал шайхту, варх куну лавай бивзун, къужри гайннал хь-
хьичӀун бавчуна.

Ххарину пиш-пишгу тӀий, цала суркъяпагу бакъин буллай, дарваза-
лува Загъли-агъагу увккуна. Ганал хьирив чӀалъаьлул хьхьичӀсса циняв
арамталгу сукку хьуна.

Хан лухӀисса чиллу-чухьлуву, лухӀисса суркъяпуву ва оьрус чакмарда-
ву янна-ярагъуннилгу балгусса ацӀнияхъайсса нукарнашал ва цала ацӀния
кӀира-шанна шинавусса арснашал ия.

– Я ттул хьунма, аврав! – увкуна Загъли-агъанал, ханначӀан гъан шайх-
ту, ганал кагу дургъуну. – Вих ялугълай яру буквавай ливчӀуннихха, цӀана
вил хьирив буртти ивкӀун ачавайявхха усса...

– Туну, ттух ялугълай, чӀярусса хӀан ва ччатӀ лирхьунссар вил, Загълий?
– увкуна ханнал, Загълихгу уруглай, яру хъяй буна, бунияласса чӀуний.

– ЧчатӀул ва хӀанттил хаваргу чунникъай, ттул хьунма... Му ци ччатӀул
хаварди, вил цӀаний на ва ттула щала мулк харж байссархха... – тӀий, Загъ-
ли, ханнал лажин лякъин, чату цукунсса махъру букканссарив къакӀулно
ливчӀуна.

Хан тӀурча, ссихӀгу къадуклай: «КӀулла ттун ина, чӀявукӀул кӀулуй,
кӀулла», – тӀисса куна, макрузанну цала хьунисса лухӀисса яругу хъяхьи
бувну, гъанавиххилну пиш-пиш тӀий, цала хьхьичӀ авцӀусса Загълих уру-
глай авцӀуна.

– Загълий! – увкуна ахиргу ханнал ца лахъсса чӀуний. Залуннал чӀу-
ния ццах куну, ханнал лухӀи чал, цила битавсса ссурессугу ссукӀа дургъу-

ну, цЮрххалну зумургу ккухІлай, чулухунмай ца хъит увкуна. Хъхъури кІункІу дурну, ханнал чу кІура баен бувна, чІаматІу куна, хъахъигу лавгун, Загъли гъалак бувксса чал хъхъичІа анаварну увкьуна. – Загълий, – увкуна ханнал, – ина ттуйн хъатІуйн оввчавкбай, юхсса Аьхъардал щарний тамаша буллали ан оввчав? – яла, чяш увксса Загълий яругу бивзуну: – Гъа-гъа-гъа-гъа-гъа! – куну, цала арцул мархъгу дакІниці бивхъуну, ханнал ца хъуннас-са хъяхъаву дуруна.

– Вил буюрданух ялугълай ура, ттул хъунма, – куну, Загъ-ллил анаварну, хан учІан, ччармузи дургъуна.

Загълил хъачІрай кагу дирхъуну, тІанкІ куну, хан чаяту ливккуна. Хан Загълияр ца аьнтуксса лагъсса ия, амма хъачІунттава утгасса, чурххал битавсса ия. Хан хъхъичІ авчуна, ганал хъиририв, чугу къазахънахъхъун буллу-ну, Загълигу авчуна.

– Ссалам аьлайкум, Маччайннаву цІа дурксса Аьхъардал вирттал! – увкуна ханнал, ца канил мархъгу гъаз бувну, гамур кагу дакІниці дирхъуну, цала хІурматран хъхъичІун бувксса арамтурахъ ва хъуни къужрахъ.

– Къарабуз, жул хъунма, къарабуз! – ца зумату кунна жаваб дуллауна жяматрал арамтурал.

Аьхъардал хъунисриннал тІурча хІурматрай ханнал карду дургъуна. Хан гихава най ххал шайхту, чІалъаьлул хъхъичІсса хъами ва оьрчІругу ганал хъхъичІун бувккуна.

– Душрув, хъатІул дакъа цІа къадуккаваннавча зул шяраву! – увкуна ханнал хъаннихъ.

– Цуллу аннав, жул хъунма, вила оьрчІангу буллай ккакканнав, ина акъасса дуниял жул янин ххал къахъуннав! – куну, жаваб дуллауна хъанни-ву яла сивсуминнул.

– Буттай, буттай!.. – тІий ия, дядаланну яругу бацІан бувну, махІатталну лагмавагу уруглай ханнал арс. – Вар, ва ци шяравалур цавагу мурхъ бакъ-асса?.. Шиккуния цавагу мурхъ бакъар.

– Гъассар, ттул арс, гъассар Аьхъардал шяраву ва ца мусил пьлутрал мурхъгу, – увкуна ханнал, хъягу хъяй, Загълил хъачІрайх хъатгу ришлай.

Дарвазалул хъхъичІ кІиягу арснащал архІал къумукънал лухІисса къ-ири-лачак – тастаргу дуртун, ятІулсса дарайлул гъухъуву чІюлугу хъуну, Тавхан-бикагу дарцІуну дия.

– Вия на къурбан шивуй, хъихъи арс, хъунмасса хІаллай ина циванни чІал хъанай бивкІсса? – увкуна Тавхан-биканал, ханнайн икрамгу буллай.

– Да, адиминай, – увкуна ханнал, хъягу хъяй Загълихгу урувгун, – ва вила щарссанин ина арамтурайн «ур» чин, хъаннийн «дур» чин та лахъ-хъин банна? – яла Тавхан-биканахъ: – Ххарину бурав, Тавхан-ханум, зула хІан зула кІартташувун рутІлай? – куну, ганин жалин ва наврузбаг – кІи-вагу гъансса буну тІий, хъярчгу бувну, хъачІунттаха бувгъуну багнахъал арсругу ххира бувну, хан хІаятравун увххуна.

Ца манзил лавгсса чІумал, кІия бакІшярава щиллив: «Най бур! Най бур!» – куну, оввкуна. Ца шадсса ххурхху бувххуна микку циняннавун. «Азайми най! Азайми най!..» – тІий, шала щарнил оьрчІру, вев-гъарай тІий, куннал ку къабитлай, гайннал хъхъичІун левчуна.

Гилун Хъун ламучІан диявай дия бурттигьалтрал ца лахъисса къюкба. Ухъунссия гикку ххи-чан акъа ца ххюцІала инсан.

ЦІанхъуллуйсса дувссилул хъун гюнгутІигу дяв чин бувну, тІиртІуна

багнахъал дарвазалул пялутрал нузкъунттив. Гюнгутулмур чIу паракъат хьунсса мугълат бакъа, булувкъуна, циняннал дакIругу ххарину гъалак дуллай, бухзаманнул зунняв, ххяллаунма зурзу бутлай, дулуркъуна накъарагу. Зунняв-накъарттул хъхьичI хьуну дарвазалува ятIулсса башлихъращалсса щюллисса чиллу-чухълуву, лухIисса бюхттулсса бухар къяпагу бивхьуну, ххаржангу дархIуну, увккуна Загъли-агъа, ганал хъиривгу – хIаят дурцIулсса хъамал. ГайннацIун ца хъуна щала жяматрал арамталгу. Хъирив бавчуна душру-хъамигу. Хан тIурча цала нукартуращал ва арснащал архIал, тамаша бан, ларзулун увккуна.

– Балай, балай! – амру бувна Загъли-агъанал.

Итабавкъуна микку арамтурал лахъи макъандалий буттахъал балай, итабавкъуна душваралгу тяхъанугу пашмансса «Гъалилай», дурцуна зунняв-дачIулугу ххуллул макъан. Сукку хъуна цинявппа оърчIал агъулданул хъхьичIун.

Душнихъал агълу бала-гъалайлушал цала хъхьичIун най ххал шайхту, гихава най буна, къумукъналгу итабавкъуна балай. Ми-кку аъжаивсса гъавас бувххун, шарнил жагъилтурал, ратI-ккутIал чIу зана битанну лахъну: – «Гъурра!» – увкуна. «Гъурра!» – увкуна гиха бурттигъалтралгу.

Ахиргу Лув Ахъардал зума-къирагърай данди хъуна кIивайвагу. Бивщуна къумукънал аргъан, рирщуна лакрал зунняв-дачIу, кару-каругу дуллай, душнихъал агълу оърчIахъал агъулданул хъхьичI къавтIун бивкIуна. Инсантурал шадшиву дучравунгу дурхсса хханссия, гай, къавтIисса кунма, ссаннугу гъаз дурну къяца бацIлай, шадну эр-эр тIун бивкIуна. Дайдирхъуна буслай бусан къашайсса тяхъашиву. РатI-ккутIру гюргутIи дурну ку балай тIун бивкIуна, ку, хъару-хъару дуллай, къавтIун бивкIуна.

ЧIун ахттакъун бизан гъан хъусса дия. Ахъардал дара личIаннин, лагмасса дунял, ссав аьрщаращал хIала дурхсса кунна, хъхьилул рангсса чIаендалул пуркIуравун дахъларгун, чIалай-къачIалай дия. ВацIилул ялувсса ттурулливгу лагабургъил тIинтталу, мусивун щусса кунна, ятIу-хъахъину чIалай дия. Так ца барзу бия ссавний, ваца укунсса тяхъашивуртту ва хъатIив цинма гъарца къини ххал шайсса кунма, цукуннив бизарну, курчIилну гъава буллай.

Мажлис тIивтIуна кIилчинмур мартавалийсса ряхва хъуни къатлувугу, ларзулугу. ОърчIахъал агълу, хъамал ва Ахъардал хъуни къатрал арамтал щябивтуна ханнан цIаку тавханттуву. Цува хан тIурча щяивкIуна га яла сий думур кIанттай, ганал урчIах ва кияхгу – юзбаши АхIмадхан ва Загъли-агъа. Мажлис тIивтIуна Загъли-агъанал.

– Ттул ххирасса дустал, – увкуна ганал, – акъахъунссар дуняллий хIакъину, на куна, талихI бусса инсан. Циванни чирчан, хъатIучIа ва къюртIилучIа бацIан, зу кунмасса дустал ттула буну тIий. Я раппий, я Аллагъ, зухъхъун къувват булуннав, зу зула мурадирттайн бияннав, ва жула улклуй хъатIул дакъа цIа къадукканнав!

Яла ханнал чулухунайгу ивкIун, Загъли-агъанал увкуна:

– Ттул хъунасса хан, барчаллагъ вин, кIу къабивзун, нагу сан увну, ттул ссил хъатIуйн увкIсса! Ина ттула ужагърай ша бивзукун, ттул хъунма, ва Маччайннал махIлава чанна лавхъун чIалан бикIай ттун. Ина изму булурча, жул заллу, ттун ччай буссия ва жула мажлисрал тямадану ина увчIин...

– Юх, юх, – увкуна ханнал, гагу аьличIан увну, – мурахас уа ина на

му даврия. Гъар ттун ва лакку тІамакърал тјамадашивугу... Вил хІурматран на, Загълий, обрус паччахІнал ттунна дуллусса янянарнал чиннугума къа-
лачІав. Тјамадану увчІлачІиссар, – увкуна ханнал, АхІмад-Ханнал хъачІрай
кагу дирхъуну, – Ахъардал царнилгу юзбаши, мажлисиртталгу юзбаши
– тачІав махъалу дакъасса махъ къабусайсса АхІмад-Хан. Тјамада савлугъ-
иннан!

– Гъурра! – увкуна циняннал къатта бутавайсса чІуний.

Тјамада лавай ивзуна, ханнахгу уруглай, цала, ххал дирхъусса кунна,
башттан кІюласса мурччава ца бавкку пишгу личин бувну, ганал увкуна:

– Вихшалдарайн барчаллагъ, жул хъунма! Я Аллагъ, ина жун чан къа-
ааннав! Вил каши муниярдагу бюхттул хъуннав, вий ва шала дуниял да-
цІаннав! Вил акълу муниярвагу камал хъуннав! Вил душмантурал ахир
пуч даннав, вил дустал вин ччикун личІаннав! – укунсса санаъругу дурну,
тјамада ца лахІзалийсса къаивкІуна. Яла цала ссума-лахъисса къацІгу, пиш
тІий, вичІахун биян бувну, кІилчингу айивхъуна: – Я жул акълулул хъ-
хъирий, я жул дакІру гъили дан бивтсса цІимилул баргъ, миннатри инкар
мабара, хъу ва мажлисрал акълукар, я жул акълукартуралгу акълукар!

Пиш-пиш тІийна ханнахгу уруглай, тјамада къаивкІуна.

– Гъа-гъа-гъа! – куну, рязисса хъяхъаву дурна ханнал.

– Акълукартуралгу акълукар, хантуралгу хан, жула хъунасса ппу
Агълар-хан сагъулсун! – увкуна цащава шайсса лахъну тјамаданал.

– Гъурра!

Буллуна ханнахъхъун маччарал бувцІусса авлул къуру. Къуругу канил
бувгъуну, хан лавай ивзуна. Ухътанну яругу хъяхъи бувну, къатлул лаг-
мава щябивкІсса хІалучІалтрах уруглай-уруглайгу ивкІун, ханнал увкуна:

– Къучагътал, тагъар мажлис цила багъайсса куццуй бачинсса куннасса
дур. Ихтияр дуллалиссар хІачІан ишттахІ буна ччиссаксса хІачІан, ба-
лайчитуран, къакъартту бизаннин, балай тІун, къавтІалтран, ликри ссу-
синнин, къавтІун. Укунсар жула мажлисрал низам. Амма шанан щихъ-
хъунчІав ихтияр къадуллалиссар. Тана та хІалучІалая эбрат ларсманан
хъунмасса таммихІ бантІиссар, – куну, ханнал цайнма лажинсса къатлул
мурцІнийн кІисса тІивтІуна.

Циняв, пІаркъ-пІаркъ бивкІун, мурцІув бурувгуна. Гикку, урчІамур
канил бакІгу бувгъуну, хъуни къатрал заллу – урчІцІалла шинавусса
Щайх-АхІмад, шанул лях лавгун, ссаячІав хаваргу бакъа щяивкІун ия. Га
цана хІисав шайхту, циняннал ца хъуннасса хъяхъаву дуруна. Амма къужа
ялагу чантІ къакуна.

– Ясавур! – пишвагу къакуну, амру бувна ханнал. – Бюхъайхха та рухІ
дуллай икІангу, ургу танах! Ясин къабувккуна къуртал хъунсса къастрату
дакъарив танал?

Ясавурнал цІун къахъунну къужлул бянн мархъ лаян бувна. Ганалгу,
ццах куну, бакІ гъаз дуруна.

– Изу лавай! – амру бувна ясавурнал. – СсукІурай щяивкІсса ххай урав
инава, хъатІуйра усса.

– Буюр агъа, хІакимтал! – увкуна къужлул, ца тивталну лавайгу ивзун,
увагу шанай къаивкІсса кунма тазасса чІуний.

Ханнал дахъвасса маччарал къуру, щийнчІав хъинсса бияннавгу къаку-
ну, хІавчІуна. Яла цала хъунисса ттуру ришлашисса ссирссилттайх кахгу

куну:

– Къужа-кишинал къулла къучинал дур, изан ара му къавтІун, ци гъунар байрив ххал баннуча! – куну, щяивкІуна.

– Устартал! – амру бовна ясавурнал. – Руцара га яла махъун диртмур!

Рурцуна зунняв-дачІулл къаних. Увккуна къужа-кишигу мажлисрал дянив. Яла, дукрардаха кІану къумасса бушиврийн бовну, цава ца кІанттай исвагыну ччанугу буллай, кару-кару дуллай, кІисригу ца къучину лахІ-лахІи бовну, жагыл къаизанну къавтІун ивзуна.

– Хъинсса къавтІала савлугъиннан! – увкуна ханнал рязину, къавтІаву къуртал шайхту.

– Гъурра! – увкуна циняннал тяхъану.

– Аькълукартуралгу аькълукар – жула хъунасса хан сагъулсун! – увкуна, лавайгу ивзун, тямаданал.

– Гъурра!

Хъун мажлис лап гур дуну, сийлий най бия. Ца-цаних тІий тайми къатравусса мажлисирттал тяматалгу, ханнан урцІирдугу дурну, цалами ишругу оьккину най бакъашиву бусан шивун бовкІуна. ЧІявусса махъру лавхъуна, балайрду увкуна, къавтІун бивзуна. Хъамаллуралгу увкуна цала къумукънал илкин балайрду. Яла-яла хІалучІалтран дакІ даркъуна Азайннал цІа дурксса аргъанчи ва балайчи Биби-ханумлуй. Агълар-ханнал тавакъюрайн бовну, ганил цила аргъангу бившуну, мукъва балай ялагу увкуна. Балайрду увкуну махъ, ханнал Биби-ханумлун ашрапигу пишкаш бовна. Биби-ханум лагайхту, тямаданал, ханнал вичІилухунгу ивкІун, щурщу бовна. Ханналгу, Загълил чулухунай ивкІун ца чІявукІулсса пишгу куну, цала ссирессилтту кІура даруна.

– Тямада! – увкуна яла ханнал циняннан баянну. – Тавакъюри къучагътал вичІи дишин баву!

– Сус! – увкуна тямаданал. – Жула хъунасса хан махъ лахъан ччай ур.

Канакаву ва хІачІлачІавугу къадиртун, цакуну циняв пахъ багъуна.

– Мажлис хъинну най бур, – увкуна ханнал щяивкІуна. – На хІакъину хъиннува мукІру хъура зун, Аьхъардал вирттаван кунма, сий дуну мажлисрай щябикІан чІявуссаннан къакІулшиврий. Аммакирив, къучагътал, ца иширал ттул дакІ ххишала дакъа зия дунни. Загъли-агъанал чІалъаьлуву бусса бур Гъиндуллал булбул. Ахир, циванни му булбул зу ттуяту къюлтІ бовсса? Гъагъ?

– Ттул хъунасса хан, – увкуна Загъли-агъанал, – на га, ина махІаттал ан, махъва-махъ бовчІан банна тІияв усса...

– Гъалгъа тІун вихъхъун ттигу шилчІав ихтияр къадуллунни... Изу лавай! – амру бовна ханнал лап буниялсса чІуний. Амма циняннан бовчІлай бия хан мажлисрал мазрай гъалгъа тІий ушиву, мунияту хІалучІалт ханнах ва Загъли-агъаныху буруглай, пиш-пиш тІий бия.

Загъли-агъа, тахсиркарну пиш-пишгу тІий, лавай ивзуна. Ганахгу къулагъас къадурну, хан ялагу айивхъуна:

– Ттул хІакъинусса шалла ххаришивурагу, къучагътал, Загъли-агъанал ххурххуппалуву аьзиз бовсса та Гъиндуллал булбулданул балайрдах вичІи дишинъя. КъачІуннивкъай та булбул, ххурххуппагу эьки лирчуну, шикку ва мажлисрай балай тІутІи бан? Ци чару, къучагътал?

– Жула хъунасса хан сагъулсун! – увкуна тямаданал.

– Гьурра!
 – Вана ва цІана бучІан баннахха, ттул хьунма... – тІий, Загъли-агъа чяш увккуна.
 – Гъалгъа тІун вихъ ттигу ихтияр дакъассар, – куна ханнал, Загъли-агъ-агу аьличІан увну. – Тямада, жува ва къучагънан ци таммихІ банну?
 – Дукъра хІанттил ца гъарацІи хІачІан анну, жул хьунасса аькълукар.
 – Хьинсса таммихІ! – рязи хьуна аькълукар. – БуцІара ванан дукъра хІанттил гъарацІи!
 Буллуна Загъли-агъанахъхьун дукъра хІанттил гъарацІи. Угъ куну, ца хьунмасса ссихІгу бивгъуну, ханнах урувгун бакІгу кІутІу дурну, айивхьуна Загъли хІачІлай.
 – Гьу! Гьу! – учайва Загъли-агъанал нахІала бувтари, яругу хъяхъи бувну, ханнал.
 ХІавчІуна Загъли-агъанал, кІунтІ къабивтун, гъарацІи.
 – Душнил уссу сагъулсун! – увкуна тьмаданал.
 – Гьурра!
 – Утти бюхъайссар, Загълий, – увкуна ханнал, – бучІан бан жула Гьиндуллал булбул.
 Гъан бувна оввчин Гулийн.
 – Огъо-гъо! – увкуна, зунххи лютину Загълихгу урувгун, ханнал, ччергъилттушал Гули къатлувун буххайхту. – На Гьиндуллал булбулла тІий, вичІания Парил Мисиду бивкІун бур, Загълий. Къучагъгал, – увкуна яла лахъну, – укунсса балайчи ЗагъличІа бусса кІулну, ванишал ччалли балай тІутІи дан, ттушалла Ххалла къадуцаврий пашманну ура... Гъа-гъа-гъа!
 Нигъа бусавриллив, гъанавиххи шавриллив, цукуннивагу цинмавагу къакІулну, тачІав бакъачІин бюкъавхьуну ччергъилттугъин кІисригу щун буллай, хархавар бакъа Гулил балай итабавкъуна:

*На лавгун бацІавияв
 Щюлли хъхъирил зуманив,
 Хъхъириун дагъсса алмас
 Ттун ххал хьунсса кІулния.*

*Вай лавгун бикІавияв
 Бюхттул барзунттал бакІай,
 Ттун лякъинсса кІулния
 НякІ микІирай някІ тІутІи...*

Гулил балай цийнува цила байбишаву Загъли-агъанан тІааьн къабивзуна. Укунсса баччибакъашиву ханнангу къулай къадирзуна.
 – КъацІанихсса балайчи дур. Ттул ХхаллачІан ялагу къадучІай, – увкуна ганал Загълихъ, Гули балай тІий байбишайхту. – Амма цила хьинсса байлсса булай хъазам бур. ЧІуниха лархъхьусса гъалакшиву шанучІагу духурча, машаллагъ! Чан-къансса ухьурчагу адимина рахІат ансса бюхъувагу буригъ таничІа, Загълий?
 – Ина ци тІиссаракъай, ттул хьунма, – увкуна Загълил, – шин шавай дур танил ттучІа, амма щилтагъну урувгун акъара.
 – Гъа-гъа! Хъярчру оьрчІал кунмасса бикІай вил, Загълий,

– Хъярч буллай акъара, ттул хъунма... Та душри.
– Душ?! Гъа-гъа! Му хъиннува хъинни. Туну гъархъхъуну жура тания щарсса данну... Гъу, Загълий? Му личИну гуж багъайсса даву дакъархха.
– КъакІуллхха, ттул хъунма, му вил иш бур... Амма та ятиннал дакІ гъагъан дан...
– Гъа-гъа-гъа! Адиминал махъру чІалай буриу, махъру чІалай буриу, къ-ягъри хъянсса.

*...Ялугъларча, ххал хъунссар
Хъхъириуун дагъсса алмас,
Зия лавгсса ттул оърму
Зана къабикІанссари.*

*Лугларча лякъинссари
НякІ микІурай ххярх тІутІи,
Вай лавгусса ттул лачин
КІура къабаянссари...*

– Танил цими шиннир?
– Къуния мукъра дунуккар.
– Гъа-гъа-гъа! Ачу да, гъалгъа тІутІу тти, къуния мукъра шинавусса ятин! Тай яруриу цила га яла на дура тІисса лурзул бур.

*...Тти бацІан багъну бура
Лухччи дакъа аърщарай,
ЩябикІан багъну бура
Ссав дакъа дунияллий.*

*Ва лухччи дакъа аърци –
РатІух нани лухІи нех.
БацІанна неххал дянив,
Биянхъува на хъхъирийн.*

– Агъ, вил жан цІуллу дивуй, – куна щилгъав, балай къуртал хъувкун, – ттурчІавунма зурзу бутанну учарахха...
– ДақІ дакъинссавагу бияв ва Гъиндуллал булбул, ттул хан? – цІувххуна тямаданал, Гули лагайхту.
– БучІия даршу къини балай тІутІи бан, – увкуна ханнал. – ЧІу душнил бия, махъруми бувчІин къавхъунни.
Ханнал хъярчирал хІурматран цаппараннал хъяхъаву дуруна.
– Загълий, – увкуна ханнал чансса хІаллава ганал вичІилухун, – тти ттун изан чІунни. Ина га ттучІан дуца.
– Хъинни, ттул хъунма, – куна Загълил.
– Тямада! – увкуна яла ханнал. – Ина ихтияр дулурча, игъа лаган ччай уссияв.
– Дуллалиссар, ттул хан, – куна тямаданал. – Къучагътал!
Циняв лавай бивзуна.
– Умуд бур, къучагътал, зу мажлис зунма зува кІулну бачин банссар тІисса, – куну, хан Загъли-агъанашал архІал увккун лавгуна.

– Душри чав ина га, Загълий, – цIувххуна ханнал жанахIраву, хъягу хъяй, Загълил хъачIрай кагу дирхъуну.

Ханнал суалданун Загъли-агъанал ца букъавчIинсса гъургъу бувна.

Гай шамилчинмур мартавалийн лавхъуна. КIий, пюрун-чирахъгу лавхъун, шанугу бувтун, къатта хIадурну бия.

– Ва къатлул бякъаву цири, Загълий, ина на аькъил ивчIан ан ччай урав? – увкуна ханнал, ччанну тIитIи бакъин бувну, тахлийнгу агъну.

– Утту ивхъукун, гъили хъунтIиссара, хъихъи арс, – куна Загълил.

– Парил Мисидул хъувун къавуххун, на гъили къалагара, Загълий, – куну, ца хъуннасса хъяхъавугу дурну, ханнал балай итабавкъуна:

*Зул цIияллай баргъ бури,
Жул цIияллай ххют дури,
Зул цIияллайсса бургъил
На гъили къавуара.*

– Гъа-гъа-гъа! Бавссарив вин укунсса шамма, Загълий?

– Бавссар, хъихъи арс.

– Бавхъурча, туну оввчакъай жула Парил Мисидуйн, – куну, хан тивталну тахлия ивзуна.

Яла: «Ци чара?» – тIий, Загълийн ца чIявукIул ишангу дурну, мухIлу-харжан ликлан ивкIуна.

– ЦIана, ттул хъунма, – куну, Загъли лавгуна.

Цувагу жанахIраву авцIуну, Загълил Гулийн къазахъ оввчин гъан увна.

– ЦичIав чин ччай уссияв, Загъли-агъа? – цIувххуна Гулил.

– Аьркинну бурача шийн лахъула, – куну, Загъли-агъа Гулищал хан усса къатлувун лавхъуна.

– Гъя, дадай! – ливчуна Гулища бияла бакъа, гиву хан ххал шайхту. – Гъя, ттул ликри гъагъивуй, на хIакъину чунмай-бунугу лихъанссиявхха... – зана бивкIун нузачIан ххявххуна. Яла, ларкъусса нузачIа авцIусса Загъли-агъанал чиллугу кIирагу канил бувгъуну: – Загъли-агъа, ина ттун бизайсса ва ци къатIар? – куну, аьтIун бивкIуна.

– ХIайп дакъарив вил магъилул ликри гъагъан. Вихава инава мукун зайлан бикIайссарив, ттул Парил Мисидуйн, – куну, хан, аьшарийну пиш-пишгу тIий, ГуличIан гъан хъуна. Яла ганил хъачIругу цала кIирагу канивун ларсун: – Вин къатIа бизан я ина цулчIа, я на авчи акъарахха, ттул Гъиндуллал булбул, – куну, ца бурхъни хъяхъаву дуруна. – На вийн оввчав ттула чакмарду ликкан. Къаликканнав ина ттул чакмарду?

– Къалирккун дикIайссарив ханнал чакмарду, ххарилгу бивчIавай ликкантIиссар, – куна Загълил.

Хан, зана ивкIун, къяпагу бувкъун, пиш-пишгу тIий, тахлий щяивкIуна. Ганал чартIи бувсса бакIрай – хантурал лишан – чIивисса къунчу зурчIай тIий бия.

– Хула, нану шиккун! – амру бувна ханнал, цайна лажинну авцIусса Загълийн макрузансса ишангу дуллай. – Нану ттул чакмарду ликкан! Къяпа ласайсса вил хъхъичIри, так аьматIра. АьтIунссания цичIав къавхъунни. ЦичIав хъуну бухъурчангу, буси жухъ, жугу аьтIун; дард кIидачIинсса акъассагума буссархха.

– Насу, насу, ликки ханнал чакмарду! – куна Загъли-агъанал, Гулигу цачлатува буцан бувну.

Га къачча-къаччайнма ханнал чакмарду ликкан, къус бивкѹна. Микку ханнал, насу тѹий, Загълийн ишан дуруна.

Къалиянгу таммакулул буцѹлай, Загъли-агъа дарвазалухун увккуна. Щала ссавгу бѹвкъусса цѹрттал дурцѹсса, барзгу бакъасса, дарусса хъхъу дия. Дюхлулсса марцѹсса гъавагу куртѹну гъутрурдавун бювкъун, Загъли-агъа, къалиянгу тѹий, къапулул хъхъичѹх тихунай-шихунай занан ивкѹна. Къатѹв дия мукунсса паракъатшиву, хѹатта гила архсса ратѹнил пашмансса жюржулул чѹгума баллай бия, амма мажлисрал аьлагъужа Загъли-агъанал бакѹрава ттигу буклай бакъая.

Цаппара хѹал хъусса чѹмал, чѹалъаьлул чѹираха увччу шаврил ликрай ацѹан къахъанай, ттарай-ххарайгу тѹий, ца адаминал къаралти дурккуна.

– Да!.. Ина цу... цума урар?.. Да!.. – тѹий, къаралти Загъли-агъаначѹан дарчуна.

– Дужжагърал цѹ ура! – увкуна сситтуй Загъли-агъанал, увччу хъума цала Исрапил тѹисса къзазахъ ушиву увчѹну. Яла, анаварну къзазахъначѹан гъан хъуну: – Иттату личиннин хѹачѹлай дуссияв, дунгъуз! – куну, ккарччай къацѹагу бивхъуну, ганал ххюнххуматѹравух заккана бивщуну. Къзазахъ тѹирх куну щях ивщуну. Ванину гъашиву къадурну, ялагу ца-кѹива ччангу щуну, Загъли-агъа чѹалъаьлул чулухунай лавгуна. Цакуну Загъли-агъанан кѹия чѹавахъулттѹива Гулил къакъари буквавайсса вевлул чѹу бавуна. «Пугъ», – куну, ссуггу дурну, Загъли-агъа мажлисрайн кѹура авуна, – гиву балайчи Хѹасан хан Муртазааьлихасса балай тѹий ия.

Мажлис ппив хъуна хъхъудьяр махъсса чѹмал. Хъамаллугу уттурду бишин бувну, Аьхъардал хъуни къатрал арамталгу къапулухун бияннин тѹайла бувккун, циняв паракъат хъуну махъ, Загъли-агъа хан усса къатлучѹан лавгуна. Къатлува ссихѹирал чѹу бакъая. Нуз кѹункѹу дурна – аьнт дурну дия. Загъли-агъа, зана ивкѹн, лувчѹиннив Гуличѹан лавгуна. Нузгу аьнт дурну дакъая, чѹкѹа-чѹитѹгу бакъа, къатлуву цѹан дия.

– Гулий! – оьвкуна Загъли-агъанал хѹаллих.

– Загъли-агъа! – вев куна Гулил. – Ина ттун дайсса ва ци къелли, тти на дунияллийх ци тѹий занава?.. – куну, агъи-агъи тѹий, аьтѹн бивкѹна.

Анаварну, лахъисса шаттирдаь ганичѹан гъан хъуну, вагъ-вагъ тѹисса Загъли-агъанал ганил вичѹилухух хъат рирщуну:

– Му къел данъяв ина къюрусса, дугу дучѹидакъуй! Муна вин, мажлисрайн буцайхту, цѹхху-бусу бакъа балай тѹутѹаву! – куну, хъачѹрайн ца-кѹива закканагу щуна. – Муна вин «лухччи дакъа аьрщи!» Кѹул хъурив, дагу далуй?!

– Ав-ав, дадай! Ав-ав, дадай! Тти на инсантуравун ци тѹий буквава? Гъуя, тти на дунияллийх ци тѹий занава? Мурад къабулурчагу, гъаттахъхъун гъаннин, ттула чурх нава буруччинна тѹийявхха бикѹайсса... – Гули, Загъли-агъанал къутѹру цѹн къахъанакъисса кунма, цила никирттайх цуппа хъапа бишлай бия. Яла: – Къадарсса чув... Дугу душман! Тти вингу ттуя ци аьркинни? – куну, Загъли-агъанал лажиндаравун пуй куна.

Микку Загъли-агъа уккайсса куццуй ккаччийн увккуна. Чап-чап тѹий, къацѹлива чѹенпигу нани дурну:

– Нарив къадарсса чув, ппалнил мурцѹв лярхъусса саяхъ?... Нарив къа-

дарсса чув?.. Оьккимур эьки личин ратI, ххуймур дишин бакIу бакъасса заманнай нарив къадарсса чув, шярайхдуккуй?.. Буси ттухъ, нарив?.. Нарив къадарсса чув?.. На вихъ цIухлай ура!.. – тIий, Загъли-агъа, жиндрал хъуну, ришлай Гулил маймурччавух хъатру улувкъуна. – Ци къадаршиву дурссар на уттинин?! Ци къадаршиву дурссар?

Къункъату нанисса оьттул шала лажингу гьулургъуну, ссинкъа тIий, ссинкъа тIийгу бивкIун, дакIнивун цIуцIаву дагъну, Гули ссихI дуккан къахъанай ливчIуна.

– БивчIа на... бивчIа... – ливчуна гужрай ганил хханххирава.

Цакуну Загъли-агъанан къатлул мурцIату ца заэвсса, ваца гьаттава кун-масса чIу бавуна:

– Ттул нинугу-ссугу, ва ци чIур... ина щичал гьалгъа тIий бура?.. Ттухъ ссихI циван къадуккара?.. Лякъа цIун хъунувагу бакъарав ина?.. – тIий, къари шаниягу дирзун, гуж-балагърай каш-кушгу тIий, ххярклий шиккун най дия.

– Пахай-бавай!.. – ливчуна ца синхралну Загълища, – Пахай-бавай!.. – куну, ганичIан ххявххуна. – Увччу хъуну ура на, Пахай-бавай, ккаччийн увккун, увччу хъуну ура... ХIалал бити инава ттун буллусса ккукку! – никирттайн агъну, ккуккубулул хъачIунттай бакIгу дирхъуну, Загъли-агъа, оьрчI куна, аьтIун ивкIуна.

– Загълий, ина урав, ттул янил чаний?.. Аьйна-биканал хъатIигу барачатсса хъуннавча... Ттул аьзизсса оьрчI, ина ттучIан увкIссияв? Ттул янил чаний, ттул янил чаний, лавгунни Умму-бика, лавгунни, цила мурадиран бувсса душ шаллу баннинмагу къабавцIуну, лавгунни... – тIий, Загъли-агъанал тIимургу къабавну, къари аьтIун диркIуна.

– Пахай-бавай, багъишла ита на!.. Зал ялтту къаучIанссар ттул, так ина ялтту дучIу... Агъ, ттуккуй, ттуккуй... – тIий, Загъли-агъа цала ненттабакIрайх заккантту бишлан ивкIуна. – Гулий! ХIалал ити на, хъумур ттун хIалал бити, – увкуна Загъли-агъанал якъаману.

Гули, ссинкъагу тIий, пахъ багъуна.

– Заннал хIалал итаннав ина, Загъли-агъа... – куна Гулил ахиргу гьуюжу бувксса чIуний.

ХIасратрай, аьзав-аькъувалий гъан дуруна Гулил шала хъхъу. АьтIутIаврил бакI къагъ хъуну, чурххая багъан кунма, цIий бия, дакIнивугу, оьрмулукун яла къагъансса кунмасса ца чIутIул къун бия. Ахиргу, хъхъичI ажартту бизлан бивкIсса чIумал, Гули шанул лях лавгуна. МакIра хъуна, тиягу, шиягу цавай бюхттулсса муруллал вив лавсъсса ца къумасса ратIув. Яла хъуна ратIух яларай цичIанна, къусгу диркIун, лухIисса янналувсса ца къари най. «Къари-бавай, вай инсантал чуври?» – къарихъ цIухлай хъуна цуппа. «Инсантал ссурул ккуртлул ххуллийх бургъил оьрчIал бувцуну, ссавруннай мина дишин лавгссар. Утти дуняллий ина ва нару ливчIсса», – куну, къари цила ккарччив дакъа гъав кунма чIалачIисса къацIгу абахъан бувну, хъян диркIуна. Микку щиллив ца кIюласса чIуний балай итабавкъуна. КIий, муруллул мицIлий хъуна, шилун Гулих буруглай, балайгу тIий, кIяласса янналувсса ца душ. «Щялмахъ, пиръаьн къарий, вил щялмахъ!» – тIий цуппа хъуна, кIа душничIан анаварну биян хIарачатрай, цавай чарттавух, хъархъаллавух, буххаврил дакIгу ват-ват тIий ришлай, хъап-шап тIий най. Душ тIурча хъуна, хъягу хъяй, Гулих хъирив лаю тIий ххарину

кагу галай дуллай, лехлахисса кунма, куклуну хъархъаллая хъархъаллайн тІанкІагу тІий, левчунма най. Ахиргу цуппа хъуна, кару ва ччаннугу ъттул най, муруллул бакІрай, – душмур бири-бат хъуну, чувчІав чІалай бакъая. Яла хъуна къари гила, ратІату, цила пІав бивкІсса къацІгу хъяй абахъан бувну, цийнма заккантту кІутІу буллай...

КІюрххил ГуличІан Тавхан-бика дуркІуна. Гули, дутІин думур макъгу дуртІун, ккухІин думур хІасратгу ккурхІуну, бунил бухлавгун, мучІайн бувккун хъахъигу лавгун, шаний щябивкІун бия.

– Гулий, пикри мабулларда, гъич пикри мабулларда, – тІий, Тавхан-бика Гулил чІарав щядиркІуна. – Пикри буллай пайда бакъар, пикри мабулларда. Ссавний – Аллагъ, аьрщарай – хан. Ина хъхъичІва-хъхъичІсса бакъар, ина махъва-махъсса бакъар. Пикри буллай гъич пайда бакъар...

– На пикри буллай бакъара, Тавхан-бика, на пикри бувссия тІар, къабувссия тІар. Ва дунияллийсса циняв инсантал, жува тава-тагу ливтІуну гъантІиссарухха тІий, гъарца къини, аьтІий, пикрирду булларча, нагу пикри булланна. На пикри буллай бакъара, – увкуна Гулил, яругу ляпІ чин къабуллай, цІитІ бивкІун къатлул мурцІувгу буруглай.

– Аьйна-бика бур, цин къумукъ маз къакІулссар, – дайдирхъуна Тавхан-бика, – цуппа бизар къахъанан, ина Азайнив гъан бан аьркинссар тІий. ХІакъину Азайнив наниссар, винма дукрагу дуки, хІадур хъу. Азайнив лавгун, вил дакІ ххуйну дикІантІиссар. Хъинну ххуйну дикІантІиссар Азайнив вил дакІ. Азайнив багъру буссар, вацІри буссар, хъхъири буссар, хъинну ххуйсса хъхъири буссар. Хъхъирий тамаша бан ххуйну бикІайссар... Хъхъирий жамирдугу буссар, хъинну ххуйсса жамирду. Лакку кІану ххуйсса кІану бакъар, чартту ва зунттурду бакъа цичІав дакъар, мурхъ бакъар, багъ бакъар. Азайнив зунттурдугу буссар, къаннугу дуссар. Ина винна дукрагу дуки, хІадур хъу. Азайнив вил дакІ дакъинтІиссар...

– Утти тгун чун гъарчагу баччи бакъар, Тавхан-бика.

Ахттайннин канай-хІачІлайгу бивкІун, хІадур хъуна жалин тІайла дукан. Чалъаьлул хъхъичІ нукІура хІадурну дия авадансса сунчилушалсса мйяра дучрай аьрава. Ахиргу зунняв-дачІушал, чІарав душваралгу тиха-шиха дургъуну, хІаятрава жалин дурккуна. Жалиндалул хъхъичІун, тІивтІусса Къурандалул луттирдашал, Аьхъардал хъуни къатрал баракат къужри бувккуна. Бивчуна къувтІив, лархъуна ацІрахъул чирахъбизурду, михакрал ва дарчиндалул аьнтсса къанкъгу гъавалувух ппив дуллай, дирчуна кІияннарду. Лахъан дурна жалингу кІяла чайн, итабавкъуна душру-хъаннилгу балай:

*Дарвазартту тІумІара,
Хъулурду гъарта бара.
Ххаллил ляхъиндалул душ
Къутай бивтун ябара.*

*Чулу дикІул цІу дихълай,
ЦІу дикІул кІункІур бизлай,
Айгъур ляхъиндалул душ
Къутай бивтун ябара!*

РатI-ккутIру гъай-гъайтIи дурну, итабавкъуна арамтуралгу буттахъал макъандалий: «Вев-гъарай, чIантIив ххуй, ххуй хъункIул тIутIий».

Лавхъуна оърчIахъал агълу ва жалин тIайла дуккан нанисса душнихъ-ал инсантал дучрайн. Яла, бурттигъалт хъхъичIну, аъравалтту хъиривну, бувккуна ххуллийн. Щала щарнил жяматгу бала-гъалайлушал, бика тIайла буккан, Хъун ламучIан бияннин лавгуна.

Махъра-махъсса аъравалттий, ца духсса лухIисса мучIал карщувунгу бувххун, пашманну бакIгу хъхъичIун дуртун, замгъарданий кунма, къарчI-гу бивкIун, Гули щябивкIун бия.

IV

*Урвавли дунъяллий ялагу цама,
Ттуяргу ялгъузсса, ттуяр аьйплусса?*

*Аман, на вай дардирдан
Цу-цумунин ци бави,
Духмур лувату гъаннин
Щусса ялун диллай дур.*

ХАЛКЪУННАЛ ШАММА

Най дия аърава. Нигъру агъу къадурну, къуру кIинттул къатIув ливчIс-са кацIа кунна, язугъну цIир-цIиргу тIий, най дия. Най бия хъхъичI бурттигъалтгу, лахъну гъалгъа тIий, хъяй, хъярчру буллай, най бия. Так Гули бия цуппалу, дард кIидачIинма акъа, аьтIун дус-ихтивар акъа, Аллагъна-яр ххишала леххаву чинсса акъа, цила хIасратрашал цуппалу. Най бия Гули, цинмавагу циван наниссарив, чун наниссарив къакIулну, най бия. ДакIнивугу куклу къашайсса ца чIутIул къун бия, иттавгу макъ къаркъун дия, Заннайну леххаву тIий най бия: «Я хъунасса цIимилул заллу, ва ттул оърму, зунттаву бурцIилсса кунма, мина дакъа най бурхха, чун нарчагу ва хIасратгу дур ттушалла, ккаккан бакъай ттун ванияту ливхъун гъан бюхъ-айсса ххуллу! Бухъурча мукунасса ххуллу, ккаккан ба ттун, я жуи цIими би-шайма! Я хъунасса цIимилул заллу, дуняллул яхIгу, гъаттал аъзавгу цара цар чайхха, яхI буллай бура нагу, къюртIа тIий, яхI буллай бура, та къия-масса къини лажин кIялану вил хъхъичI бацIан яхI буллай бура, гъапурув рахIим. Я раппий, я Аллагъ, вийн леххавурхха, зулмукарнан диван ина ба, ганал ахир луххайн дуккан да!»

Най дия аърава. Вай даркку-шарккусса зунттал дуланттайх, ссинкъ бах-чусса кунна, къуртал къашавай цIир-цIиргу тIий, най дия. Най дия гилу, муруллалу, Хъун нехгу, аъратталну чавхъхъагу тIий, чIентIан дизлай, жин-дралну ххяллайхгу ришлай, най дия. «Агъ, барзунттив, барзунттив! Бюхт-тулшиву зул, авкъатшиву зул! Ссурулунгу буруглай, магъмунну къабив-кIун бурухха, зувугу дурив ва хажалат, зувугу дурив ва хIасрат? Духъурча, леххаву циван къачару, вев циван къаучару, хъюлчу циван къачару? Ттул-ния, дакI гъюжу дурккун, хханхха бувцIуну бур, вай къумасса ратIру ду-цIин дан, зу циван къалекъару?...»

Най дия аьрава. Къакъадагъавай ссинкъагу тий, най дия. Най дия, пашманну ссавнийх бивгуну, кляласса ттурулливгу. Най бия Гулигу, цила диркюсса ниттишал дакгу гьалгъатИ дурну, най бия: «Агь, бавай, бавай! Ттул дуняллул чаннайн къадурккун диркюсса бавай! Хаз бурив хавтливу, нагу дуняллий хасратру ккухлай къабивтун?

*Жу мискинну буру, Аллагь!
Жу ккашилну буру, Аллагь!
Жу мякьну буру, Аллагь!
Жу вийн леххаву тий буру, Аллагь!
Жу вийн цукру буллай буру, Аллагь!*

– тий, никирттайнгу дагьну, барц кунна, ав-ав тий диклайвавхха, утти дизу дурган вила душних, бюхълай бухурча, дизу дурган, бика кунма, аьравалтийгу щябивкун, лякьагу инил дурччуну, агъатурашал Азайнив нанисса вила душних дурган дизу. Аьллалу, лиллалу, на хазирай бурача... Га уссувагу яувния, ттул ца хъа дугьан. Га сагьну ивкессаниягу, бикланавав на укун, хъару гьаргьсса аьнакИ кунма, ттунма навалу? Циван якъавессия га? Цукун хисав къавхъуна вин га, вила мукъав уна, ивклякисса? Шан-шархъайх чатий занай, къуцурттуву хьусса иникьаллуцасса ххарил хъамаивтунав?..»

Най дия аьрава, жагь бакларай, жагь бакгъяларай най дия. Ахиргу ливчуна махъ къянатссагу, алвагьссагу, ккашилссагу Лакку Биляят. Итабавкьуна Гулилгу балай:

*Кьунттуй кьунтуллува
Щин хлачлай къахънуй,
Къавкьун лавгсса чуллай
Ина ци банна?*

*Гьартасса дунъяллий
Къумасса, ххуй душ,
Къумасса хавтливу
Цукун биканна?*

Агь, Лакку Биляят! Къумашиву вил ратал, пашманшиву, авдалнал вев кунма, вахшисса вил балайрдал!

Щахъардал къуманива личайхту, дайдирхъуна цамур дунял: багъирдавун бахълавгсса Ххажалмациял дара, Лавациял илкинсса аьрши... Ахиргу, Ххябук-Зунттугу бивтун, Къадардал къургу бивтун, бавчуна хъатлу агьлу Дурангиял вацравух. Ца халатраву щиллив: «Цухъри, цухъри!» – куну, вев куна. Ххал барча, кий, ххуллул ялвесса ца муруллул мицлий – кива загълунсса оьрусса цуша. Цухъри, инсантал ххал шайхту, лап гьалак бувккун, сситтулну энчру дуллай, аьратталну ттюру-гъюругу буллай, ссанну ларай гъаз дуллай, къяца бацлан бивкюна.

– Да, – увкуна щилгъав, – шикку цухъри бивкьсар тисса тарих бакъасархха, клай ча бувквивав?

Цухъри ванал укун учиннин ялугълай бивкьсса хханссия, гай хьиннува

гъалак бувккун, оьккисса чѳурдугу буллай, шилун инсантурайн ххялу кку-
ру ритлан бивкѳуна. Микку арамтурал анаварну цухърайн ттупангру тѳай-
ла бувна. Ца цуша, инсаннал кунмасса ца вяъгу куну, муруллийх ялавай
ххуллийн багъуна. Гамур тѳурча, ккуллалухъхъунгу къабиригну, гъалакнѳу
ттѳору-гъѳоругу буллай, вацѳлѳувунмай ливхъун лавгуна.

Тийх, тай някѳсса Салатав зунттал махъ тѳурча най бия дяъви. Тийх
ччучлай бия вацѳри ва багъру, тийх ккашил литѳлай бия къужри ва оьр-
чѳру, тийх луххайн дуклай дия яруссаннал щархъурду. Тийх най бия гъ-
азават. Щала дуниялгу цала къянкъашиврийн мукѳру хъун дурну, ацѳния
кѳира шин хъуну дия имам Шамиллул диндалул цѳаний ва буттал кѳант-
тухлу цала муридтурашал архѳал оьрус паччахѳнашал талай. Тийх ливчѳун
бакъая я кѳакѳаштал, я ясустал. Ялу-ялун хъиннува ягингу хъанай, найн-
ма бия жанная ка ларсѳсса оьттул питнарду. Амма ттигу тамансса шинну
хъунтѳиссар бувчѳиннин хъунав хъусса имамнан кѳяла паччахѳнашал дяъви
буллалаврия ххишала пайда бакъашиву. Ялагу цаппара шиннардивун тѳур-
ча, цала буттал улклул барзунттайх цала паракъат дакъасса рухѳгу лехлай
къадиртун, кѳирисса аьрабнал чуллай, тийх Идавсил гъав дуний, цува хъу-
насса имамгу накълу хъунтѳиссар.

Укун, Аьхъардал багнахъал ссу Азайнив щар хъуну най буна, Дуран-
гъиял вацѳраву гайннал хъхъичѳун цухъри бувккун бивкѳессия тѳар тѳисса
тарихгу оьрчѳал оьрчѳай къабивтун, шамулку къини хъатѳул агълу Азайнив
бивуна.

ШАМИЛЧИНМУР БУТѳА

I

*Циван щуруй ура, къачагъ укуна,
Гъапул ларгесса къатрах хъхъунил лякълѳу?*

*Бивкѳугу ав-ав тѳий бия нузкъунттѳух,
Угъ тѳий бия багъгу, ччиккумяв кунма...*

Азайни. Къума-цѳансса муруллал ва ххяллал вайварттай хъуни хъуну,
тѳабиаьтралгу аьнтесса хасият дуллусса зунттал инсантуран гилу, арив,
щѳоллисса Чуруллал хъхъирицѳесса аьвзал-заманнул Азайннал шагъру ваца
караматесса ссигъа кунма чѳалан бикѳайва. Зунттал инсантуран цала пи-
кри-хияллаву Азайннал шагъру чѳалан бикѳайва дунияллѳул алжаннугу,
рахѳатшиврул, талихѳрал ва ччаврил кѳюрунугу. Цала балайрдавугу цимигу
ттѳуршра шинал мутталий ганиха санаъру дуллай гай букъаччайва.

*Ялавай нарчагу,
Манарда къатѳра –
Му арцул чагъана
Тѳучѳа къабити.*

*Ва арцул чагъана
Вичѳа къабивтун,
Азайни душничѳан
Ци ларсун гъава?*

Тарихрал алимтурал барашиндарайн бувну, ванияр азарлихъайсса шиннардил хъхьичІва гикку бивкІун бур Хазарий паччахІлугърал лакъасай байтах – Самандар. Муниятуявавли Гъзи-Гъумучиял илданул хъунимин-наингу «смирдал» чайсса бивкІсса? Инсантуран тІурча ччянива хъамабивтун бия ца заманнай гикку хъунмасса, аьлагъужа гъарзасса шагъру бивкІшиву. Аммарив бусалардавун багъсса Самандардан кІанай гикку хъуна ганияр къаучирчагу цІадурксса Азайннал чІиви шагъру, ягу, цала къумукънал чайсса куцуй – Таргъу, арнил шамхалахъал байтах, цувгу бивкІсса ца заманнай зур бусса Гъзи-Гъумучиял шамхалахъал кІилчинмур байтахну.

Багъ-бахчардалгу вив лавсун, Азайннал шагъру цуппагу бия хъун гъаржлул къалипрайсса, ццунсса пялутрал, махІиялул, бухълил, азгилданул мурхърдавунгу бахълавгсса Таргъу-зунттул щутталу, хъхьирия чІявуну бищайсса мурчардиягу сахълану, ца ххялла-ххялларисса рахІув кІучІ хъуну.

Шагърулул хъхьичІ, гилу – янин чІалачІисса дуниял дургъусса, кІялавхуну-хъхьилул рангсса Чуруллал хъхьире, шагърулул махъ тІурча – някІсса зунттал ссирт. Шагърулул зума-къирагърайгу, ухссавнил чулух – цинма цуппалу ябувцун ца бюхттулсса муруллул мицІлий тик бивкІсса кІи зивулийсса Салават-багнахъал чІалъаь.

Дия, ттуршигу бувккун, дякъил ццихъгу хІаласса есутнил хъхъу. ЧачІав чІукІа-чІитІ бакъа, щала шагъру нахІу шанавун лавгсса чІун дия. Гила, хъхьирил дяниватугу, саргъас кунма, хъунмасса хъахъисса барз ливчуна. Га хъхъунил лякълуву Салават-багнахъал чІалъаьлул чІирах, къалиянгу тІий, ца адаминал инсаннал къаралти дарцІуну дия. Къаралти жагъ чІалъаьлул чулух тихуннай-шихуннай шаттирал чІу къахъунну хІаллих занай дулукъайва, жагъ чІирайн чулгу шуну, дацІайва. Га я цурк бан къастирай увкІсса къачагъ акъая, я багнахъал чІалъаь ябан ивтсса къаралчи акъая. Га ия цува Салават-баг.

Азайннал баг уссувун цІу дагъну ия.

КІива барз хъуну бия Салават-багнал арснан щарсса дурцуну, кІива барз хъуну бия Аьйна-биканашал бувкІсса балайчи Гулилгу багнахъанний ялапар хъанай. Салават-багнал, Ахъарав мугъий увкІний, Загъли-агъанахъ: «Да, Загълий, ва вила балайчи цаппара хІаллайсса ттучІанмайгу итабакъи, вин бакъа къабучІиссарив ваних вичІи дишин?» – увкуна. Загъли-агъагу рязи хъуна. «Итабакъинна, Салават-баг, – увкуна ганал. – Ина къакунмагу, навагу уссияв, Аьйна-биканан къумукъ маз лахъхьиннин, гъан банна тІий». Вана кІива барзри Салават-багнал мурад барт лавгун, кІива барзри ганал Гулищал эшкъи-ччаву дачин дансса сантирах луглай. Амма вай кІивагу зурул мутталий Салават-багнахъхъун цалагу мукунсса сант къадиривуна. Шинал мутталий жалин къатлува къатІув буккайсса аьдат Азайннал дакъая, Гулилгу шаллусса къинирду Аьйна-биканашал къатлуву щябивкІун гъан дайва. Салават-багнан Гули бувкІния тийнмай ца-кІийла бакъа янин паргума къакуна. Утту ивхъусса шаний Гули итталух занай, Салават-багнал я ляпІ учин къабайва. Чулия чул буллай, кІусса ссихІру бигълай, кувнийгу къалиянгу тІий, къатлувух занай Салават-багнал хъинну къазразанну хъхурду гъан дайва. Ласнан хъанахъимур къабувчІлачІисса Айсу-ханумгу, тІааьн акъа урав, цичІардагу цІий дакъарив тІий, асаналухун дагъайва,

– Тти чулия чул бангу къаитаннав? – ккиш куну, Салават-багнал шарсса къацІ бащан дайва.

Кувни Салават-баг къараваштуращал лувчІинний утту бивхъусса Гулийн цачІанма оввчин гъангума гъуз шайва. Яла, ганил аьлагъужа гъаз буну, цува баябур арча ци бави тІисса пикри дакІнин багъну, гъурххи шайва.

Ца хъхъуну, ацІан къавхъуну, Салават-багнал цала дакІ шарссанихъ аьч дуруна.

– Шарссай, вичІи дишала ттух, – увкуна ганал. – На вияту цичІав къюлтІ къабувессар, ттигу бан тІий акъара. Ина ттун, лахъхъу ттучІанна жалинну дуркІссаннигаргу, ттигу ххирара... Вин къаччангу мабикІара, ва махъсса ппурттутува га жула жалиндалушал бувкІсса хъамитайпа шарссану ккакки тІисса щяйтІан бахчуну бур ттухун. Гъаксса дуаьрду ккалан икІара, чакли-вух Аллагънайн леххаву тІун икІара, арх ба оьккисса щяйтІан тІий, амма ва байтурман цукунчІав арх къашай, укун ккалаккиссаксса, хъиннува бахчай... Навагу къавкъун най ура. Ва иширан ца чаран лякъин аьркини... Ина, шарссай, гъунтти жу цачІун бакъинсса иш щаллу бува...

– Аллагъ, ина буручча, Аллагъ, ина буручча! – леххаву куна Айсу-ханумлул. – Оьккисса щяйтІаннуша Аллагъ, ина буручча! Ина ци тІиссаракъай, ттул заллу, ина ацІния мяйра шинавусса жагъил акъарахха. ОьрчІан шарссагу дурцусса, чІантІив кІяла хъусса адамина мукун тІун багъарча... Га вил душуксса шарсса... Нигъа усу, щцах уку, ттул заллу, асттавируллагъ уча, зуна – хъунмасса бунагърихха. Зуна къабавкъуну, жула ужагърайн Аллагъу Тааьланал сситара ликкарча, цибанна? Га цуппагу гъурватрайсса инсан... Ява, ява, арх ба му щяйтІан, ттул заллу. Ина авссуну най ура, на гъунттийва малланайн оввчинна, вин савав да чин.

– Савав на цакънира чичин дав, шарссай, – шялмахъ бувсуна багнал, – цичІав чаран къавхъунни. МакІра куна аьрщарайх занай ура, га шарссанил пикри бакъа цамур пикри бакІравун къабуххай. Банмур къаляхълай, хъхъугу, къинигу пикрирдай ура. Укун дукъарчІай цІуцІаврил увгъуну, шанийнагу къаагъан тІий, нигъачІи ура, шарссай. Я хъунасса кашилул заллу, арх ба ттучІату ва оьккисса щяйтІан, мурахас ува на бунагъраша, буручча ттул кулпат ва оьрчІру! – леххаву куна яла ганал, ккашия чун лихъансарив къакІулну, бан-битан бакъа ливчІсса саилнал кунма, ца гъаривсса чІуний, кІусса ссихІгу бивгъуну.

Мяйжаннугу Салават-багнал устталугъ унгу-унгуну ишан лархІунийн щуна.

– Гъуя, ттул заллу! – вев куна шарссанил, ласнал хъазамрайнгу дагъну. – Аллагънал буруччинтІиссару жува балаллуша. Вища ссавур дан къахъурча, хатІа хІалал бан, жува ганин ва вин магъар бишинну. Так магъар бакъанма хатІа личин маацІара, жула агъулданун зуна къабакъайссар... ДакІний икІу, жула оьрчІру бушиву, ттул заллу, бала-хатІалуша урувччуну икІу! – куну, Айсу-ханум хъювсул дурккуна. – Ина къавкъун най ура, ттул заллу, ххячарттуйн увккун, къавкъун най ура. Ттул вил бакІрая чІара дагъансса чара бакъассар, ина магъаргу бивхъуну, га аьрш-курш дайлитІивушал шанул хъу, – увкуна Айсу-ханумлул, ххюнпІагу тІий.

Га хъхъуну Салават-баг тачІав акъачІин паракъатну нахІу шанавун лавгуна. ЧІутІул къун дакІницІун багъсса Айсу-ханумлул тІурча янин я къавкъуна.

Ишру тІурча Салават-багнан ччисса куццуй най бакъая, ганаву бумур Гулин кІулсса хханссия, га, лухІи цулчІа кунма, янин ххал къашайва. Салават-багнал щаллусса кѳинирду цавува цува сситтул виурухІлай гъан дайва. Га чІявуну жалин ва Гули бусса къатлул хъхъичІсса жанахІравух занан икІайва, Гулийн овъчин къараваш гъан дан гъуз шайва, къасивсуну, махъунайва зана шайва.

Ца кѳини, кІюрххил чак бувну, мизитрава зана ивкІун най уна, хІаятраву Салават-багнал хъхъичІун Айтитай тІисса ца дугъарасса къараваш дурккуна.

– Ттул бий, – увкуна ганил, ивзравгу куну.

– ЦиЧав учин ччай дуссияв, Айтитай? – цІувххуна Салават-багнал.

– Дуссияв, ттул бий, дуссияв, – увкуна Айтитайл, Салават-багначІангу гъан хъуну. Яла, цила тІимур щинчІаввагу баллай бакъарив ххал бан, хІаятрал лагмарагу дурургун, ганил увкуна: – Ца аьлаMAT хІисав хъунни ттун ва жула мулкирай, ттул бий.

– Ци аьлаMAT хІисав хъур, Айтитай?

– Ва жула жалиндалушал дуркІсса гъази-гъумучири шарсса...

Салават-баг, къазахъ шарссанил зумату вай махъру буккайхту, цакуну ццах куну, цІитІ ивкІун ганил иттав урувгуна.

– Гъу, гъу! Буси анаварну, гъази-гъумучири шарсса... яла? – цІувххуна Салават-багнал ссавур дакъа.

– На муния ци чиви, ттул бий, ва шамилчинсса хъхъур му шарссанил хъхъудяризал, шаниягу дирзун, лултту янналуву къапулухун дуклай...

– Хъхъудяризал къапулухун дуклай чав? – цІувххуна Салават-багнал махІатталну.

– Къапулухун дуклай, ттул хъунма, къапулухун. Хъхъудяризал... Лултту янналуву, – увкуна Айтитайл, цила мюрщисса яругу бацІан бувну.

– Мяйжансарив ина бусласимур, дугъара хъуну, итталух аьшрурагу занай дакъарив вил, Айтитай? – цІувххуна Салават-багнал, къазахъ шарссанийн шала вих акъа.

– Мяйжансар, мяйжансар, ттул бий, Аллагънайн хъарашав, мяйжансар, – хъа бувна Айтитайл, цила хъазамрайх хъатгу ришлай. Яла хъиннура ганачІангу хъуну, хІаятрал лагмарагу дурургун, щурщулий буслан диркІуна: – Ва ца нюжмарди, ттул хъунма, цириввагу къакІулну, шану къабиллай. Ца хъхъуну, укун шанулгу къадиртун, утту дирхъуну дура, циняв къаравашталгу ххюхху тІий шанай бур, дирзун шанияту му хъамитайпа, лултту янналувура дуна, къатІув дурккунни. Аьркин багъну дуркхъунсар куну, къулагъас къадав. Яла кІилчинмур хъхъунугу дурккунни. Цурдагу, цара ца чІун дургъуну, хъхъудяризал дуккай. Ца хъхъуну, ттул бий, ва шарсса чун дуклай дурив ххал даннача куну, чІу къахъунну дирзун, хъирив дуркра. ДачІра ччаннашал, бакІгу ссука дургъуну, цила мазрай цирив тІий шипІ-шипІгу тІий, дарчунни дарвазалул чулухуннай. Яла, аьнт бувсса дарвазагу тІивтІуну, къатІув дурккунни. Дуркра нагу хъирив. Яла, ттул бий, аьлаMAT! Оьрус ххуллийн дурккун, гара къяйдалий хъхъичІун къадуруглай, бакІгу ссука дургъуну, цицала цурдагу гъалгъа тІий, зунттул бакІрайн лархъун, дакъа-къатІа хъунни. Микку зана диркІун, ттул бий, щихъчІав ссихІгу къадурккун, утту дирхъура. Нарагу нигъа дурсун, къулгъу-алхІан ккалай дура. Яла такІу-макІуй, хІаллих нузгу тІиртІуну, дяркъуну зурзу-

гу тий, дуркун цила шаний утту дирхунни. Ва шарсса ххурттамарагу дакъарвав тий, нигъа дурсун дура, ттул бий. Ххурттама диркссаниягу, хIатталлул чулунна гъанссия, хIатталлул чулуннагу къадурургун, зунтуйн ларгунни. Къуннугу дуркра, ттул хъунма, хъирив – мукунна ларгунни.

Салават-баг къазахъ шарссанил бусласимунил къацI къакъан увну ливчIуна.

– Мййжанссарив ина тIимур, Айтитай? – цIувххуна ганал ялагу.

– Гъархъхъунсса хъху дан къадитаннав, щялмахъ буслай духурча, валлагъ, мййжанссар, ттул бий, бургъи-зурул бакIрайн мййжанссар.

– ЩихъчIавгу бусав?

– Ца щихъчIавгу къацI гъаз къабав, ттул хъунма.

– Ява щихъчIав ссихI мадуккара! – куну, къазахъ шарссаний дюьгу дирхуну, Салават-баг лавгуна.

Вана гъархъхъуну, цанма бавмур мййжансса бурив ххал бан, Салават-баг, лялун ттупанчагу бувтун, чIалъаьлукъ къарал буллан ивкIуна. КИира ссятуксса хIал хъуна ганал укун гузатрай. Барз, хъхъиривагу бувккун, ссавнийн гъаз хъуна. Га жагъ цIансса ттуруллавул бахълагайва, жагъ ттуруллава буккайва. Кувний чIапIив къакълай байбивхъусса мурхъру ва къатIригу къазразанну хъхъир-хъхъиртIи бувну, марчгу булукъайва. Аьжаивну паракъат дакъасса хъху дия.

Ахиргу дарвазалул зертI кусса чIу хъуна. Гива кIяласса мучIал гъухъуву, лухIисса бакIвахIулущалсса къаралти дурккуна. СсихI бигъин къасислай, Салават-баггу чIирацIун лявкIуна. Къаралти чIалъаьлул хъхъичIух яларай Оьрус ххуллул чулунна дарчуна. Мййжаннугу га Гули бия. Цакуну Салават-багнал дакIнивун ца аьжаивсса ццах багъуна. Гули, Оьрус ххуллийнгу къабувчIун, тиягу, шиягу къатIран ххяххсса утта-кIюласса жегъир ххуллийх, Таргъу-зунтуйх лавай бавчуна. Анаварну ттупанчагу бувккун, Салават-баггу Гулил хъирив хIаллих, шаттирал чIу къахъунну, авчуна. Гули, бакIгу ссука дургъуну, шипI-шипIгу тий, най бия. Кувний га, цитI бивкIун ссавнийнгу буруглай, бацIайва. ДакIгу ват-ват тий ришлай, ссихI бигъин къасислай, Салават-баггу ацIайва. Укун най, ахиргу гай Таргъу-зунттул бакIрайсса къанив лавхъуна. Къаних най-найгу бивкIун, Гули цакуну бавчIуна. Яла ццах куну, накIлил лавайгу ливчуну, махъунмай зана бивкIуна. Цила махъ адаминал инсан ххал шайхту, Гулил ца вев увкуна. Яла къаних тихунмай, гъинта кунма, ливхъуна. Микку, гъанавиххул къавхъуну, Салават-баггу ганил хъирив левчуна. Анаварну хъирив лавну, ттупанчагу тинмай палцI бувну, Салават-баг бурма къацIа куну, цIикI-цIикI тий ГулицIун лавчIуна. Гули, цила бусса чаралий вев-гъарайгу тий, хъит-шит тIун бивкIуна. Салават-баг, Гулил къацIливу кагу дирхуну, ганийн къюч бивгъуну авчуна. Чурххай бияла бакъа, Гули левкъун лавгуна.

– Бусурманчув!.. Ина бусурманчу акъарав?.. Итабакъи на!.. На къашавайсса инсанна... Итабакъи на!.. – вев тий, къана тий, миннату буллан бивкIуна Гули.

Амма Салават-багнан Гулил тIимур бувчIлай бакъая, бувчIирчагу, ганал га итакъабакъинссия, дуниял лув-ялун хъуну, ссав аьрщарайн дагъарчагу, итакъабакъинссия.

Гули ттигу шала цинма цуппа бучIан бувая, хъанакъимур ганил пи-

крилул ттигу балжину кьукьин бувая. Базу-базурдавун синхралсса кувку бувххун, Гулил чурх кьарал дакъа зурзу тий бия, кьакьари буцавай дакларай най дия, бакI гьанай бия. Адаминал паща тIисса хханххирава нанисса обккисса ссихIиралгу агъ-магъ буллай, ганин цуппа, ваца чIан дакъасса кунцIуллувун бьовкьун нанисса кунма чIалай бия. Цакуну та хIалдания лавгуна.

Гули цинма цуппа бувкIуна бьавкьусса кувссай. Ганил чурх, бургьил цIуцIаврил бувгьусса кунма, зурзу тий бия, цуппагу, дякьил къацI лакьин кьахьанай, къантIа тий бия. Марчгу гьалакнун ав-ав тий бия. ЧувчIав цучIавгу чIалай акья. Так ца барз бия пашманну аьрщарайн буруглай, жагъ ссавнийх аьратталнун бивгьуну нанисса цIан ттуруллувун бахьлагдавай, жагьгу ттуруллава буквавай.

II

*Бакъахьунссар цамур гьич на кунмасса,
Ци дару барчагу, савав къашайсса.*

*Ттуя хьунни балай, хьунни къадаргу
Шанийвагу шану тачIав бакъасса...*

Га дия азар, цинмавагу кьакIулну, хьхьунивунмай шаниягу бивзун, муруллавах, ххяллавах буклакисса азар. Укун занай-занайгу бивкIун, я ччаннайн байша щуну, я ккаччил хIаплил чIу бавну, Гули чув-бунугу ца дюьсса кIанттай чантI учайва. Цийра га цIуцIаву дуссар куну шихьчIав бусангу Гули къасисайва. Цимилагу шархьайн маллатурачIангу лавгуна, савав да учин. Жиндалий ччан бивзссар, учайва маллатурал, амма гайннал гьайчалттаягу Гулин цичIав чаран къашайва. Гьарца Заннан лярхьусса кьини Аллагьнайн леххавугу тий, хьинну кьурчIину бикIайва Гули. «Я жуй цIими бивхьума, – тIун бикIайва Гули суждалувух, – цукссава хьунмасса бунагъ ливчунава жул агьлу-авлад ляхьан бувманаща, ирсирая ирсирайн вайксса хIасратру жу ккухIлахIи бан? Ливчухьурчагу жул буттал буттахьаща мукунсса бунагъ, къагьассиявкъай гайннахлу ттул буттал ва ниттил бувхIумур? Ттуйссагу тахсир цир, гьапурув рахIим, вайкссава ттун ккаккан буллан, ттуйссагу тахсир цир? Нания ттула оьрмулуну, ттунма кIулну, щулгьилунмагу кьаччан бикIан къабав. Я хьунасса кашилул заллу, кара ласи ттуя ва муруллавах, ххяллавах щяйтIаннул ххюрхху буллай заназисса азар! Вийн леххавурхха, хьунасса Аллагь, азардив ва ттун дуллусса, таммихIрив ва ттун буллалисса, яла ласи ттуя ва! Кьагьассаривкъай ттун чаннайми хIасратру, хьхьувайвагу, инсантуравух инсаннан кунма, паракьатсса шанувагу була ттун, я хьунасса Зал! На ина дуллусса хIасратру циняв духIанна, циняв кьюртI учинна, так бити ттуй инава дакIний личIансса, инава бьохттул уллансса хIал, Аллагь, вийн леххавурхха!»

Гулил ппу Исуп шяраву цIанихсса балайчи икIайва, ганал янил ляпI учиннин аьрщи-чарин къабавсса шаммардугу ляхьан байва. Мунияту Исуп хьатIай ва мажлисирттай бусравну икIайва. Цувагу Мьяттахьул тIисса хьуслил заллухьруннал яттихIухчуну зий икIайва. Лагьтураясса уну, цучIав шар кьахьанай, ххюцIалла шин хьуннингу ливчIун, Исуплул цаярва кьура шинал чIивисса Ишттара тIисса ятин шар бувцуна. Бувна Гули, ганил хь-

привгу – оърчІ. Яла Исуп, цакуну дякѣил цІуцІаврил увгѣуну, сукку хѣун кѣахѣанай, шанийн агѣуна. Щала кѣатлул гѣивугу Ишттарайн дагѣуна. Ххишала бакѣа кІюлану ялапар хѣанан бивкІуна. Гайннаяр мискинсса кулпат шяраву бакѣая. Укун циняннаяр мискинсса буну тІий, зума ритавал кѣини, аѣрапалул кѣини жяматрал инсантурал гайннан цадакѣагума байва. Гайннал цаллагу аьнхѣа бацІан хѣу дакѣая, хѣацІ бацІан лухччи дакѣая. Ишттара, чара бухлавгний, Гулигу шанийн агѣсса буттачІа кѣабивтун, оърчІгу мукѣав лавчІун, шархѣайх чІатІийгу лагайва. Ца ппурттуву Ишттара хѣхѣунивуннай шархѣая зана хѣуну дуркІуна. Кѣатлувун духхайхту: «Гѣуйла, бавал, ина тІааьн акѣавагу акѣарав, чантІ кѣаувкуннахха», – куну, Ишттарал оърчІ мукѣату ликкан увна. Яла ца вев увкуна: оърчІ ивкІуну лявкѣуна.

– Мяммай, – тІун бикІайва Гули, лавхѣшаний утту ивхѣунасса буттал чІаравгу шѣабивкІун, – мяммай, мудан утту ивхѣуна икІайссарив, ина шания циван кѣаизара?

Буттал, ури хѣусса лажиндаравух ках-шах тІийгу бивкІун, цІунилгу цІуххайва гава га.

– Гѣай, ттул лагабаргѣ, гѣай, ттул лагабаргѣ, вия на кѣурван хѣуну лякѣивуй, – учайва Исуплул, цала чІирттаравун дахѣларгѣсса, хѣахѣисса симангу пашманну Гулих дурган дурну. Яла цала, бярду кунма, хѣунисса яругу магѣулун цІитІ бивтун, аьсивну балай тІий айишайва:

*Ва ттул чурххал цІуцІаву,
Лагма чІирттан кІулния,
КунничІанмай ку хѣуну,
Даруртту булланссия.*

*Ва ттул дакІнил хажсалат
Ялуч магѣун кІулния,
Яларайгу лархІуну,
Ттуя суал банссия.*

Кѣинирдал ца кѣини шяравун, дишала ласун, ханнал нукартал бувкІуна. Нукартурацал архІал шяравух дишала ратІлай занай ия цува юзбаши Кѣадиргу. Га ххуллухъ нукартурал жяматрая тачІав дакѣачІин чІярусса дишала ларсуна. Дишалагу ларсун шярава нукартал лагайхту, шяраву, валлагѣ, юзбаши Кѣадирдул ва нукартурал дагѣаймунияр ххишала ларсмур дишала куннайх куннал дарчІуну дур тІар тІисса аваза ппив хѣуна. Ва хавар бувсуна Исуплухъ (ИсупхѣачІан, гайннал цичІар дакѣашиву кІулну, дишала ласун цучІав кѣаувкІуна) ганах бурган бувкІесса чІаххурал арамтурал. Исуплулгу га сеят юзбаши Кѣадирдуха шамма ляхѣан бувна:

*Махѣа шуршурду бувуй,
Махѣа гѣухѣуйн хѣап укуй,
Щарнил вийн учай бакІчи,
Инарив ура магѣчи!*

Исуплул ляхѣан бувсса шамма гава кѣинива щала шяравух ппив хѣуна. Щарнил оърчІру, ва шаммагу буллай, вев-гѣарай тІий, кІичІирттавух занан

бивкѹна. Гьунттимур кѹни кѹрххила, нузгу ттявх чин дурну чѹрайх рирщуну, Исупхъачѹан мархьгу канихьну юзбаши Къадир увкѹна.

– Да, хилчѹай! – увкуна ганал сситтул чѹенпигу чап-чаптѹи дурну, утту ивхьусса Исуплул хьютѹнилун мурхьал кѹюйгу хьхьачин дурну. – Варшигу, варший, лалул канай шанийнгу дагьну, шаммардугу ляхьан буллай чун дура? Ва лагьнал катѹай, му чурххайсса нацѹ литѹа цал, яла дагьан шаммардахун. – Яла, ккарччай къацѹагу бивхьуну, чѹярх учин бувну Исуплул хьязамрайх бивщуну.

– Вев!.. Вил кару дагьивуй! – куну, иттату цѹу лирчуну Ишттара ласначѹан ххярххуна.

Хьамарал къацѹагу буцѹин бувну, эц ивкѹн Ишттарахгу урувгун, Къадир увккун лавгуна.

Микку Исуп, цанавагу ци дуллалиссарив къакѹлну, жиндрал хьуна.

– Шарссай, дула ттул ххаржан шиккун... Мина лагьтурал дунугу, на ганал мархь бищун ацѹайма акьара... Дула шиккун ххаржан! – тѹий, Исуп шания ивзун авчуна.

– Исуп, Исуп! – тѹий, аьгу аьтѹий, Ишттара лас угьлан диркѹна.

– Дукьу хьхьичѹа! – куну, Исуплул шарссанил май-мурччавух хьат рирщуну, га хьхьичѹа дукьан дуруна.

– Бавай, бавай!.. Мяммай!.. – тѹий, Гули, вав-шав тѹий, аьтѹн бивкѹна.

Исуп, лавхьшаниягу увчѹн, мюрая ххаржангу ларсун, ттарай-ххарай тѹий, къатлул хьхьичѹсса цѹив увкуна. Ганал хьирив: «Исуп! Исуп!» – тѹий, леххаву тѹий, Ишттарагу дурккуна. Хьанахьмур къабувчѹлай, нигьа бувсѹсса Гулигу, вев-гьарай тѹий аьтѹий, гайннал хьирив левчуна.

Юзбаши, кѹичѹиравугу авцѹуну:

– Гьу, гьу! Хьит уча, пакьир, хѹарачат ба. Аьй дакъассар, бивкѹлакѹикун кѹлулугума къацѹа башайссар, – тѹий, дакъа хьяхьаву дуллай ия.

Исуп къащилул хьиннува гьалак увккун, ачин къабюхьлай, ккарччай къацѹагу бихьлай, ца канил ххаржан, гамур канил чѹирагу бувгьуну, чурттурдачѹан авчуна. Ишттара, леххаву тѹий, лас угьлан диркѹна. Чурттурдал бакѹраин ивсса чѹумал, Исуплул, итакьаакьлай цува увгьусса шарсса дукьан дан, ца хьит увкуна. Микку Исуп, цала чурх цацава байгьин къабювхьуну, чурттурдаих ялавай кѹичѹиравух ивщуну лавгуна. Иттату чани лавсѹсса Ишттарагу цѹияту кѹичѹиравун ххярххуна. Гули, цаххандарал хьуну кѹкѹлу бувну, цѹияллайн багьуна. Исуп, бакѹ чарттайх бивщуну, кѹичѹиравува уна къуртал хьуна.

Къашай хьуна Гули ва иш шайхту, бивчѹай-буккай тѹий хьинну къашай хьуна.

– Аман, ттул мурадиран бувсса мусил кѹичѹ, ттул къукьухьхьий, ма-бивчѹара! – тѹн дикѹайва дакѹ гьюжу-гьярж дурксса Ишттара, явагу гьаз къабуллай, за зумув къадихьлай, къашавай утту бивхьусса Гулил ялунгу диркѹн. – Инагу бивкѹну, яла на дунияллийх ци тѹий занава? Ттул оккисса ниттил бувсса ляьлу-жавагьий, мабивчѹара, инагу бивкѹну, на щихь гьалгьа тѹува?..

Яла Ишттара, чѹанкъатлуву никирттайнгу дагьну, ларай кѹирагу кагу тѹиртѹуну, хьювхьу тѹий аьгу аьтѹий, Аллагьнайн леххаву тѹн дикѹайва:

– Я Аллагь! Вийн леххавурхха, Зал, мазеххара ттуца ттул лякьлул оьрчѹ, макьакьан дара ттул лякьа, малешан бара ттул яру!

Ца кьини Гулил я буцан бувна.

– Гулий, бавал ххира оьрчI, – увкуна Ишттарал, ххаригу хьуну, – ци дуканна, ттул мусил кIичI, цичIардагу зумув кьадишиннав?

– СсурухIи... СсурухIи... – увкуна Гулил, кьаркьсса мурччивгу шипI-шипIти дурну. – Ттун ссурухIиливух щин хIачIан ччай бур...

Гулин ккаккайва шяраву дулланмагъ думиннал оьрчIру шушлувух щин хIачIлай. ЧчиччиначIа кьадикIайсса, аьнтIикIасса зад дуну тIий учайва циняннал шушлуйн ссурухIи кунугу. Цилагу хьурдай гукун исвагьисса пюрундалул щюлли ссурухIи тIий, Гули чIаххуврал оьрчIал хьири-хьирив занай, ца ххув учин цихьхьуннагу дула тIий, миннатру буллан бикIайва. «Виннагу ласи уча вила буттахь», – куну, Гулихьхьун шушагу кьадуллуно, оьрчIру ганичIату лагайва.

Ганил шушлувух щин хIачIанна чайхту, Ишттара шушлул хьирив шяраву ларгуна. Яла шушагу ляркьуну, ххарину ГуличIан зана хьуна. Шушлува щин хIачIайхту, душ таза-тирх бувккуна, дукра канан бивкIуна. Гули шушагу цила чIарату арх дан кьабацIайва. Га, шушагу кIирагу канил чIуен дурну дургьуну, хIисаврай ганих буруглай-буруглай бацIайва.

– Бавай, – учайва яла Гулил, – тти ва ссурухIи ттуллалури?

– Ди, ттул кьукьухьхий, ди, ттул мусил кIичI, виллалур, – учайва Ишттарал.

Гули хьин хьуна, амма га кьашай шаву савав хьуну, га макIра ццах тIий, вев тIий, шанияту бизлази хьуна.

– Ттул мусил кIичI, ттул бавал бувсса оьрчI, аьматIра, вана на вил чIарав, – тIий, Ишттара, Гулигу хьазамравун лячIин бувну, га паракьат буллан дикIайва.

Ахиргу, вев-гьарай тIий, аьтIийгу бивкIун, Гули чантI учайва.

– Вин макIру ккаклан дикIайрив, бавал, вин ци шай? – тIий, цIухлан дикIайва Ишттара.

– Бавай, на ссавния ялавай багьну-багьну нан бикIара, – учайва Гулил, ссинкьагу тIий.

– Му чурх буклайри, бавал, хьунмасса хьанайри, – учайва Ишттарал.

Чурхгу бувккуна Гулил, хьунмассагу хьуна, амма цIуцIавумур оьгу оьлуркьуну, ганихун ххарарххунна лирчIуна. Яла-яла Гули чIявуну макIра бизайва дяхтта цинма дакIнин шусса ци-бунугу хьуний, кIусса пикрирдал кьума-цIан бувний. ДакIнин шунмурдив ганин чан кьашайва, кьума-цIансса пикрирдугу яла кьалагайва.

*Баргъ бивунни куну,
Ххари хьурчагу,
Мукьал ккузри ххал шай
Марцалу урттуй...*

*Хьхьу дуркIунни куну,
Шанийн багьнугу,
ХIучI тIийнна дакI личIай
МикIирал зунттуй...*

Вана гьархьхьунугу, га цIуцIаву багьана хьуну, Гулийн га бала ливккуна. Кьюкьингу бувну, кьадаргу бувну, шаву дирсса барцI кунма, цинма цуппалу, шилу чил биляатрай, Таргьзу-зунттул бакIрай Гулил, цуппа дунийяллийн инсанну ляхьаврия пашманну, хьхьу уттара дуруна.

III

Щаллара дуниял кьюкI хьусса хханссар...

*ТIайлабацIу бакъар ва ужагърайгу:
Чирахъ лахъарчагу, ялагу цIан дур,
ЦIуну бувкIмунингу бизаршиву дур.*

Марч, мурхъру ва къатIригу синхралну куннийх ку бишлаши буллаи, ялу-ялун гьалак буклан бивкIуна. Гила, ххяллала исултгу аьратталну бубу тIий бия. Гилу хъхьиригу, сситтул цивунма цуппа къалагавай, гьалакнум зумардайх бишлай бия. Щала ссавгу лухIира-лухIисса ттуруллал дургьуна. Дайдирхъуна, чаннаннил щяпа кунна, кIуну чIярхха тIий ришлашисса риршу гъарал. Къиямасса къини дуркIисса хханссия. Язугъ бия гъархъхъуну цувалу ххуллий ливчIисса саилнай. Язугъ бия аскигу бувну, кьюкьингу бувну, бурцIин цIими хъунну зунттул бакIрай ливчIисса Гулийгу.

«Я Аллагъ, – Заннайн лабизлай бия Гули, – ина на чаруну ляхъан бав, махну ляхъан бав, вайксса бакIран ккаклай бунува, вайксса ккухIлай бунува, циванни ттул дакI шиши къадагъайсса, циванни ттул кьюкI хъяхъа къачайсса, циванни ттул бакI авлия къашайсса?»

Амма Гулил леххаврил чIу щинчIав баллай бакъая. Щалларагу дуниял лехха-личIаврий дуна, ганилмур леххаврил чIу щин баянссия? Аллагъ кунна янин къачIалачIиний, инсаннал леххаврил чIу къабаяйний дия цурда оьрмулун мяънагу.

Чара ция, Гули цила къараваштурал пукълувунмайва зана хъуна. Щала чятгу хъуну, дякъил зурзугу тIий, Гулил базу-базурду, ххалаххал кацIру бакълакьисса кунма, кьювурду дуллаи, цIий бия. Амма дакIнивусса хажалатраха цIуцIисса чурххах вичIи дишинсса мажал бакъая. Гули, цищава агъи къаличин, къакъарттуйн кьюрчуну нанисса кIусса къурхъ кьюртIа тIий, мурччив оьттул нанцIа ккухIлай бия. Ахиргу, къабювхъуну, Гулил хханххирава къатта бутавайсса ца агъи ливчуна. Къараваштал чантI куну, Гулихъ ци тIиссара, цивхъур тIий, цIухлан бивкIуна. Гулин кьумукъ маз къакIула, кIул хъурчагу, ганил цинма хъумур гайннахъ ци тIий бусанссия.

Цинянар махъ шаниягу бивзун, Гули Аьйна-биканачIан лавгуна.

Аьйна-бика цуппалу, чIавахълттичIа щябивкIун, бартбису лачакравунгу бувххун, жуж ккалай бия. Аьйна-бика Гулияр ххюра шинал хъунмасса бия, амма ялун урувгун га Гулияр ацIния ххюра шинал хъунмассар чинссия. Чурххал чIивисса, лухIи-пурщисса, чутту багъсса симандалиий ца аьжаивну адаминалми кунма аькьлу бусса пашмансса яруннашалсса хъамитайпа бия. Ххуйшиврул чулуха махIрум барчагу, Заннал Аьйна-биканан аькьлулунмур бутIа хъунмасса буллуну бия. Уссурвавраяр хъхьичI танин буккин-чичингу лавхъхъуна, щин кунма аьраб мазгу лавхъхъуна. Къатлува къатIувгу къабуклай, га оьрмулийн бияннин лухIисса щинайн кIяласса кIиссагу къавшуну, анжагъ гулавативгу щашлай, луттирдугу ккалай, хъун хъуну бия га.

– Айна-бика!.. – вев куна Гулил, къатлувун буххайхту. Яла, Айна-биканал хъхичІун никиртгайнгу багъну: – Айна-бика... – куну, агъи-агъи тІий, аьтІун бивкІуна.

– Вин цивхъур, мискин? – цІувххуна Айна-биканал, ваца Гули гъарца къини укун аьтІий цичІанма бучІайсса кунма, хъисвагу ццах бакъасса чІуний.

– Ттун ккаклакимура га Чуруллал хъхъирия щекъи хъуну, гайннуй чичирчагу, ялагу щекъи диял къахъунссар, Айна-бика, – увкуна Гулил, мукъалгу бяххун най.

– АьматІра, жан, – увкуна Айна-биканал, гукуна паракъатну цила инжит чІуний, – аьматІра. Аллагъу Тааьланал хъамитайпа хІасратру ккухІланни ляхъан бувсса. Хъамитайпа талихІ буну ляхъуну бивкІессания, идавсил ПатІиматгу талихІ буну ляхъантІиссия. Буси ттухъ, вин цивхъур, аькъатІий, буса ттухъ.

Гулил цинма хъумур бувсуна.

– Вин мукунсса чичру диркІессар, жан, – увкуна Айна-биканал, хъисвагу ялагу баххана къавхъуну. – Чичру диркІессар мукунсса. Оьрмулуну хъунабакъинмур ненттабакІраву чивчунур Аллагъу Тааьланал инсан ляхъан айсса. Вин мукун чивчуну бивкІессар. Чивчумур щичацІав лиххан бан къашайссар.

– Лажиннича, Айна-бика, вай циняр дунияллун дардру на духІланнив чирчусса?

– Ина циванни, ванахха нагу духІлай. Циняр дунияллун дардру ца инсаннаца духІан къашайшиву Аллагъу Тааьланан къакІулуну буххурав. Цанна-цанна лархъхъусса дардру гъарцаннал дуссар, жан. Вин лархъхъусса дард вин, ттун лархъхъусса дард ттун. ПаччахІнал душнингума дуллуну дуссар Аллагъу Тааьланал цинна лархъхъусса дард. Вана нагу дардирдай, ттуягу рухсат бакъа, чил билатрайн шар буллуну, буттал аьрщарах мякъну, ххурххуппалувун бавкъусса булбул-чІелму кунма, дардирдай. Ина аьматІра, жан, чивчумур лиххан бан къашайссар, – ваца малланал кунма, ва вяъзагу Гулихъ бувккуну, Айна-бика бивзун, къатлуну мурацІувсса хъун гъаржлучІан гъан хъуна. Яла гъаржлува ца зярмахмурданул кисагу буккан бувну, ГуличІан зана хъуна.

– Ма, – увкуна Айна-биканал амру буллалисса чІуний, Гулихъхъун кисагу тІивтІуну, – ласи!

ЦичІав къабувчІлай, Гули къацІ абахъан бувну ливчІуна.

– Шиву буссар ххюва ашрапигу, ца мусил канишгу. Аллагънахлуну на вай вин дуллай бура. Ласи, муси винни аьркинсса, ттун дакъар. Вания тийнмайгу вин ци чивчуну буссарив щинчІав къакІулссар, Аллагъу Тааьланал ххуймур чивчуну лякъиннав. Инавагу анаварну вила душманнал ужагърая лихъу. Нагу, рахтти бухъурчагу, чакливух кІицІ булува. Насу, Жабраил-малаикнал хъа ялувсса ххуллу хъуннав вин!

Лурдай-ялурдай ссихІгу къадурккун, Гулил Айна-биканнаца киса лавсуна.

Гава къини Азайния ливхъун, ххюра къини зунттавух найгу бивкІун, Гули буттал шяравун зана хъуна.

МУКЪИЛЧИНМУР БУТІА

I

*Цири цІа? – пуркІурхха бавссуну гъайсса,
На му ттунна тачІав чІакъаувкуссар.*

Ххюра кьини най, ряххилчинмур кьини ахттайн бизулухъ Гули буттал шяравалу чІалачІисса Бартмуллайн бивуна. Вай ххюра кьинилул мутталый, аман, Бартмуллайн бивсса кьинигу та ккаккайвав тІий, дакІ анавар дуклай, най буссия Гули. Дагъни-Кьунттахун бияйхту: «Ухъай, – куну, ца кІусса ссихІгу бивгъуну, Гули ххуллий щябивкІуна. – Агъ, буттал минай! Гъавагума ляличІину тІааьнсса бур шикку».

«Я ттул буттал аьрщій, ттул шавурдал малхІан!» – тІий, буттал шярваллихгу, оьрчІнийва дакІнин ххира хъусса Къимизухгу, Бюрни-зунттухгу, БучбакІурдахгу, Кьунттулу-Мащилухгу буруглай, Гули кьупІа тІий аьтІун бивкІуна.

Цила кьатлул кІула бакІшяраву ялапар хъанахъисса буттал хъинирву СаиллачІа дунугу, Гули най буна цила шаппай лавгуна. Гулил кьатта бия щарнил зума-кьирагърая арх бакъа, хъу-лухччинул, ятти-гъаттарал заллу Сайдиллал хъуни кьатрайн кьаршину.

КІичІирттавугу цучІав хъунакъаавкъуну, Гули чурттайх лавай цила кьатлул хъхъичІсса цІив лавхъуна. Нузкьунттуй кьункьула дия, магъигу кьалеркьун, кьаттагу сагъну бия.

Хъунмасса хІал бувна Гулил, ккиз лавгун, бакІгу хъхъичІун дуртун, хъулух щябивкІун. Гули, цакуну гюнгутІул тяхъасса зяр-зюрданул ццах учин бувна. Агъ, цуксса хІалгъа Гулин ва гюнгутІул зяр-зюр кьабавну! Ца ххирассияча ганин чІивиний Сайдиллахъал дарвазалийсса гюнгутІул зяр-зюрданух вичІи дихълан.

Дарвазалува, бартукъгу лавххун, Сайдилла увккун най ия.

– Я ттул, бургъи-зуруйн я бияннин я бияйсса чІаххудуш, – увкуна Сайдиллал, цила хъулух щябивкІсса Гули ххал шайхту, – ина кІиярав, ина гиларав, баврав!

– Ци иш бур, чІаххувчу, цукун буру? – куну, лавайгу бивзун, яхши-хаш бувна Гулил.

– Аллагънайн щукру, чІаххудуш, оьккину бакъару, – увкуна Сайдиллал. – Базаллув Загъли хъунаавкъуну, ганахъ цІухлай уссияв, га жул Гули цукун бур тІийча, ина Азайнив Айна-биканащал лавгессар куна... Туну ина, чІаххудуш, анаварну зана хъуну бурахха, Ахъараппайварав гъан, шийварав бацІан?

– Тти ца чунчІавгу ша бизан тІий бакъара, чІаххувчу, – увкуна Гулил. – Къагъарив ца шин давхха багтурачІа.

– Жан цІуллу дурссар, чІаххудуш, буттал кІану Багъдадри тІисса уча лагума бакъарив, буттал кІанттучІан бивсса кІану бакъассар, шаппай зана хъуну хъина. Туну, чІаххудуш, – увкуна Сайдиллал, – пуркІу-цІу дакъасса кьатлуву цІана инавалу ци дулланна, нану жучІанмай, жул ший варси бихълай бивкІсса хъамигу бур, варсул ккурч канай.

– Варси бишардув, хъинну бугъаннавча, чІаххувчу, – зукълу бувна Гулил.

– Цуллу баннав, ч!аххудуш, дак!ниймур барт лаганнав, – куна Сайдиллал. – Лахъу, лахъу жуч!анмай, ч!аххудуш, жул шарссагу ххари хъунт!иссар.

– Барчаллагъ, ч!аххувчу, к!уллал хъиривгу гъан бурча... – т!ий, Гули пашманну, ламусну хъхъич!ун бурувгуна.

– Валлагъ, къабитанна, лахъу къабик!уча! Ваксса х!аллай янин ххал къахъанайгу бивк!ун, ч!аххувва-ч!арав буна, тти ужагърайнгу къабухханнав? – т!ий, Сайдилла гуж буллан ивк!уна. – Къатлук вила буттал хъинирву Саилла дургайва. Марххала бичавай, ц!ияллу аьрщарал давай, гъаксса ангъу-чаклий дик!айва мискин. Лахъу, ч!аххудуш, лахъу, – куну, Гулигу дарвазалувун буххан буну, Сайдилла ккурч!авай лавгуна.

Ч!аххув бунугу, Гули цалагу Сайдиллахъач!ан лая-ц!арайвагу лавгун бакъая. Сайдилла цува Гулихъ гъаксса а-ия буллан ик!айва, ганал шарсса Бат!и т!урча мах!лалый щичалч!ав къадакъайсса, маз к!ирисса, шяраву оьккишиврий ц!а ларгсса шарсса дия. Вайннал цалагу оьрч!-карч!гу бакъая.

Сайдиллахъач!а варси бавк!лай дирк!сса арулла-мъйра шарсса, ч!анкъатлувугу щядирк!ун, ца к!юххува ккурч канай дия. Гули цач!анма буххайхту, ххари хъуну, хъами лавай бивзуна.

– Варсул ккурч канай бурув, барачатну бугъаннавча! Ч!аххувчу Сайдиллал, гуж буну, нагу зуч!анмай гъан бунна, – т!ий, Гули хъаннич!анмай хъуна.

– Гулий! Гулий! Аман, ина букканъяв, ина ккакканъяв? Баврав! Баврав! Багтурач!ан багъну, жула Гулин тти буттал шяравалу хъамадиртссар т!ий-явхха бивк!сса, – т!ий, хъами бак!ра-бак!рах Гулийн хъамала багълан бивк!уна.

Щябивтуна хъаннил Гули цашала ккурччул к!юххух. Багъуна ц!ухху-бусурдайн.

– Амангъар, ттул Гулий, багтурач!а буч хъун к!анттай, бач!иннул бач!и къаливч!ун, илт!а хъуну бурахха?

– Зу къаккаклай, буттал шяравалу дак!нин дагълай, дик! къадирхъунни.

– А-а-ай, ци багталли дик!айсса, – увкуна Малла-Бава т!исса ца дугъарасса шарссанил, – бувкунних, ттукри кунма, зузи буллай, багтурал инсантал къакъан байссархха.

– Ина балай бакъа къачайссар т!ий бияххагъар гайннач!а, зузигу байвав?

– Щялмахъ циванни, зузи къабайвав, гъакссагу бика кунма, тахлий щябивтун ябуллай бияв, нава бизар хъунав, – куна Гулил.

– Гъай, ттул Гулий, – куна ца жагъилсса Аминат т!исса хъамитайпаул, – гай инава бувсса циняв шаммарду буссар, шархъиянгу бавну, к!ани-к!анттай т!ий. Цакънич!ин Мюахъун хъамаллурал хъат!ийн лавгун буна, ца шарссанил циняв гай вил шаммардай балай увкуна. Яла ц!уххав на: «Ми жул Гулил шаммарду бурххагъар, ми вин щич!а баври?» – куну. «Мугу цу Гулиргъар, вай нава ляхъан бувсса шаммардур», – т!ий дарц!унни ца щяхрищиву. Цилли т!ий – та, бакъар т!ий – на, бясттирайн багъру. Яла цала ца мюахиричунал: «Ди, ми Къютуннал Гулил шаммардур, тукунсса балайчи жула мах!алданий бушиву къак!улли», – куну, на т!имур т!айла бувссар. Ина цуллу ивуй т!ий, зукълай бивк!ссара ттувува нава танаха.

Бахчуна яла хъами Гулихун, балай уча т!ий.

– Аманкбай кьабикИи, ци балайрича... – тИий, Гули уь-муь тIун бивкIуна.
– КьабикIуча уча, мякьну буруча! – кьанкьану амру бувна Малла-Бавал.
– Юхсса багтуран бакъа кьачин хъа бувну бурав?
Духсса чирчурай чIанкьатлуву щябивкIсса Гулилгу, яругу щяту гъаз
къабуллай, гъавсса, чарив архния баллалисса кунмасса чIуний увкуна:

*Душру-хъаннил цIа дуккай –
ЦIай бур тIий, даву дай, тIий.
Агь, ттулгу цIа дурккунни,
Шярал шаммарду бай тIий.*

*Ччергъилу рищайния,
Бусса ххай бур давраннай.
Нарив цакънива бура
ЛухIи гъаттаву шанай.*

Га бия Гулил махъва-махъсса балай. Амма балай махъва-махъсса буши-
ву я Гулин цинма къакIула, я гай вичИи дирхъусса хъаннин къакIула.

II

Уттигу, уттигу ттун шану бакъар!

Ина цура, дарсрав – юхсса инсаннав...

НакIну барзгу бивтесса, хъхъудяяр махъсса чIун дия. Тия ва шия мурул-
лал вив ларсъсса ХIухчалт-БикIай-Къан тIисса ца чIирисса кьанив, яттугу
утту бишин бувну, Басри тIисса ца жагьилсса хIухчу ва Сани тIисса ацIния
цара шинавусса ца оьрчI, варсавунгу бувххун, шану къабиллай, нукIуяцIа
хавардай бия. Гайннал чIарав, ссаннай бакIгу дирхъуну, ца хъунмасса хъ-
хъинякIсса яттиккачигу, шанай буссияв, сукку-къютIу бакъа утту бивхъу-
ну бия.

– Басри-уссай, – цIувххуна ца хIал хъусса чIумал Санинал, – вин цалагу
щяйтIан ххал хъуссарив?

– Ттунма ххал къавхъуссар, – увкуна Басринал, – квавккунни тIий, ин-
сантурал буслай бавссар.

– Ва-ай! – махIаттал хуна оьрчI. – Вар, Басри-уссай, гай щяйтIант цу-
кунсса бикIайссар?

– Урисса, пара кунма, лухIива-лухIисса, хъирттугу бусса, лахъисса ма-
гъгу дусса бикIайсса бур, уссал.

– ЩяйтIантрал увну, тIуннихъал Оьмари ивкIуссар тIун бикIайхха, гай-
ннал цукунма инсан ивчIайривав?

– ЦикIулли, уссал, Аллагънал арх баннавча цив.

– КIа бувчIай Бигъда щяйтIантравухссар тIун бикIайхха, кIа циван къа-
дирчIайривав щяйтIантрал, Басри-уссай?

– ЩяйтIант бусса бур, уссал, лухIиссагу, кIялассагу. ЛухIими инсан-
найн вериссар тIар, кIялами инсаннащал дус шайссар тIар. БувчIай Бигъда-
щал дус хъуну бусса бур кIялами щяйтIант, гайннул бусайсса бур кIанихъ
инсаннан хъунмургу.

– Вай! – куну, Сани хъиннува махIаттал хъуну ливчIуна.

Лагмара аџаивсса паракъатшиву дия. НахІуну бия гила ратІату якъаману жюржу тІисса ратІнил чІунихгу, чал уртту канакисса гьурс-гьурселихгу вичІи дишин. Ча-чІаних яттил хІайвандалул «кхъ», «кхъ» куну, хьугьу куну, хьхунил пахъшиву ххиен дайва. Даки хІучІ тІий дунагу, Санинан, щайтІантраясса хавардах вичІи дихълан ялу-ялун гъира багълай бия. Гъира бия цанма Басринангу цІана гай аџаивсса хаварду буслан.

– КиА АкІихъал Къита буриу, уссал? – увкуна ганал. – КІанил диркІессар Аьшура тІисса бава. Цал хьхунил хьхьудяризал киА най диркІун дур Аьхъарда гъарахъату шардай – тана та Оьрккулух ларай. Микку дуркІун дур кІанил хьхьичІун шанна шарсса. «Ил, шарссай, – куну бур гай хъаннил Аьшурахъ, – жул ссу бурча оьрчІ бан къахъанай, нанукъай кІанин лашаршиву дан», – куну. Аьшурал къацІ гъаз бансса мугълат къавхьуну, хьуну бур ганил хьхичІ ца хъунмасса цІувцІу чарил дарваза. Духхан дурну дур хъаннил Аьшура гивун. Дарвазалул вивгу бивкІун бур чІюй-тавхантташалсса цавай ххаллилсса чІялгарду. Дурцуну дур яла Аьшура ца къатлуну – тивугу диркІун дур ца шарсса оьрчІ буллау. «Адаминал инсаннацІа лярхъусса шарссай, – куну бур гай хъаннил Аьшурахъ, – дува жул син лашаршиву, оьрчІ арча, вилгу талихІри, мусивун щунну, къаувну, душ барчарив, дуний дирчІанну», – куну. Нигъал дакигу хъачавай, дуллан диркІун дур Аьшура лашаршиву. Бувну бурххар, уссал, микку душ! Яла, цила жиплуну хъамул хъис бусса дакинин багъну, гай хъаннингу кІул къахъунну, дурну дур га хъамуа ца къитІа, лачІун дурну душнийн, яла оьрчІ унни куну, буллуну бур душ хъаннихъхун. Ххари хьуну дур микку хъами, ппайрду тІий ларчІун дур АьшурацІун. Яла, хъунмасса барчаллагъ вин куну, ца дарваг ашрапиртгалгу бувцІуну, тІайла дурккун дур цила шардай. Най цаппара хІал хъусса чІумал, ца лехха-личІаврил чІу бавну бур цила махъа. Ххал барча щайтІантрал ца ттурзан: «Хъамул къитІа, тухттама! Хъамул къитІа, тухттама!» – тІий, цила хъирив хьуну най. Циявхьур, уссал, га оьрчІ буллагилсса шарссагу, гай хъамигу щайтІант бивкІун. Лирхъун дур шарсса, лирхъун дур, никъурал хъхъа буцаннин лирхъун дур. ЩайтІантрахъхьунгу къадирирну, гуж-балагърай шардай дирну дур. Шардай дучІайхту, ххал бувну бур дарваг – кІуршул бувцІуну ляркьуну бур. Яла цурдагу, мазгу хъамабивтун, къашай хьуну, диркІуну дур, уссал, – куну, Басринал цала хавар къуртал бувна.

Ва хаварданул Сани лапва махІаттал увна.

– Басри-уссасай, – цІувххуна ганал, къияма хІаллай къаивкІунгу ивкІун, – жула шяраву щинчІав ххурттамагу ккарквивавли?

– ХьхьичІара, уссал, жула шяравасса ца Бахттунша тІисса шарссания хьуну диркІун дур ххурттама. Хьхьурай гъаттава дизлай, цІуну ливтІусса инсантурал гъаврду ппив дуллау, гайннал къаркъаллу канай диркІун, яла жяматрал дуккан дурну гъаттава, бакІгу къуркьуну ччаннацІ дирхьуну, дурччуну диркІун дур... – тІий, Басри хавар буслай унува, чІарав утту бивхъусса ккаччи бивзун, тийн Оьрккулаллил муруллал чулийнмай хІап-хІап тІун бивкІуна.

КІиягу хІухчин Оьрккулух яларай ца кІяласса къаралти най ххал хьуна.

– Вай, Басри-уссасай, – увкуна, нигъа увсун, Санинал, – та цурау?

Басринал, анаварну лавай ивзун:

– Эгье-гье-гьей! – куну, оьвкуна.

– Эгье-гье-гьей! Эге-гье-гьей! – куну, муруллалгу цимилагу чІу зана бивтуна.

Къаралти цакуну дарцѳуна. Яла, зана диркѳун, махъуннайра дарчуна,
– Яр, Басри-уссай, та цур? Та цур? – тѳий, ялв авцѳуну цѳухлай ия Сани.
– Цѳана ххал аннухха жува та цу урив... Къаралти хъамитайпалул дур.
Жучѳанна гѳилун найгу диркѳун, зана хъунни... – куну, ссуггу дурну, Басри,
чугу бувгѳуну, чярхний ганийн хъхъури лахлан ивкѳуна.
– Басри-уссай, ина чун най ура? – цѳувххуна Санинал, тти цувалу личѳа-
вай урахха тѳий, нигъал зурзугу тѳий, тѳанкѳи куну, лавайгу ивзун.
– На та цу урив ххал аннача, ина ацѳу... – куну, Басри, кѳилигу дакъана,
чай буртти ивкѳуна.
– Басри-уссай, на нигъа услай ура, манарда!.. На нигъа услай ура!.. – тѳий,
оърчѳал авара гъаз бувна.
– Нигъа маусара, уссал, на цѳана учѳанна... – куну, леххаву тѳисса оър-
чѳахъгу къулагъас къадурну, Басри, чугу ххяххан бувну, ратѳух ялавай лав-
гуна.
Оърчѳи, Басри ахълагайхту, хъиннува нигъа увсун, чун ухханссарив къ-
акѳулну ливчѳуна. Каччигу къарал дакъа хѳап-хѳап тѳий бия. Бюхттулсса
муруллал къаралтивгу дакѳивун цахханну дагъанну чѳалай дия. Чѳава
хѳухчу, ратѳ-ккутѳи ласавай аѳтѳийгу ивкѳун, хѳал бивну агъуна.
Басри Оърккулух утта-кѳюласса бавкку-шавккусса ссукъмакъ ххуллийх
лавай авчуна. Чартгай ччех бикѳлай, чаща анаварну бачин бюхълай бакъая.
Басри тѳурча, хъхъури хъит давай, лякълуйх ччанну бищавай, мугъаятсса
чу цащава шайсса анаварну бачин бувну най ия.
Кѳяла къаралтимур чѳалачѳиний дакъая, кѳа Оърккулаллил бакѳрайн
дирхъунссия.
Лавхъуна Басригу Оърккулаллил бакѳрайн, ххал хъуна къаралтигу
Рахѳув хъуруннавух ларай лирхъун най. Ттихѳин дурасса хъуруннавух кѳи-
вунмай Басринал цала бусса чаралий чу ххяххан бувна.
Цѳила хъирив бурттигѳу лаяйхту, ца вевгу куну, къаралти лажин лувну
дагъуна. Ттагъ бивкѳун ганил чѳарав чугу бавцѳуна.
– Ина цура? – цѳувххуна Басрил, цала хъхъичѳи хъамитайпа бушивугу
бувчѳуну.
Хъамитайпа, ссѳихѳугу къадуклай, къирий рухѳи дуллалисса чавахъ кунма,
пацагу тѳий, щала зурзу-кувку тѳий бия.
– Яр, ина цура, вин маз къакѳуллив? – цѳувххуна кѳилчингу хѳухчил.
– На Гули бура, Басрий... – жаваб дуллауна хъамитайпалул ца нигъа був-
съсса чѳуний, бакѳи гъаз дурну, лавай хѳухчихгу бурувгун. Укунгу куну,
Гули, агъи-агъи тѳий аѳтѳий, кѳилчингу аърщарайн багъуна.
– Яр, ина ва чѳумал чун най буссияв? – цѳувххуна хѳухчил махѳатталну.
Гули, ссинкъ бахчуну, хъачѳругу зурзутѳи дурну, ссѳихѳи дуклай бакъая.
– Яр, буси ттухъ, чун най буссияв ина?
– Ттунмавагу къакѳулна, макѳра гѳилу хъуну бияв, – увкуна Гулил аѳ-
тѳавривухва. – Лажинни, уссай, жула инсантал, чѳивисса задгу ури буллай
гъалгъа тѳун бикѳайча, винма на кквкшиву щихъчѳав мабусара.
– Валлагъ, махѳаттала, – куна Басринал, мѳайжаннугу махѳаттал хъуну.
– Цалчин баллалисса хавар бур. Аѳтѳий циван бура, шаппай насу.
Кѳилчингу, щихъчѳав мабусара куну, хѳухчихъ миннатгу бувну, Гули
шаппай лавгуна. Хъунмасса хѳаллай, Гули бахълаганнин, ганил хъирив
ялугълайгу ивкѳун, Басригу, ххяххан бувну, махъунайва лавгуна.
Басриналгу я бусанссия, я къабусанссия, амма ганан къушлих, щала
гъухъагу ивтун, бакѳугу кѳирину, Сани къашай хъуну лявкъуна.
– Саний!.. Саний!.. Вин цивхъур, уссал?.. – тѳий, Басри ва ци ишри тти

шайсса, цува хатгалухъхъун агъавай урахха тий нигъа увсун, оърчІ изан уллан ивкІуна.

Амма оърчІ, кІуну ссихІгу ласлай, къакругу тий, захІматну ия.

Пайда бакъая, бурттий, оърчІгу хъхъичІух увгъуну, Басри га цала нитичІан – СаратлучІан иян ан лавгуна.

Сарат, ласгу ччянива ивкІуну, га ца оърчІал иттав ялугълай лирчІсса щашар дия. Басринан Саратлухъ хъумур бусан багъуна. Щарсса, гъя-гъарай тий, леххаву тий, аьтІун диркІуна. Га ссят малланайн оьвчин гъан бувна. «Цув тикІ къачивуй, цув лухІи балаллул дюкьивуй!» – тий, Сарат, ягъакъ тий, Гулиха зайлан диркІуна.

Хавар кІюрххила шала шяравух ппив хъуна. Хъами гъаттарабакъулий, ккучу-ккучунну дурну, цанма бавмур кІукІлан бивкІуна. «Вей, га щяйтІан-травух хІаласса бухъунсаргъар», – учайва цавайннал. «ЦикІуллигъар, лагътурал ца линсгума ххишалассар тІун къабикІайрив», – учайва гайминнал. «Ягъар, ми ци хавардур, кІири лагаврил къазразан хъуну занай бухъунсия», – куну, хъяхъаву дайва гайминнал. ХІасил, шала щар чяла-чялав тІун диркІуна. Зимизрая пил хъуну: «Гули щяйтІантрал ттурзандалушал Оьрк-кулаллил муруллавух буклай бия тІар», – тІисса хавар оърчІ-оърчІунналва зумув багъуна.

Гули тІурча, ссаячІавгу хавар бакъа, кІюрххил зийлув лавгуна. ЗиндличІа, муданна кунна, хъаннил ца даккаву дия. Гули най ххал шайхту, цакуну хъаннил цала буллалисса ихтилатру къукъин бувна.

– Бивзрувгъар! – куну, Гули хъанничІан гъан хъуна.

– Бивзрав, – куну, жаваб дуллауна хъаннил, ца цукуннив аьчух бакъа. Цивпагу, жагъ Гулих бургавай, жагъ куннах ку бургавай, цІитІ-цІитІ бикІлай, ссая гъалгъа тІунсарив къакІулну ливчІуна.

Ва ппурттуву зиндличІан бархъаллал урхълушал Саратлул ссу Бича гъан хъуна.

– Цукун ургъар Сани, къулай хъанай акъарив? – куну, цІувххуна хъаннил Бичахъ.

– Къакру тий, за зумув къадихълай, гъакссагу захІматну ур, – куна Бичал.

– Му щил Саниригъар къашавайсса, Саратлул Санирив? – куну, цІувххуна ссаячІав хавар бакъасса Гулил.

– Цу Санيري? – зунххи ца оьккину Гулихгу дурургун, Бичал Гулил чІу хъяврив бувна. – Начлива дуккаву ца лагънал оърчІал. Яниннагу пар матІра, ина аьршлул дюкьивуй... Валлагъ, къаританна ми яру щяв экъи къабувтІун... – куну, уршагу щяв бивхъуну, Бича Гулийн диян ххярххуна.

Хъаннил Бича Гулийн диян къадиртуна. Гулигу, бакІрайх риршусса кунма, цила шаппай лавгуна.

Гули, шяравусса хаварду баллай, щихъ ци чинтІиссарив, чун буххансарив къакІулну ливчІуна. Гули га цила макІра бизайсса цІуцІаврия, ваца цилла оьккисса къел дайсса кунма, ваца цийва хъунмасса бунагъ бусса кунма, хъинну начну бикІайва. Ва ххуллухъгу цихъва, ци хаварди, цив хъуна куну цІувххунахъгу, бакъассияв-буссияв куну, хъумур къабувсуна.

Ца къини Сайдиллалгу:

– Гулий, чІаххудуш, вай ци хавардур, вай халкъ ци тІиссар? – куну, суал бувна,

– Валлагъ, къакӀулли, чӀаххучув, – къасивсуна Гули Сайдиллахъгу хъумур тӀайлану бусан. – Цархъхъу маркӀачӀанмай Оьрккулун цӀийнна датӀин лавгссиявча, му зарая му хавар бувну, гьалгъа тӀий бур...

– Ваппабай, оьккишиву жула инсантурал, – увкуна Сайдиллал, – бивкӀусса ккацлул бакӀгума хӀухӀутӀи банссар вайннал. Оькки хъуну бур, чӀаххудуш, инсантал, ххишала бакъа оькки хъуну бур. ЧӀалай буриг тти, вихлу махъ бусанма акъашиву кӀулну, ци тӀий гьалгъа тӀий буриг. Аман, ми мукунсса хаварду шяравух ппив байсса хъаннил гай мазру кьукьин, – куну, Гулихъгу, шярал махъру ккалливагу мабара куну, Сайдилла лавгуна.

Иш багъний укун цихлува махъ бусан, ва чӀаххучувагу уну хъинача тӀий, Гулил дакӀ чансса рахӀат хъуна.

Га аваза шяравух бувккун махъ, Гули Аьйна-биканал цинна дуллусса мусил пикригдай бия. Га ваца цичӀара батӀа-тӀул дакъасса хъус-ххазина дусса кунма, гайннун ци бантӀиссарив къакӀулну бия.

«Навагу инсантурал зума-ккарччулун багъунна, ттула къаттагу аьврахъсса, иривма уххан бюхъайсса бур; вай ттула муси та ттула чӀаххучунахъхъун дукъан дулурча, рахӀатшиву дикӀанссия», – пикригдай бия Гули.

Ца къини Сайдилла ккурчӀату шавай зана хъуну най уна, Гулил, ганал хъхъичӀун бувккун:

– Сайдиллай, чӀаххучув, ина ттун аьркинну уссияв, – куна.

– Бухху, бухху, чӀаххудуш, – куну, Сайдиллал цяярва хъхъичӀ дарвазалувун Гули буххан бувна.

– Тти кӀийнгу къалахъаннача... – куну, Гули ламусну хъхъичӀун бурувгуна. – Вин мусигу чари мачарача, чӀаххучув, – увкуна ганил, Сайдиллал иттавгу бурувгун, – вай ххюва ашрапигу, ва ца канишгу, вихшала вийн дурча, чӀаххучув, ттучӀара духъурчагу нигъачӀи бурача, дукъакъай, ттун аьркин хъуннин, – куну, Гулил киса Сайдиллахъхъун буллауна.

– Му ци махъри, чӀаххудуш, вичӀа муси дикӀан къалайкъххурав... Ядана, чӀяру-чӀярусса задругума ядайссархха, – куна Сайдиллал, Гулища кисагу лавсун.

– Му ца ашрапи, чӀаххучув, – куна Гулил, – ттунма навглих-цӀуйх булун, арцул шагъи бикӀан, ина ттун хурда бува.

– Байссар, чӀаххудуш, – куну, Гулил киса тӀивтӀуну, ашрапиртту ссансса буриггу ххал бувну, хъунмасса хӀаллай я къабатӀавай аьнтӀикӀасса мусил канишрахгу ялугълай ивкӀун, яла цаламур киса жиплува буккан бувну, Сайдиллал Гулихъхъун ацӀра кьуруш чагъар арцул дуллауна.

Ваца цила бурхӀая кӀусса гьиву ликкан дурсса кунма, рахӀатгу хъуну, Гули шаппай зана хъуна.

III

*Агъ, нааьна дурссар на цимийлагу
Ялувсса ссавнийнгу, ва аьрцарайнгу.*

Ларгуна ссутгу, дуркӀуна кӀигу. Щархъал аьдатраин бувну, цӀуцӀусса ялун биллай, Гулиясса хавардугу чӀиви-чӀиви тӀий лагъ хъуна. Утти Гули паракъатну инсантуравунгу буккайва, дуссухунгу лагайва. Багълух щащи кунан чухъагу щащайва. Гъан хъанан диркӀуна инт.

Ца къини Гулин Дахъхъахъал ХӀави Маршруву мукъра дугъайсса хъу дахлай ур тӀар тӀисса хавар бавуна.

«Инсантуравух ттулагу хъунил парчавагу бикӀанхъуви, ласунна ттунна кӀа хъу», – тӀисса пикри хъуна ганин.

Гули гава кьини СайдиллахъачІан лавгуна.

Сайдилла, лахъруйгу щяивкІун, бурчул усру дуллай ия, тавлуву цІу дирхьуну, чІанкъатлуву щядиркІун, БатІигу ххюттул ххункІру буллай дия.

– Ци зий буругъар, бучІирив? – тІий, Гули къатлувун бувххуна.

– Бухху, чІаххудуш, щябикІу, – увкуна Сайдиллал, дахъра бакІгу гъаз дурну, Гули щябикІан, кІанттуйн кагу тІиртІуну.

БатІил ссихІ къадурккуна, ненттабакІвагу гъаз къабувну, эц диркІун, чІярх-чІярхтІи дурну, хъатлия хъатлийн иникІмагу рутлай, ххунчІал ккиртту буллай дия. «ОърчІ бакъа тІийривав, дакІ къумасса щарсса дур», – пикри хьуна Гулин.

Гули кІанттуй щябивкІуна.

– Ина усру дуллай урав, чІаххучув? – цІувххуна Гулил, ихтилат цукун байбишинтІиссарив къакІулну.

– Ура... усру дуллай, – куна Сайдиллал, бурчуй дизаннин, ппурдул кІюйлийн пугъ-пугъгу куну.

ЦучІав зума къаахълай, къатлувун ца кІусса паракъатшиву дагьуна. БатІи, Гулийн ттиликІгу дуртун, ца цукуннив сситтулну, чІярх-чІярхтІи дурну, иникІмалул парчрайх хъатру ришлай дия. Тти цукун байбишин хьиннивав ихтилат, цалавагу цичІав учайссания тІий, Гули ламусну хъ-хьичІун буруглай ливчІуна. Амма ласгу, щаргу къабивкІун бия,

– Лагавай дур кІигу... – куна ахиргу цила Гулил, ци-бунугу увкуну, ихтилат байбишин.

– КІи гъашину обьккисса дакъая, хъуру дугъай чІумал обь къадикІарча, – къацІ гъаз бувна Сайдиллал.

– КъадикІанхьуви обь, къаурганххурав жухва Аллагъ, – увкуна Гулил, ца аьжаивну цивува цуппа, тти навагурахха хъунил заллу шавайсса тІисса пахругу багьну.

– Вихшала дишин къашай интнийнгу...

– Дахъхъахъал ХІави уссу ур Маршраву мукъра дугъайсса хъу дахлай... КІа ласунна тІий буссияв ттунна, хъуруннал хІалкъазиягу ттун къакІул-ли, кІа цукунсса хъу дурвав, чІаххучув? – увкуна Гулил, циваннив цакуну ятІулгу бивчуну.

– Дахъхъахъал обьккисса хъуру чувчІаврагу дакъассар. Шяраву яла хъ-инми хъуру ва лухччиврагу кІайнналлихха... – увкуна Сайдиллал, чІулугу кІункІу дуллай.

БатІимур ссихІ-чІитІгу дакъа, иникІма ратлайнна дия.

– Мукъра дугъайсса хъугу ссан дикІайривав?.. Ми ашрапиртту ласун бувкІссияв, чІаххучув... – увкуна Гулил, ца цукуннив сикъавсуну, цила лачакрал мурацІугу кІура-кІура баллай.

Амма Сайдиллал, ваца ганил тІимур бувагу къабавсса кунма, бакІрагу гъаз къадурна. Цакуну Гулил дакІ циванниврагу къакІулну ват-ват тІий ришлан диркІуна.

– Ия, чІаххучув... ми ашрапиртту тІий буссияв... – куна ганил, хьиннува ламусравунгу багьну.

– Ия, ва адаминай, ссихІ дукки му щарссанихъ, му ци ашрапиртту тІиссар? – куна микку БатІил, кІялами яру личаван обьхІалну ласнахгу дурургун.

– Ци ашрапирттур, чІаххудуш? – цІувххуна яла Сайдиллал, дахъра

цІана уссувун дучІлачІсса чІулугу къадиртун, лап махІатталну Гулихгу урувгун.

Гулил бурхІайх лавай ца бвякъусса зурзу буллауна. БатІмур, чІярха-чІярха тІутІи дурну, иникІма ратлайнна дня.

– Ци ашрапирттур тІисса хаваргу цири, чІаххучув, на вихъхъун букъан мукъва ашрапигу, ца мусил канишгу къадуллаунав? – увкуна Гулил, къацІливу чІенпигу къаркъун, цакуну жагъала хъусса чІуний.

– Та буллуссия чІаххудуш? Ми цукунсса ашрапиртту ва канишри? – увкуна Сайдиллал, яругу бацІан бувну, цичІав къабувчІлачІисса кунма, къацІгу абахъан бувну.

– Тти ина ци тІун ивкІра, чІаххучув, – вев куна Гулил, – дуллуссияхха на вихъхъун муси, кІанахха Аллагъ бара.

Микку, ххункІру буллалисса ланжаригу ттявх чин дурну тийннай дурну, БатІи ца аьратталну ларай дирзуна.

– Ягъар, шярал хавардур тІий, вих къахъанай, ина мйайжаннугу щяйтІантравухсса диркІун дурахха, – увкуна ганил, Гулил хъхъичІ дарцІуну, ухътанну бакІгу кІутІу-кІутІу дуллай, – муси, щяйтІантравух дуна, макІра дукъан дуллуну, тти чІихъра ласун дуркІрав?

– Гъуя, къияма! Гъуя, къияма! Тти на ци тІува! – вев куна Гулил къатта бутавайсса чІуний.

– Ил, дукку гъива, дукку! Вила шардай лагайссарав, щяйтІантрачІаннай лагайссарав, дукку! – куну, БатІил кахха дургъуну, Гули хъит бувна.

Аьрщи кунма, кІялагу лавгун, Гули къащилул циятува цуппа лавгун, ягъакъ тІий, Сайдиллахъаха зайлан бивкІуна:

– Зул аьрш духлагивухъул! Зул курш дайлитІивухъул! Ми ттул хъус дукан ччай, дукан къахъанай личІивухъул!..

– Начлива дуккаву ца шярайхдуккул, жула ужагърайнгу дуркІун, жухара зайлай... Ма чулу уттулу дикІарача, дукку гъива, ягу-япалухъ!.. Дукку гъива, лагъ!.. – тІий, БатІи, хъап куну вилаххату къяцІагу лавсун, Гулийх бищун дарчуна.

– Гъуя, тти на ци бави, щихъ буслай цу вих хъунссар... Зул къатта ччуччивуй!.. Зун ми ттул хъус дуржагъирал цІу шивуй! – тІий, леххаву тІий, Гули кІичІиравун бувккуна.

– Да, жямат, зунма хаварданух вичІи дишин бачи! Гулил жухъхъун дукъан муси дуллуссия тІар! – тІий, дакъа хъяхъаву дуллай, Гулил хъирив ларзулун БатІигу дурккуна.

Гайннал авазалул чІуний къатравату инсантал бувккуна.

– Ягъартал, жямат, баяйрив зунма хавар, Гулил жухъхъун дукъан муси дуллуссия тІар. Ягъартал, ва мйайжаннура щяйтІантравухсса диркІун дурхха... За бакъагу багъайсса бивкІун бур инсантурайн бала! Цил муси дулара тІий, загу зайлай, ххяхлахиссар жуйн. Ягъартал, ванихъ, учайссарча, зувавагу къабучІир-бучІир учара, – тІий, щар ласавай вев тІун диркІуна БатІи.

– Гъуя, къияма! – тІий, бакІгу канил бувгъуну, Гули шаппай лавгуна.

– Ягъар, ми муси мунин чая тІар? – цІувххуна БатІихъ, Гули лагайхту, япахъяндарай ца шарссанил.

– Ягъар, къакІуллхха, – увкуна БатІил, – на личІи ци тІий бур. Бусан махъ бакъар, дан жуав дакъар. Мукъва ашрапигу буллуссия тІар, ца мусил канишгу.

– ХІа-хІа-хІай! – хъяхъаву дуруна цамунил. – Ягъар, му авлия хъанай-вагу бакъарвав?

– Авлия мяттирдал цІавцІу цув, авлия хъанай дурача тІий, ссав кунна, жуйн дагълангу къабучІирхха.

– Эгъе-гъей! Мяйжаннугугъар му щяйтІантравух хІаласса бухъунссар.

– Ягъар, нагу бура, макІра гай вила щяйтІантравух дуна, жухъхъун дукъан дуллуну ми муси, утти чІихъра ласун дуркІрав тІий.

КъартІа шаврил къюнкъарахун ца къюртІ учин къашайсса кІусса къурхъ-гу дартІун, Гули цила шаппай зана хъуна. Къатлувун буххайхту, бан-битан бухлагаврил цила хъазамравун ца хъапгу куну, га, агъи-агъи тІий аьтІий, бачІвасса чІанкъатлувун багъуна. Гули цІана я мусицІа хъуну къуману бакъая, я цийва зулму буллалиминнайн оьхІалну бакъая, га, циваннивав вакссава цила талихІ бйаькъусса тІий, чІиви оьрчІ кунма, цийва цуппа язугъ хъанай, аьтІий бия.

Гава къини шяравухгу, валлагъ, Гулил, Сайдиллахъхъун муси дукъан дуллуну, инкар дуллай ур тІар тІисса хавар ппив хъуна. Дуллуссар тІий цавай, къадуллуссар тІий цавай – гъарцаннал зума-ккарччулун ва хавар багъуна.

– Аман, ттул талихІ бакъуй, аман, ттул бахтти бакъуй, чуннай дуркІун буллай диявав та вил бавал ина, мукссава арши бйаькъуну ляхъан, – тІий, ГуличІан, алалав буллай, ганил буттал хъинирву Саиллагу дуркІуна.

Саилла дучІаннин Гули, щала кІуралгу хъусса, магъуйсса тталлугу лавхІусса, хъавтусса, бачІва-кІачІасса цила пукълуву, лахъруйх руртсса тІартІсса чирчурай, ккиз лавгун бакІгу хъхъичІун дуртун, щябивкІун бия.

– Аман, ттул душ, вай ци хавардур, ккаччив кунма, хІап-хІап тІий бурх-ха вай халкъ, вай ци тІиссар? – увкуна Саиллал, виримукълугу дурцІуну, Гулил чІарав щягудиркІун.

Гулил хъумур бусайхту:

– Цал та къатта ччуччивуй, цал та вилах лещивуй, цу вил ппу Исуп куна ливчІун, танал чулух ишивуй! – тІий, Саилла Сайдиллаха зайлан диркІуна. – ЧІарав дацІан къярти дакъасса вил хъус дукан дакІнин багъсса, танал тай яру чІутІул буцІивуй! Гъуйла, ттул душ, та къатта ччуччивухъ оьри-хъинни уча чин, на кІа ЦІахъюрдучІан гъаннача, – куну, Саилла ларгуна.

ЦІахъюр ия шяраву махъ заназисса, оьрмулун угъарасса чарил устар. Инсантурал дя-зума дан леххаврий уккайсса уну тІий, ЦІахъюрдуйн шяравусса халкъуннал «леххаврил леххазану» учайва. Мунияту, личІисса хъуслил заллу акъанугу, тІайласса уну тІий, ЦІахъюр циняннан бусравсса къужа ия.

Саиллал цайнма аьрза байхту:

– Му ци махъри, лажинни данххурав Сайдиллал мукунсса къел? – тІий, ЦІахъюр махІатгал хъуна.

– Данххурав мунал мукунсса къел тІисса хаваргу цири, ЦІахъюр, къадурну дуна, оьванма гъалгъа тІий буххурав, кІунтІай тІий, аьгу аьтІий, га ятин?

– Нааьна хъуннавча цан. Тай цалами дукансса оьрчІ-карчІвагу бакъархха танал, хІарансса хъусгу щил дуканни та цачІун дуллалисса. Бачула туну, цал жува ГуличІангу гъаннуча, – куну, ЦІахъюр Саиллащал архІал ГуличІан лавгуна.

Гулихгу вичИ дирхьуну, ЦАхьюр яла СайдиллахъачІан лавгуна.

Ларзулу кушу буллай БатІи дия.

– БатІий, цизай буру, Сайдилла шава урив? – куна ЦАхьюрдул.

– Къазай буру, гъанссачув, ур кІиву къатлуву, ухху, – куна БатІил.

Сайдилла, цІу лершсса тавлух бартукърайгу шяивкІун, цІукул луттирая чІулурду лислай ия. «Ссалам аьлайкум», – тІий, ЦАхьюр ялун уххайхту, «Вааьлайкум ссалам», – куну, Сайдилла лавай ивзуна.

– Ачу, ЦАхьюр, ина жучІан укканъяв, ккакканъяв, – куну, Сайдиллал цала чІарав бартукърай ЦАхьюрдун кІану бувна.

– УвкІссияв нагу вичІан ца иширай, – куну, бартукърайгу шяивкІун, ЦАхьюрдул жаваб дуллуна.

– Нагу, оьна къаацІан, ура вай чІулурду дуклай, – куна Сайдиллал, ЦАхьюр цачІана Гулил иширал хІакъираву увкІшиврийн шакгу багълай.

– Сайдиллай, – лахъи-утта къабувну, байбивхьуна ЦАхьюрдул ихтилат, – га вила чІаххудуш Гули цитІиссар, га, вихъхьун муси ядан дуллуну, ина гай инкар дуллай ур тІий бурхха?

– Валлагъ, ЦАхьюр, – увкуна Сайдиллал, ца кІусса ссихІгу бивгьуну, – виятугу нач, Заннаятугу хІая, багъаннав тІий къабагъайсса бивкІун бур бала инсаннал бакІрайн, начлил арантуннавун къауккайсса даражалийн увтунна на га шярайхдуккул. МакІра ккарккуннагу диркІссания ци бия ганил гай муси... – тІий, Сайдилла Гулил тІимур бюхъайссаксса шялмахъ буллан ивкІуна.

– Яр, туну га ятин, къадуллуну дунарив, га куццуй аьгу аьтІий, дулав тІисса вихъхьун ми муси? Къадуллуну диркІссания, гукун къатІунссияхха инсан. Ттуйн къатІий, таманайн къатІий, ляличІину вийн циванни багъсса га, Сайдиллай?

– Вар, шяйтІантравух хъхьудяризал муруллавух дуклакисса шарссанин инсаннай бухътан бишин ци буссар. ШяйтІантрал бакІ баххана бувсса шарссанил ччимур чинссар, ганийн вих хъанангу къабучІирхха... – тІий, Сайдилла гъалгъа тІий унува, вайннал ихтилатрах ларзула вичІилий диркІун, къатлувун БатІи дурххуна.

– ЦАхьюр, гъанссачув, тти га япалухъ, га лагънал оьрчІ ци дукки тІиссар жухъ? Нанучакъай паракъатну, къацІгу бувгьуну дикІуча, укунмагу ва жямат хъай бурча ганий. Ина махъ бувчІайсса, аькьлу бусса адамина, гъанссачув, ганил жухъхьун муси дуллуссар тІий, цукунна вих хъанахъ-исса? Га диркІунни цинма букансса ччатІул хъис чаривав тІий, шан-шархъ-айх, ири-иривначІа къазахъ дикІлай, занай... Ургула, гъанссачув, хІазран бакъар жула учайсса: «Лагънал оьрчІай шярал туллуи чІакриксса бунагъру бикІайссар», – куну... Ургула, – тІий, БатІи, ялагу цирив чин ччай, дай-дирхьуна.

– Гъу, кутІа хъуча, дукку шива! – куну, Сайдиллал, учин бумур увкуну махъ, шарсса къатлува гъан дуруна.

– Туну, къадуллунни тІий урав, Сайдиллай, Гулил вихъхьун муси? – цІувххуна ЦАхьюрдул, БатІи лагайхту, зунххи Сайдиллахгу урувгун.

– Лажиннича, ЦАхьюр, ина ттуйн вих акъа, га шяйтІантравухсса лагънал оьрчІайннав вихсса? – увкуна Сайдиллал, ваца цайва бакъу бихълай, лап къумасса чІуний.

– Ми шярал мукъурттийн на къавихссара, Сайдиллай, ми ци шяйтІан-

трал хавардур? Цинна цийнна дан, дяхтта гьарчагу, заллукхьру гьалгъа тун биклайча тий, Кьунтрав сунув цийнна дан лавгссияв тий бия га, – куна Цахьюрдул.

– Вар, туну га Басри щялмахьрив бусласисса? – цувххуна Сайдиллал.

– На Басринал щялмахьри тий акъарахха, нания ура, цийнна дуван лавгун бивкун бур га хьхуну Гули тий. Ургу, Сайдиллай, – увкуна Цахьюрдул, Сайдиллал никирай цала кагу дирхуну, – тамахИрал къашайсса инсан къаиклайссар, тамахИрал хьхьурча, та вил бутта ва на, ца уссурвал кунма, цаннан ца ххирассияв, та вила буттал аьпалул хатиричун, укун миннат буллай ухагърайн увксса хьунав хьусса ттул хатиричун, Сайдиллай, къапа ласайсса вил хьхьичИри, дула га мискиннал хьус. Къахьинссар хИарансса зад, дула, Сайдиллай!

– Къадуллунни, Цахьюр, ганил ттухьхун цукункIуйсса муси, къадуллуну дуна, на ми, кIисса щуну, щяту дуккавив, ахир. Ттула ухагърайрагу диркIессания ци бия ми байтурман дуресса муси ганил га къацI бащан бан дулувиявхха... Валлагъ, биллагъ, къадуллунни, – тий, Сайдилла хьарду буллан ивкIуна.

– Валлагъ, къакулли, – кIусса ссихI бивгъуна Цахьюрдул, цала кIяласа лахьисса чИиртгарайх кагу дуклай. – АцIула, Сайдиллай, ина урахха, Гули щяйтIантравух хьхьудядизал муруллавух буклан биклай тIар тий, бурив-бакъарив мьяйжан бан, ина, ва зула ларзулу утту ивхуну, къарал циван къабара?

– Тти къараллугу буллан, хьинну аьркинну духхурав ттун га?

– Циванни къааьркинсса, агарда га хьхьудядизал щяйтIантравух бизайсса бухьурча, вихьхун муси дулав тIисса хавар ганил къакру бушиврийн на мукIру хьунна, – куна Цахьюрдул.

– Къакулли, мукунсса за ттул бакIравун къабувххуна, – куна Сайдиллал.

– Къабувхьурча, вана утти буххавай. Ачу жува гьархьхуну ва ларзулу щябивкун, кIинналагу гузла баннуча. Ттунмагу бур му мьяйжансса бурив, бакъарив кIул бан ччай, – куна Цахьюрдул. – Гьархьхуну къабуккарча, кIира-шанна хьхуну лув-ялув къарал банну.

– Хьинни, ухьху туну, ххал баннуча, – рязи хьуна Сайдиллагу.

Цахьюр, Сайдиллахьгу кьунниялай учIанна куну, ГуличIан лавгуна.

– Валлагъ, ттул душ, цан ккарксса муси дакъар тий, хьарду буллай, мютIи ан къавхьунни. Гьаксса, дула тий, миннатру буллай ивкIра, – бувсуна Цахьюрдул Гулихь.

– Къадулурча, уччувча туну, Цахьюр. Амма та кьиямасса кьини Аллагьу Тааьланал танал та иттату личлачи дантIиссар ттул хьус, – увкуна Гулил ца аьжаивну ссахчIав ургьил бакъасса чIуний.

– Нааьна хьуннавча цан, ттул душ. Къадакъайссар, гьич хИарансса хьус къадакъайссар. Аллагьнал диван цала бантIиссар. Утти, ттул душ, пикригу къабуллай, дурагу къадиркIессарашав куну бикIу ми муси, – куну, Гулил дакI дансса махьругу бувсун, Цахьюр лавгуна.

Кьунниялай, бартукьгу лавххун, Сайдиллахьаннийн Цахьюр увкIуна. Махьатуни кьатлуву ихтилатирттайгу бивкун, арамтал, ларзулун бувкун, гийх, бартукьирттавуногу бувххун, къарал буллан щябивкIуна.

Дия, инт дайдишин шанма-мукьва гьантта ливчIнугу, ссутнил хьху

кунна, дяркъусса хъхъу. Микку-тикку ттуруллал ттугъругу бусса ссав-
ния чанна бакъа кІялавххусса барз бия бивтун. ХхялтІану ца-ца багъсса,
мюрщисса цІурттигу пашманну аьрщарайн буруглай бия. ШЯравалугу,
нукІура шанавун ларгун, пахъ дагъну дия. Анжагъ бакІ шярава щиллив
ккаччи бия рахтти-махтти хІап-хІап тІий. Хъунмасса хІал бувна арамтурал,
ссихІ-чІитІгу дакъа, ларзулу щябивкІун.

Ахиргу, кьатІату зертІ кусса нукъунттул чІу хъуна. Арамтал хІаллих,
къусгу бивкІун, бьавакъулттичІан гъан хъуна.

Гули цила муданна лаххайсса янналуву, ваца мурчІисса инсаннал кун-
на, бакІгу ссукІа дургъуну, цила пукълува бувккун, чурттурдайх бувчІун
бавчуна. Яла, гукунна бакІгу ссукІа дургъуну, цихъва цуппа букъавчІинну
гъалгъагу тІий, кІичІиравух ялавай лавгун, чІалачІинния бакъа хъуна.

– Ина ттуйн вих хъанай акъаявхха, – щурщу бувна Сайдиллал, – чІалай
дияв, хъхъичІун къадуруглай най дуна, гай чарттахун дахчунурагу къада-
гъунни.

– Валлагъ, махІатталла, – увкуна банд лавгун ливчІсса ЦІахъюрдул. –
Ачула, чун лагайрив ххал бан, цІив лахъаннуча.

Арамтал, ларзулатугу бувчІун, Сайдиллахъал къатрал цІияллаин лавхъ-
уна.

Гули, щарнил хъхъичІух нанисса ратІух ялавай хъуну, бярнил ккурккай-
нгу бувккун, Дав-давтІи кьунттачІан лавхъуна. Дав-давтІи кьунттачІатугу,
Гъумукунмай лагайсса утта ххуллийх къавхъуну, мурзусса Ттухъавх яла-
вай хъуну, бакъа хъуна.

– Гъу, Сайдиллай, гъаннун тти ганил хъирив? – цІувххуна ЦІахъюрдул
махсаралун Сайдиллахъ.

– КъаикІувар, лагайссарив, ци аьламатрал щарсса дуссарив къакІулну, –
нигъа увсуна Сайдилла.

– Агъ, Сайдиллай, Сайдиллай, вилния бувагу гъутру къабивкІун бур.
БикІан бакъаявкъай ттун чани, лавгун гай Ттухъавсса щяйтІантрай кър-
мишан дантІиссияхха, – увкуна ЦІахъюрдул, цува хъунав шаврий мьйжан-
нугу хІайп тІий.

– Тти вихрав ина ттуйн, ЦІахъюр? – увкуна Сайдиллал, ваца лачІун увк-
кун ххув хъусса ганал кунма, пахрурдай.

– Ци чиви, Сайдиллай, махІаттал хъунсса иш бур, ттула яруннин къ-
аккавккун, гъич, цайми буслай, вих къахъунссияв, – увкуна ЦІахъюрдул.
– Цалчин ттула оьрмулугу ккаклакисса аьламат дур. Ачула тти жува га
цукун зана шайрив ххал бан щябикІаннуча.

Гулих ялугълай ЦІахъюр ва Сайдилла ларзулу щябивкІун бунува, ва иш
хъуна.

Ухшяралу ялапар хъанакъисса Зузу тІисса, ласгу ивкІуну, шанма оьр-
чІашал лирчІсса щашар, Гулияр хъхъичІ Оьрккулаллил муруллал ялувсса
Къунтрав сунув, оьлин лазуни духларгун, цуркнив Ххярцухъал лухччая
салу дуван ларгуна. Зузу цурдагу мискин сухасултрайн, щяйтІантрайн
вихсса, нигъа дурснасса, ляркІуннасса щарсса дия. Нигъаяр дякбил, дякъи-
яр нигъал, базу-базурдавух кувку буллуну, зурзугу тІий, къулгъу-алхІанну-
гу ккалай, Зузу къавкъсса къюллу, салу мирхъирах ххяп-шап дуллай, цила
дарвагравун ликІлай дия. Ца хІал хъусса чІумал, инсаннал чІу чІювххуну,
цакуну бакІ гъаз дурну ларай дуругсса Зунун ца ххюва шаттирал манзил-
даний цила ялув ца лухІисса къаралти дарцІуну ххал хъуна.

– Тава тагу на та Хъун зунтту хъюлчу чин банна! – куна ца аьратталну кьаралтилул.

Ца ратI-ккутI ласавайсса вевгу куну, Зузу, дарцIусса минхълия яларай, барзуца багъсса чIи кунна, ратIайх риршуну ларгуна.

Га вевлул ццах учин бувну, Гулигу чантI увкуна. Хъумур кьабувчIлай, лагмава буруглайгу бивкIун, Гули ахиргу шаппай зана хъуна. Амма га щиллив кьакIулсса вевлул чIу, ссалахI тIий, Гулил вичIахух буклайнма бия.

КIичIирава шаттирал чIун шайхту, ЦIахъюр ва Сайдилла, анаварну ларзулату бувчIун, Гулил хъхъичIун бувккуна. Цила хъхъичIун арампал най ххал шайхту, Гули буний бавцIуна.

Арамтурал икьрал дурссия, укунма кIичIирттавах нани мишан дурну, ци-бунугу ца багъана льявкъуну, Гулихъ ихтилат бан. Амма Сайдилла, дурсса икьралданийгу кьаавцIуну, хархавар бакъа Гулил хъхъичIун ххявххуна:

– Муна диркIун ина щяйтIантращал занай, ххурттамай, муна диркIун! – куну, Гулил хъютIницIун лавчIуна.

– Вил та къатта кIуршул щекъирайн буккивуй, тти ттувату рухIгу ласуннав? – ца дунял ласавайсса вевгу куну, Гулил, цила хъютIлицIун лавчIсса Сайдиллал лажиндаравух кIирагу канил хъапа бивщуна.

Сайдилла, чансса гьурххи хъуну, увкъуна.

– Вил курш дайлитIивуй, вил вилах лещивуй, утигу ттухъ ци дукки тIий ура!? – тIий, Гули кIичIира ласавай Сайдиллаха зайлан бивкIуна.

– Вана диркIун ва ххурттама, вана диркIун... Вихрав тти, ЦIахъюр, ванил щялмахъ бивкIшиврийн? Вихрав? – тIий ия Сайдилла, Гулийн кару-каругу дуллай.

– Гъи вин нааьна шивуй, няст, увагу укьу мунил хъхъичIа! – гъужум бувна начлил чун уххансарив кьакIулну ливчIсса ЦIахъюрдул.

– Ва ЦIахъюр! – вев куна Гулил кьащилул ва банбитан бухлагаврил зурзу тIисса чIуний. – Инагуяв рякьил? На ина агънай рахIму байсса, пакъир-пукъаранал чул бугъайсса адаминар тIийявхха бикIайсса, инагуяв лажин ккарккун махъ бусу! Я, Аллагъ, ина вай укун къадарсса чиваркIуннал ненттабакIрай ца лухIисса мугьру циван кьабищаракъай?!

– Гулий, ттул душ, вичIи диша... ВичIи диша, на вихъ бусанна... – тIий, ЦIахъюр ГуличIан авчуна.

– Зу ттухъ ци бусанну, хъами-чиваркI?.. Ци бусанну зу ттухъ? Ттул ххуллугу кьувкъуну, ттушал диллан дакъарув дуркIсса, дачияра туну, диллали... Ва ччувччу шяраву ттухлу ацIан я уссу акъассар ттул, я ссурахъу... цучIав акъассар, навара бусса... Дачияра ттушал диян!.. Диян дакъарув зу ттучIан дуркIсса, дачияра!.. Чув дур зул ххаржант, чув дур зул турду? Дуккяра майданнив! Гьархъхъунуния тийннай на шарсса дакъара, на бакIрай къяпа бивхъусса адаминара! Зу куннасса арампал дуняллийх занай дуняяр махъ, нагу адаминара... Дачияра ттушал ххаржантрай дуккан! – тIий, Гули, щятува цуппа лавгун, леххаву тIун бивкIуна.

МахIлалийсса инсантал, леххаврил чIу бавну, шяраву ци иш хъурвав тIий, нигъа бувсун, шанурдаяту бивзун, къатIув бувккуна. «Гулий, ци тIиссара, цивхъур?» – тIий, цIухлан бивкIуна.

– Жямат, на гьарухъхъунуния тийннай шарсса дакъара, на бакIрай къяпа бивхъусса адаминара!.. На адаминара!.. – тIий, Гули гукунма щар ласавай леххаву тIун бивкIуна.

– Ягъартал, га авлия хьуну бурив къакӀуллича, буцара шаппай, – кунa щилъяв.

ДуркӀун кӀира-шанна шарсса:

– Гулий, къабикӀу, паракъат хьу, мукун тӀун къабикӀайссар, – тӀий, Гули тиха-тиха бувгъуну, шаппай бачин буллан диркӀуна.

– Вав-шав, буттай, тти на цибави, гъуя, тти на чун буххава? – тӀий, Гули, хьит куну, хъаннишагу итххявххун, кӀичӀираву чарттайнгу багъну, агъи-агъи тӀий, аьтӀун бивкӀуна.

Сайдилла ва ЦӀахъюр начлил аьрщаравух бюкъан хьуну, гиккусса инсантуран цивппа хавар хъуннин, анаварну гичча ливхъуна.

Цаппара хъами, Гулий цӀими хьуну:

– Аман, ва талихӀ бакъуй, вин хъунмавагу цивхъур? – тӀий, аьтӀий бия.

Ахиргу инсантурал Гули, бизан бувну, цила пукълувунмай гъан бувна.

Циванъяв Гулил хъунмасса умуд буссия ЦӀахъюрдуйн; гагу ссайнчӀав къабувккукун, душ хъиннува аьсив хъуна, цила дунияллул чув акъаши-вугу тачӀав бакъачӀин гужну асар хъуна. Утти ганин цила дакӀ дачӀинсса, аьрзираь гъанссавагу инсан ляхълай акъая. Цинма цуппалу, бьвкъусса къатлуву лахърушанийнгу багъну, га къупӀа тӀий аьтӀий бия. Так хъхъичӀ ажартту бизайхту, ганил дакӀ чансса рахӀат хъуна. Агъ, макъ, инсантурал макъ! Зу ялун къаличайсса диркӀссания, дардирдал аьзиз бувминнал дакӀру пӀякъ учаванссияхха. Га хӀалатраву Гулин я нину, я ппу дакӀнин къаагъу-нача, цакуну ганин багтурал оьрчӀ Амир дакӀнин агъуна. Ганин ххай бия цӀана щалагу дунияллий ливчӀсса, цила чул бугъансса ясилул чув так ца га усса. «Агъ, Амир, зайзал ххира оьрчӀ, чув уракъай ина? Чув ура?» – тӀий, аьтӀун бивкӀуна цӀунилгу Гули, та чӀумал цила пукълувун Амир увкӀун ивкӀсса хъхъуну кунма, чаннасса, тӀааьнсса макъгу рутӀлай.

БацӀан къавхъуну, Гули къатӀув бувккуна. Гъаргъарцул кунма бьвкъусса паргу бусса зунзул чани дахъра хъяхъа тӀий дайдирхъуну дия. Лагма-рагу – гъапулсса паракъатшиву. Ваца бакӀравун буран бувхсса кунма, так ца Гулил вичӀив дия цавай бувчӀин къашайсса чӀурдал дурцӀуну. Ялами дунияллийсса чӀурду кӀийн, ссавруннайн, цӀана иминну пар-пар тӀисса Загъра-цӀуку бунинмай, лавгсса хханссия. Лагмава тӀурча – щюллину-кӀя-лавххусса ттуруллаву кай-кай хъусса алвагъсса зунттурду. Гули ссихӀир бувсса кунма бавцӀуну бия.

Цакуну ганин къунну хъхъувай хъусса ишру, чӀихъра къавхъуну, ваца ччанарккусса, лаласун къашайсса макӀра ккавккун бивкӀсса кунма чӀалан бивкӀуна. Так бакӀравусса чӀурдал дакӀнин бутлай бия ганин къунну хъумур мьайжаннугу чӀихъра хъушиву. Хъунмасса хӀал хъуна ялагу Гулил, чӀирайнгу чул бувну, цила пукълул хъхъичӀсса цӀив бавцӀуну. Цакуну ца лахӀзалуву ганин щуркӀал хъуна, цуппа бавссуну лавгун, ваца дахъвасса урттул щурщулийн, битӀикъукълтрал къуплива нанисса гъилисса ссихӀирайн, шанювкъусса ратӀнил жюржулул чӀунийн кӀура бавну, дазу дакъасса аьламрал ца заррагъ циятува хъусса кунмасса асар. Чанимур хъиннура хъяхъа тӀун диркӀуна, щюллитрххусса ссав някӀ талан диркӀуна, Хъун зунттул ялув зумачӀаллуй тӀюнгану шагъраисса шагу ялу-ялун тунт хъанан бивкӀуна. Ганин баллан бивкӀуна ца хӀикматсса, ваца ссавния экъи нанисса кунмасса чӀу... Цакуну цимурца бат хъуна. Гулигу цийнма цуппа бувкӀуна. Балайлул чӀумур ялу-ялун таэнну, ялу-ялун мяълумну баллан бивкӀуна.

Гулин бувчІуна га минаралия такъбир тІутІисса мудуннал чІу бушиву. Га балай тІий ия жагъилсса, марцІсса, бюххансса чІуний. Дия мукъатгасъсса нюжмар къини. Мудун балай тІий ия буквавчІайсса аьраб мазрай, ва пана дунияллий цимурца панассар тІий, дунияллул дардругу, уфгу куну, бакъа шайсса чІаракІуннил хІахІри тІий. Га оьвтІий ия, гъарцаннал пикри-хиял так ца Аллагънаяр бикІан аьркинсса тІий, оьвтІий ия, циксса хІасратру ккухІларчагу, ссавур дара тІий, цанчирча, хІасратругу ккухІлай, ссавургу дуллай бивкІун тІий жува ххассал бан жула цІаний ливтІусса хъунисса идавсталгу. Оьрму ца макІри тІий, буслай ия га; так дакІниву хъунасса Аллагънахсса ччаву дуруччин бювхъумананни, цукссава къаридну ливчІун ивкІнугу, ахиратлув алжан нясив бантІисса.

Цакуну Гулин ххал хъуна неххал чарил бавкъусса къума кІичІиравух цийна данди хъуну най щарнил малла Юсуп-Къади. Га ия мудана куна, лухІисса авалуву, исвагъину дурсса, майрдайн къиргу бувтІусса кІяласса варсул уссаву, бакІрайгу – лухІисса ссуникІурттул къяпа, урчІа канихъгу хъюртул мурхъирал аьсав, киямунихъгу – цІансса кагърубалул чІюн.

Гули ххари хъуна, ххаришиврул макъгума личавай лирчІуна: агъ, циванъя ттинин Юсуп-Къади дакІнин къаагъсса! Циванъя аьрщарай Аллагънал калам бусайма дакІния увксса!

– Ивзрав, Юсуп-Къадий, – увкуна ганил бюхъайссаксса нахІуну.

– Бивзрав инагу, – къачча-къаччайна кунна жаваб дуллауна малланал, угу урувгуна, ххуллу къукъин ва нястгу ча дуркри тІисса куна.

– Шяравучув, на вихъ ца за учин ччай буссиявхха... – Гулил махъру гужрай личин бувна: хІисав къавхъуну бикІайссияв ганин малланал щюллину-някІсса яруннал бявкъусса паргу, чял хІаласса иттацІанттал магъмуншивугу – михълишали дирхъусса чІири бакъагу цирив ца муданнасса къалпшиву дия ганал лажиндараву.

– Ци буссия учин? – малланал дахъва утти хІаллих бувна ша.

Ганил бувсуна Сайдиллал цила аманатран дурсса хиянатшиврия.

– Бавунни ттун му хавар... Сайдилла кунасса хІараминахъхъун къадуллуноу, дулун аьркина аьдилсса адаминахъхъун... Ттухъхъуннагу дуллуния, шяравудуш... Чара бакъа Сайдиллахъхъун дулай ххуллий, ца-кІия баравагу увния... Къадуллуну дуна, дулав тІий бухъурчагу, къалайкъссара, шяравудуш, бунагъссар, Аллагъу Тааьланал хъиннура вийхра рищайссар, – укунгу куну, цирив ялагу учин ччисса Гулигу буний къабивтун, малланал ша лахъи бувна.

– Агъ, ттул маз бякъивуй, на чуна та лухІи хъатІущал дакІ дачІлан! – аьсивсса угъ бивгъуна къартІлул ялун къартІа хъусса Гулил, гиччава занагу бивкІуна шаппай.

Утти Гули га Гули бакъая. Ганил дакІ цІарай сасан бувсса чару кунна цакуну къянкъа хъуна. Утти ганин аьтІавугу лачІлай дакъая, цийва цинма язугъгу хъанай бакъая, Гулил дакІ интикъамрал цІаран лархъуна. Ганил оь, чил ивкІусса цила буттахлу, ккашил ливтІусса цила ниттихлу ва уссихлу, къюкъингу бувну, къадар бувсса цихлува къисас ласи тІий, щарай бия.

ХІадур дурна Гулил цила пукълул мурцІув дагъсса ца сситтул дуркусса рикІ. ХІадур хъуна, мизитравун най уна, махъа рикІ рирщуну, Сайдилла ивчІан.

Гулил бакІ тачІав бакъачІин, ваца буран бувхсса кунма, къарал дакъа вичІивгу ссалахІтІи дурну, макІра кунма, къагъну бия; хъхъувай бизлай

бяхълай, дакІ-ттиликІ дия цІий, дукра къаканай, чурххай зулу лаянсса хІал бакъая. Гули шанийн къабагъан къянкъа дуллай бия, къянкъа дуллай бия къисас ласуннин, яла бивчІарчангу ганин баччи бакъая. Утти га дуняллий ссайчІав хІайпну бакъая, ганин цила оърмулул щала мяъна душмантурая къисас ласавриву чІалай дия.

Гули, цила пукълул нузгу ач дурну, хьулух, Сайдилла дарвазалува укканнин ялугълай, щябивкІуна. Амма ганил чурх ялу-ялун кІу хъанай бия, цІу ларчІсса кунма, бакІ кІирину бия, ссихІ ласун захІматну, хханхха, буца-буцари шавай, цІий бия.

Ахиргу, дарвазалийсса гюнгутІигу зяр чин бувну, бартукъраву Сайдилла увккуна. Яла цала хъирив, гукунма гюнгутІигу зяр чин бувну, нузкъунгу ларкъуну, га кІичІиравух ялавай мизитравун авчуна.

«Аман, кІичІиравун цучІав къауккайния», – тІий, Гулил дакІ, ватват тІий, ришлан диркІуна.

Гули, шаттирал чІу къахъун тІаннул пашмакъругу лирккун, рикІгу канил дургъуну, къатІув бувккуна. Чурттавун бияйхту, цакуну бакІ нялавгун, га багъавайгу ливчІуна. Цищара шайссаксса къянкъа дурну, цила цуппа кІунттихъхъун лавсун, га анаварну чурттурдайх ялавай кІичІиравун бувчІуна. ЦІуцІисса бакІрал кІу бувну, цила чурх цищава бачин бан къахъанай, зарзала дагъну, ликри зурзу тІисса ганин цила хъхъичІ Сайдиллал ца кІяларххусса къаралти дакъа цичІар чІалай дакъая. «Я Аллагъ, я Аллагъ, була ина ттухъхъун махъва-махъсса гуж!» – тІий, Заннайн леххавугу тІий, ганил бусса гуж бавтІун, ххарххи лахъи дуруна.

Гули цала хъирив лаявайсса чІумал, Сайдилла махъунай кІура авуна. Микку Гулилгу, Сайдиллал бакІрайх ришун, рикІ гъаз дуруна. Амма Сайдиллал, хъап куну ганил ка дургъуну, гужрай зерххуну, рикІ экъи лирчуна.

– Гъуя, бавай! – вев куна Гулил. – Ина на ца някІ чІутІул барцІну ляхъан циван къабувссия?..

Цила вевлул чІунил цила вичІив къюкІ дурсса хханссия, бакІравун ца цирив къакІулсса кІусса бухар бувххун, Гулил вичІив дарщуна. Сайдилла, Гулил хъхъичІгу авцІуну, яругу оьтту-ххяллари бувну, мурччивгу шипІ-шипІтІи дурну, цирив тІий ия, амма Гулин ганал тІимур баллай бакъая.

«Багъавай бура нава хІал бивну», – къувкъуна Гулил пикрилул. Яла, зана бивкІун, иттах лухІи-оърусса пардавгу дакълай, га гуж-балагърай кІичІиравух лавай шаппай бавчуна.

Га аралуву шяравун Будаил Зузу ахъния дагъну дур тІар тІисса леххаву дагъуна. Инсантал, кІичІираву авцІусса Сайдиллах ва, ххяп-шап тІий, ххярклий цила чурттурдайх лавай лавхъун нанисса Гулихгу къулагъас къадурну, лечлайнма бярнил чулухунмай бавчуна.

Гулил цила пукълул нуз тІитІавугу, чІанкъатлувун хІал бивну багъавугу ца хъуна.

Цинма цуппа бувкІуна Гули ца лехха-личІаврил, вев-гъарайлул чІуний. Ци ишривав тІий, къатІув бувксса, ганин чурттуйсса жаназалушал ратІух лавай лухІи аьтара хъуну шарнил агълу най ххал хъуна.

Дахъра цІана дурчІуна Гулин къунну цуппа Къунтрав-сунув чантІ учин бувну бивкІсса вевлул мяъна.

Гули, зана бивкІун, цила пукълувун бувххуна. Яла, бурцІил кунмасса ца авгу куну бивщуну лавгун, цила мурччайгу къацІа тІий, чІанкъатлувух ккурун бивкІуна.

IV

*МакІра тарив ккавксса чил къатлув кунма,
Бурахха яхъанай, мййжанссарвавли,
Бюхъайхха на шиву бивкІуну бикІан...
Ва ттул къашайшаву тти махъра-махъссар.*

Утти Гулин макІгу кІихъну, кІихъгу макІну чІалан диркІуна. Цуппагу, симангу хъахъи ларгун, яругу бювкъун, гайннул лагма михакрал рангеса кургу багъну, лажингу чІиви оърчІал уксса лирчІун, гъантта бувккуну бавссуну най бия. Лахъруй ца мурцІувгу лявкІуну, бакІгу никирттайн дуртун, къатлува къатІувгу къабуккайва. КІюрххи-къуннил ганичІан, лархъху накълил кІичІу, ччатІул мукълицала ларсун, Саилла дучІайва.

– Пикри мабуллава мукссава муксса, ттул душ, – тІий, Гулил дакІ хъунмур буслан дикІайва Саилла. – Тти пикри буллай цибанна, бан шайсса цичІав бакъархха... Та аьш дайлитІивун диван Аллагънал цала баннав... КъатІушав букку, инсантуравунмай бувккун, дакІ тирх чин да, ттул душ, дурагу къадиркІссарашав куну ми мусигу...

– На мусил пикрирдай бакъара, буттал хъинирвуй, пасатрал бакІрай дацІан ций, – учайва Гулил бувкъун гъалатІ хъусса чІуний. – ЛагътурачІа муси дикІан къалайкъну тІий, кара ларсхъунссар ттуяту ми Аллагънал... Циксса ккаккан банни кІа щяв агъивул на дунияллийн ляхъан бувсеса?..

– Ву-уй, мукун матІра, ттул душ, мукун матІра. Чивчумур лиххан бан къашайссарча, мукун матІра. Къянкъа дува, къюртІ уча, цикссагу буссар ина кунмасса, вингу мукун чивчуну бивкІссар, – учайва Саиллал.

– Кару дагъан цал, циванни кІанал ттун укун чивчусса? Автумава атлан, агъмава ккуру итлан, циванни кІанал чивчусса? Ттува рухІ къаласавай, ттигу ци ккаккан банна тІиссар ттун кІа? Вав-шав, бавай, вав-шав, бавай, ва пана дуниял, ва оьгтун лиеву ца задри тІий бакъара, лавгун ахъния ххяххавиявхха: «Гъай ттул, чув кунма, яхІ буллай, оьрму бувтсса Гулий», – чинмавагу уссания ва ччувччу шяраву. ЩяйтІантрал бухар буххан бувну, ягу адамина дакІнин агълай ххяххъунссар куну, ттуккул ттаркІ ккаччил ласайсса кунна, бусрав бакъа, япахъяннарай буччинссара... – тІий, Гули, кІунтІай тІий, аьтІун бикІайва.

Утти Гули макІрагу гъарца хъхъуну бизлази хъуна. Га жагъ Ттухъаваллил ратІавун лагайва, жагъ Исул нуххардичІан лагайва, жагъ Ттархъ-Личай-Муруллалух буклан бикІайва. Хъархъаллая хъархъаллайн лахълай, къунттая къунттайн лахълай, гай хъархъаллахъ, гай къунттахъ шикаят буллай, инсантурашачал кунма, гайннушачал гъалгъа тІун бикІайва: «Агъа-гъай, хІиллакартал, агъа-гъай, малъоьнтал, чарттайн бувк мишан дуллай, на къякълухун бихълай бурув? Ттун кІуллхха зу инсантал бушиву, зуца на хъяврин бан къашайссар. Циван къабивкІссару, ссихІ дуккияра! Дуккияра ттухъ ссихІ. БучИибакъулт, на, зу ттухъра ссихІ къадуккарча, зучІату лихъанна, тачІав зучІангу къабучІанна. Зунттаваун авдалтурачІанмай гъанна... КІайннал ттун балайгу учавантІиссар... Нагу учаванна кІайннашачал балай. Вана укун балай учаванна... Укун:

*Вил иттава къабургара,
Ттула янил къаччуччин,*

*ТтиликІрах къабацІара,
Янил унни къаучин.*

Агъ, бучІибакъулт, зу ттухъ ссихІ дуклай бакъару, аьркин бакъару зу ттун... Бат хъи ттучІату, яхІ бакъулт!.. Бат хъи! На зучІа къабацІанна... АьтІи щарашучІанмай гъанна... АьтІи щарашигу, навагу – кІивагу аьтІий щябикІанну... АьтІий, аьтІий щябикІанну...»

Гулил муси тамахІрал давчала куну, давраннай акъая Сайдиллагу. Га ца хъхъуну ЦІахъюрдул Сайдиллахун: «УчІиакъуй, ва оьрмудайн ивну чІири кІяла хъуннин вакссава нава къюкьин ансса ина акъа къавхъуссар. Начгу дакъа, ганил хъютІницІунгу лачІун чунайяв ина? Зад бакъа гукун инсан тІун къаикІайссар, тамахІрал дурссар ина ганил муси. Гайксса бакІрангу ккаклай, щяйтІантравух къавхъуну икІайссарив инсан, хъамитайпа цуппагу. ЧчатІул ялув нис дишин, инагу му къел дунни, нач дакъуй», – тІий, хъинну дяъви бувна.

Сайдилла башттана адаврава увкманан ккалли ангу къабучІия, га ия мазрал хъяврин айсса, цалла ихтияр цахъра дакъасса, куклусса, шарссаниягу нигъа увснасса адамина. ОьрчІ СайдиллачІа бакъашиву кІулну (Сайдиллал БатІи дудиннингу кІира шарсса дурцуну диркІун дия), ласнайнгу «ахттай» тІий, ва багъана, та савав тІий, БатІил чІявуну ца мурия бишайва. Гулил мусигу: «Лагътуран муси ссан аьркинссар, къадуллуссия тІий ацІу», – тІий, БатІил тамахІрал дан увна. Давриягу Сайдилла хъинну пашманну ия. ЦІахъюрдул цахунма дяъви бувну махъ – нагу начну, рикІиращал Гули цайнма ххявххун махъ, ганил тава-тагу нава ивчІарча, ци бави тІий, Сайдилла хъинну нигъачІи ия. Вай пикрирду буллай, Сайдиллан я дяхтта, я хъхъурай рахІатшиву дакъая.

Ца къини, шарссания къюлтІну буттукърава Гулил буллусса кисагу лавсун, Сайдилла ГуличІан лавгуна.

Нузкъунгу тІиртІуну Гулил пукълувун уххайхту, Сайдилла, цала яруннин цува вих акъа, банд лавгун ливчІуна. ЧІивисса, цІансса пукълуву, нузкъун аьч дурну, ххярацулттивух багълагъисса чаннал щутталу, ваца дарс кунна, лухІисса янналуву, марххала кунма, кІяласса ццунсса лахъисса кІизгу итабавкъуну, тавлух ца къари щядиркІун дия. Га цанна ккаклакисса аьшрагу дакъарвав тІий, Сайдилла хІучІ увкуна. Тамансса хІал бувна Сайдиллал, цала яруннин цува вих акъа, га тамашасса къаралтилух ялугълай. Къаралти тІурча, ссаячІав хаваргу бакъа, мурччивгу шипІ-шипІтІи дурну, ккиз ларгун хъхъичІун дуруглай дия. Сайдиллал, зана ивкІун, пукълувун чани бан, нуз тІиртІуна. Амма тавлух къис диркІсса аьш ялагу дакъа къархъуна.

– Гулий! – оьвкуна ца синхралну Сайдиллал.

ТІиркІ куну, накІлил ларайгу лирчуну, къаралтилул бакІ гъаз дуруна.

Сайдилла нигъал зурзу-курку тІий ливчІуна: ганал хъхъичІ бакІгу кІяла хъуну, хъунмав хъусса Гули бия.

– Гули бакъассар... На ххурттамара, – увкуна ганил ца ккашилсса, бувкъсса чІуний.

Анаварну цала хъирив нузгу ларкъуну, нигъал дакІгу ришлай, Сайдилла шавай лавгуна.

– Ина башттан ранг дакъа урахва, вин цивхър? – цIувххуна БатIил, Сайдилла къатлувун уххайхту.

– Нану, наха-хIавай, дуччу тти, ганин хъун бумур хъуну бурча... – куну, Сайдиллал бувккун жиплува киса, сситтуй мурцIув палцI бувна. – ДацIу, ца бала ликкавай бурча жуйнма...

V

*Агъ, чIунни ттун лехлан, чIунни ттув лехлан
Ва хъунилгу ялтту, неххалгу ялтту,
Къахъун най буну тIий тти балай учин,
Къахъун най буну тIий тти макъгу лишин
РухI дакъасса каних ттула чIаврая.*

*БувкIун инсантурал, кIучI бувантIиссар
КуртIну аьрцараву ттул чурхгу, чIугу.*

Гъунттиймур къини ахттайнбизулухъ мюрщи-хъуни къакуну Къютуннал шала жямат хърдуккаву дан ШярацIкъурувсса ТIурщикъал хъув бавтIуна. Гъашину хъарас щун «хъинсса бияннав» куну бия Шихшахъал Ахвирдийн. Инсанталгу, ницру бавхIуну Ахвирди учIаннин, ганах ялугълай бия. Тийннайну дия жагьилтурал ца ккуран, гай, хъарас шайхту, дучри ххяххан баврил бясттирай бия. Тихунмайну бия, чIюлурдугу хъуну, шарнил душру. КIийнмайгу бия жяматрал хъуни къужри. Мюрщи оьрчIру ва душру, ккучун хъуну, лава-лавайгу ххяхлай, шадсса шавкъирай дуаь дуллай бия:

*Адаминал оьрчI бюхъаннав, я Аллагъ!
Оьлил бувсса бярч бюхъаннав, я Аллагъ!
КкацIул бувсса тIий бюхъаннав, я Аллагъ!
Яттил бувсса чIи бюхъаннав, я Аллагъ!
Оьсса бала арх буваннав, я Аллагъ!
Уртту-щин авадан хъуннав, я Аллагъ!
ЧчатIуй барачат бишиннав, я Аллагъ!*

Ахвирдил шарсса Аса, кIартташува арамтуран дукъра хIанттил ккузригу буцIлай, хъами-оьрчIуннайх аьнттува инил къясругу бачIлай:

– Авадансса шин хъуннав учара, барча бишиннав учара... Цува къаакъайссавагу акъарвав тIий, нигъа увсунургъартал усса жул Ахвирди, – тIий, къузу-къуккулий дия.

– Ххуйсса шин хъунтIиссар, Асай, – тIий бия хъами. – Шихшахъул барачатсса агълурхха.

Ца хIал хъусса чIумал, ухчIинлавай рахIугу лавххун, къяпун кIанай бакIрайх ца кIяласса хIайвандалул лугу кай-кай бувну, рукIлилу лухIисса, хъирттайх аьрайн гъавккурттал ва ччатIул, сулхърал чарсригу дархIусса

ницайсса рукІлийн хъарасгу дуртун, увккуна Ахвирди. Ганал хъиривгу – мюрщи оърчІал ца дастта.

Хъузала най ххал шайхту, цинявннавун, «ву-у» куну, ца тяхъасса ххурху бувххуна.

Агъали, цавай къужри личІаннин, гуннач хъуну, марххалттанул гурживгу ришлай, Ахвирдил хъхъичІун ххявххуна.

Ахвирдил, хъув ияйхту, рукІлия хъарасгу ликкан дурну, гагу никІливун дурчІуну:

– Я Аллагъ, баргъ-гъарагъи дакъиннав, барачатсса шин хъуннав, кІамайму бугъайнал хъу дюхъаннав, ттархъ дугъайнал тта бюхъаннав! – куну, марххала бакъамур кІанттайх хъарас дирхъуна.

– Амин, я Аллагъ, амин, – куна ца зумату кунма къужрал.

Инсантал, хъиннува гъавасравун лавгун, вев-гъарай тІий, хъягу хъяй, булукъуна гъайтІисса Ахвирдийх марххалттанул гуржив ришлай. Марххалттанул гуржал кІири ичин увну, Ахвирдин хъарас къаритан багъуна. Ахвирди укъайхту, кІамайму бувгъуна ца жагъилнал.

– ЯхІ ба, Аълий, яхІ ба! – тІий, ришлай гуржив, жагъилтурал Аъли хъиннува кІири ичин увна.

Га аралуву цакуну щиллив:

– Ве-ев! Ягъартал, та цур, тиккун бурги! – куну, леххаву куна.

Циняв, хъярч-махсарттугу къабивтун, шарнил чулухунмай бурувгуна.

Шиккун, ШярацІкъурух ларай, лечлайнна ца кІачІасса хъамитайпа най дия.

– Ягъартал, га цур, га циссар? – тІий, инсантал леххаву тІун бивкІуна.

Га бия Гули, ца хъхъу-къинилул мутталый бакІгу кІяла хъуну, ххюцІалла шинал хъунмав хъусса Гули. ЦІана ганин я ШярацІкъурувсса инсантал чІалай бакъая, я лувсса аърщи чІалай дакъая. Гули бия ссурулух, барзу кунма, лехлай. Гули, чІивисса чІумал, цила ниттищал щархъайх чІатІий заназийни, аман, нава къабухлан, ца барзу хъурдай тІий, хияллай бикІайссия. ЦІана ганин, цила хиял барт лавгун, цуппа ссурулух лехлахисса ххай бия.

Гули, лехлахисса кунма, кару-каругу дуллай, цила бувкъсса, къакъари буцавайсса чІуний:

– Агъа-гъей, махлукъат!.. Зу циссару ми хилкІравун бувххун?.. Экъи личарача мигу, лехлахи, на кунма, ссурулух!.. Утти на барзура... Ахъла барзу ккув!.. Ахъла барзу ккув! – тІий, левчуну инсантурачІан бавчуна.

– Ягъартал, га цурдарагу цур, га цур? – цІухлай бия аьратталну куннахъ ку инсантал.

– Айжайжаллахъал Гули бур, Гули! – куна щилъяв.

– Гули авлия хъуну, Гули!

– Нясттирал ккаччи, хІакъину жу хъарас щуннин авлия хъун дарцІуну диявав га балаллул дюкъиву, – леххаву куна Асал. – Цила аьщун цурда га дунийра дирчІара га!..

Чурхгу щала някІ-оърчІи лавгун, бакІрайсса кІизгу бурувзуну, Гули урувгманавун цаххану дагъанну бия.

Гули цацІанма гъан шайхту, мюрщи оърчІру, нигъа бувсун, вев-шев тІий, щала ниттихъал гъухърацІун лавчІуна.

– Ахъла барзу ккув!.. Ахъла барзу ккув!.. – тІий Гули, хъару-хъаругу

дуллай, вахшисса чуний вев-гъарайгу тий, хъувх къазразанну лечлан бивкѳуна. – Инсантурая щяйтѳант хъуну... Ва дунял ца хъхъириву гъузуй дур... Агъа-гъай, махлукъат, дунял лекълакьиссар... Аллагъ щяв агълагьиссар!..

Ца цирив къакѳулсса нигъ дурххуна микку инсантуравун. Цила бакѳрайсса кѳиз чиваркѳуннан ххал хъун къабацѳайсса зунттал хъамитайпа ниттил бувсса куццуй жяматрал хъхъичѳун бувккукун, арамтураясса ламусрал гиккусса душру-хъами, вев-гъарай тий, ливхъун бавчуна. Арамтал тѳурча, къяпригу иттах лавххун, ци зунсарив къакѳулну ливчѳуна. Оьрчѳру, чѳиру кунма, гъер-гъер тий, аьтѳун бивкѳуна. Хъуни хъами, хъазамрайх заккантигу бишлай, гъуя-гъарай тѳун бивкѳуна. Га лихха-личѳаврил лухччи-сса вхъюлчутѳи дурсса хханссия.

– Бусурмантал, вичѳи дишара! – увкуна микку ца хѳучѳи багъансса чѳуний, инсантурал чулухунайгу ивкѳун, чѳюндалушалсса кагу ларай гъаз дурну, малла Юсуп-Къадинал. – Вичѳи дишара!

Циняв, цакуну пахъ багъну, малланал чулухунмай бурувгуна.

– Барцѳи кунма, ккаччи ав-ав тѳурча, цила аьщун цуппа хъуннав куну, бивтун бутайссар, – увкуна Юсуп-Къадинал. – Аьнакѳигу, ажари кунма, эоь тѳурча, цила аьщун цуппа куну, биххайссар! Ца оьккисса балаллул илчинур, Аллагънайну инкар дуллай, ва щяйтѳантрал бусурманнал ххуттава личин дурсса шарсса хѳакъину ва шин дайдихъулий жучѳанна шиккун дуркѳесса... Вила аьщун инара, инава тѳимур винма куну, къуртал дан аьркинссар жура ва...

Малланал зумату вай махъру буккайхту, Аса, ххярххун хъунил марщалусса чарттал ххюлюбакѳулучѳангу:

– Вила аьщун инарагъар, – тий, ласлай чарил бюкъру, Гулийх бишлан диркѳуна.

Микку Асал хъирив ххюлюбакѳучѳан ца улус инсантурал ххявххуна.

– Вила аьщун инава... Инава тѳимур винма... – тий, инсантурал лахѳуни дирхъуну Гулийн чарттал лачѳун дуруна.

– Инсантал, бацѳияра!.. Бацѳияра, инсантал!.. – вев тий ия цури в къакъари буккавай.

Амма инсанталлив утти щичацѳав бацѳан бан къахъунссия. Вахѳшину вев-гъарай тѳисса Гулийн чарттал гъарал ларчѳунна дия.

Ахиргу Гули, рикѳирал бувтсса хѳави кунма, щях бивщуну лавгуна... Чарттуми ялагу ганийн щилайнма бия.

Цакуну, цала дурмунил цивппа махѳаттал бувну, инсантал буний бавцѳуна: гъарцаннал ца-ца чару личавугу, Гули чартталу личѳавугу ца хъуна.

Цучѳав зума къаахълай, дуняллийн ца цахханнусса паракъатшиву дагъуна.

Оьттул къанкъ рирщуну, тила Мяраллила, гъалакнуну къя-къягу тий, ца гъухъала хъатѳралгу ссавнийн гъаз хъуна.

Микку, инсантурал къуйсулувагу бувккун, малланачѳан ца синхралну авдал Паччу гъан хъуна.

– Оьттулучув!.. Оьттулучув!.. – вев куна Паччул цила зурзу тIисса чIу-
ний, малланал иттав кIисри-кIисригу буллай. – Оьттулучув!.. Ина бивкIун-
ни жул Гули... Ина бивкIунни... Ина дуржагьрал цIарал ччуччинтIиссара...

Яла, зана бивкIун, чарттаву лирчIсса Гулил жаназалийngu багьну,
ссинкьагу тIий, аьтIун бивкIуна.

Микку, дурккун Гулил буттал хьинирву Саилла, цила мучIал лухIи ла-
чакгу эьки лирчуну, Гули ливчIсса чарттайгу щядиркIун, кIийнмайну бав-
цIусса щарнил душварахгу дуруглай, аьсивну зума тIун диркIуна:

*ШярацIкьур чIюлу бувсса
Арцул хьулурду душрув,
Айжайжаллахьал Гули
Зуцалвагу бакьарив?*

– Жямат, – увкуна дахьвасса чIуний малла Юсуп-Кьадинал. – Аллагьу
Тааьланал ванин укун чивчуну бивкIссар. Угти жува ва бусурманнал аьда-
трай буччин аьркинссар.

Инт дайдирхьуну ацIва гьантта хьуну бия.

Амма лухIи-цIансса ттуруллал гьав лаган дурсса ссавния, ттигу марх-
халттанилу кIучI хьунмасса вай алвагьсса барзунттал, гай ябакI бувтун,
эц-эц бивкIун чIалачIисса муруллал ва ххяллал, гай кьумасса Кьютун-
наратIал инт дуркIшиву ттигу буслай бакьая. Гай мюрщисса хьуруннал
кьютIай кьалмул кIурхру тачIав кьаличинсса хханссия, гай зунттурдугу
абадлий щюлли кьавхьунма личIансса хханссия; цала тяхьасса балайрда-
щал, дакIру тирх чин дайсса чIев-чIеврдащал гай магьмунсса, пашмансса
зунттаву лелуххантгу оьрмулий зана кьавхьунсса хханссия.

Агь, ттул дус, чIалну дучIай инт Лакку Билятрайн.

1969–1975



Драматургия

Сибирбаг КЪАСУМОВ



ЛУХИИ КЪИНИ

(Дайдихъу «Шубарз» № 2, 2017шин.)

Килчинмур пардав

Шамилчинмур сурат

Тава нукIувасса Аматул къатта, лахъру-тахлийгу щядиркIун, зукка-чIакIу-луха зий дур Амату. Пашмансса макъандалий, лахъ бакъасса чIуний, лахъину кIункIу хъуну най бур Аматул балай:

**КIира яттил ттурзан ца зунттуй яшай,
Дяъви-дав бакъа,
КIира оьллал газу мащилий яшай
Дяъви-дав бакъа,
Къумасса ххяллаву яшай аврдугу,
Дяъви-дав бакъа,
Яшай Каспий хъхъирий зунттал нехругу
Дяъви-дав бакъа...**

(Уххай лап пашманну ХхуйтIу).

ХХУЙТИУ. Амату буттарттий, на здиннин увкIра...

АМАТУ. УвкIун хъина, чани... Балчан бакъа увкIуннахха, бавал ина чув уссияв?.. Ча увкIра...

ХХУЙТИУ. Матиналий увкIра... Каттада буттарттийтIа уттяв... Ина танихъ маьтIра утала...

АМАТУ. АьтIий дияв, бавал?.. Цибанссар... Яраппий, душманнангу нясив къабаннавча та кунна аьтIун...

ХХУЙТИУ. Жуланийн увкIукун, на дутман ва ххаржандалух... бакъа-бакъа... ва ттупанталух (*тIаннул ттупанча ккаккан буллай*) ивтIанна... (*чансса хIаллава*). Яла ва ххаржандалух каругу кьукьинна...

АМАТУ. Кьукъа, бавал кьукъа... тика-тика ува, урусари иву...

ХХУЙТИУ. Амату буттарттий, ина Каттада буттарттихъ маьтIра утиннав?..

АМАТУ. Учинна, бавал, учинна... На укуннагу цџана тиккун гџанна тџийяв дусса...

ХХУЙТџУ (*ххари хџуну*). Каттада буттартти кџаабџурта, Махџалли уттагу тавай утџантџиттар... (*пауза*).

Яла танал ттун ттупантагу бантџиттар. Ттутта Тџанкџул (*Чџанкџул*) зевххутта ттупанта...

АМАТУ. Увкџун ккакканнавча, чани... Ина тџутџимур Аллагџу тџий лякџинхџуви... Баянхџуви хџунасса заннангу вил – малаикнал дакџнил тџутџимур... Кассадачџа цу ия, чани?... Цурдалу дияв?..

ХХУЙТџУ. Каттада буттарттийтџа Ханита (*Ханича*) буттарттигу дия, тџилтџав интанталгу... Аџтџий бия... Яла нагу аџтџий утџияв...

АМАТУ. Цџибанссар, чани... Нитџил лякџа кџириссар... Я Аллагџ, ккаккун кџул кџабаннав!.. Танил утџи та аџтџаврияр ххишала арснан байссагу, бан шайссагу цамур хџинбала бакџассар... Астџавпируллагџ... Астџавпируллагџ... Хџинмур ина бува, Аллагџ...

ХХУЙТџУ. Амаду буттарттий, дутман цукунтта икџайттар, нентџабакџраву та я бутта, див?..

АМАТУ. Душманнив, чани?... Кџаикџайссар... Нентџабакџраву цая бусса – магџлувусса деври икџайсса...

ХХУЙТџУ. Туну тукунтта икџайттар дутман?... лахџи-утта витџив дутта, див?..

АМАТУ. Акџар, бавал... Душман икџайсса инсан кунассар...

ХХУЙТџУ (*лап махџаттал хџуну, энадрџй*). Тукун интан кунатта?!

АМАТУ. Инсан кунасса... Ина кунасса, на кунасса... Аџлилав кунасса...

ХХУЙТџУ (*лап кџаччан бивкџун, хџиннува энадрџй*). Кџаикџайттар. Хџяврџн буслай бура!..

АМАТУ (*хџяй*). Туну цукунсса икџайссар, чаний?

ХХУЙТџУ. Душман интантал букайтта икџайттар... бувтџуриџ вин? Ина ттухџ хџяврџн бутлай бура... На утџи витџан кџаутџанна... (*увккун ачай*.)

АМАТУ. Ди, чани... Ина тџийкунсса икџайссарча, хџювсул мауккара... Ачу шиккунай ва лахџурттуй щџаикџу ттучџа...

ХХУЙТџУ. У-у... Ина хџяврџн буслай бура...

АМАТУ. Ва, чани, тџи кџабусаннача, магџари... Мала... ургу... Шинай хџу бибиџру дулуннача...

ХХУЙТџУ. Кџатта... Кџааџркинни...

АМАТУ. Аџџу туну, ина Шамсият бувкџукунгу кџаучџаннав жуннин?... Утџи га бучџавайссархха...

ХХУЙТџУ (*цакуну ххари хџуну*). Бутџавайттарив, Амаду буттарттий! Утџанна!.. На тиккува атџанна!.. Тунтџав кџагџанна... (*Зана икџай, Лахџурттучџанай хџуну*). Кџуннува бутџантџиттарив?

АМАТУ. Кџунниџ кџабучџантџиссар... Гџунтџихавай. Гџунтџихавай кџунниџ бучџантџиссар, чани...

ХХУЙТџУ. Кџуннува бутџантџиссар уча...

АМАТУ. Бучџантџиссар, бавал, бучџантџиссар... Мала, на вин наџџу мархха-лагу булуннахха (*лахџурттуйсса кџараллила дуккан дурну, бюкџ-качарданул кџурхџ дулай*).

ХХУЙТџУ (*цал лавсун качарданух уруглан икџай. Яла ца-кџийла ганийн лан-цџу куну, ххари хџуну*). Би-би-иџ... Натџу марххала... Натџу марххала... Амаду буттарттил натџу марххала! (*Тџанкџа тџий, лагма уклан икџай*.) На ва Тамти бутџаннингу букџантџиттар...

АМАТУ. Мабукџарача, инава буки, чани...

ХХУЙТџУ. Кџабукайттар... Тамтил букангу битџйттар...

АМАТУ. Шамсият цушпагу вин лавсун бучџантџиссар... (*Цџихџва цџила кунма*). Даки ххарину, ххари-цџуллуну бучџивухџул...

ХХУЙТІУ. Ти лавтун бутІантІиттар?..
 АМАТУ. НацІу марххала лавсун бучІантІиссар...
 ХХУЙТІУ. Та (ча) лавтун бутІантІиттар?
 АМАТУ. Га цуппа лавгния...
 ХХУЙТІУ. ТІанава бутІантІиттарив?..
 АМАТУ. БучІантІиссар (*цихъва цила*) Ина ух къауккивуй, ххирашиву цан-
 ма Шамсиятлул... Пуй-пуй, ина винасса аьщун инава хьуннавча...
 ХХУЙТІУ. Гьур-ра-ав! (*ЦІунилгу тІанкІа тІун икІай*). Тамтиятлулгу натІу
 марххала!.. Гьур-ра-ав!.. (*Ца-кІила къавтІисса къуцгу увкуну*) Амагу буттарт-
 тий, на къавтІун изан тгай ура...
 АМАТУ. Изу, чани...
 ХХУЙТІУ. Ина макъан дутала...
 АМАТУ. Дуцивив, чани?..
 ХХУЙТІУ. Дута...
 АМАТУ. Цукунсса дуциви, чаний?..
 ХХУЙТІУ. Ххуйтта...
 АМАТУ (*хъатгу ришлай*). ТІюлуххуми тІюххуми, тІюхху-тІюхху тІюхху-
 ми, тІюххулуми тІюххуми, тІюххугуман тІюххуми...
 ХХУЙТІУ (*Аматул макъан дуцІай буна, тамансса хІаллай каругу гъаз дур-
 ну, гай цукун дугъантІиссарив къаляхълай, тиху-шихунай кІура аллай личІай.
 Яла цақуну ссибивзун, лахъсса чІуний, ччангу цях бивіцуну*) ТІюххулами мау-
 тара,.. Оьккитта дур!..
 АМАТУ. Туну цумур дуцави, чаний?
 ХХУЙТІУ. Ххуйтта дута...
 АМАТУ. Ххуйсса цукунссар, бавал?
 ХХУЙТІУ. Таргу-чаргу тІитта дута...
 АМАТУ. Гъа-а! Чаргу дуцивив, чаний?..
 ХХУЙТІУ. Дута...
 АМАТУ (*цІунил хъатгу ришцуну*). Чаргу, чаргулул макъан чаргу бувара
 душрив...
 ХХУЙТІУ (*лахъисса ххарххив ласлай тІанкІа тІуй, дюхъ дакъа къавтІун
 изай. Яла пацагу тІий, Аматул чІарав увкІун*) Амагу буттарттий, на ххуй обртІ
 куна ивзрив къавтІун?..
 АМАТУ. Ивзунна, бавал, ивзунна... ЦІуллу аннав... Аллагънал цІуцІаву
 цІал дукканнав.Ххуйсса уракъай, чаний...ххуйсса ура. (цихъва цила кунма)
 Вил дакІнил марцІшиву илданунгу дулуннавча, чаний...
 ХХУЙТІУ. Мутил тимаваргу утала... Магъилул тІутІигу...
 АМАТУ. Му на къаучайссар, чаний... му Шамсиятлулли учайсса...
 ХХУЙТІУ. Инагу ута...
 АМАТУ. Гьу, увкуссар, чаний...
 ХХУЙТІУ. Ута туну утти...
 АМАТУ. Ттул мусил симовар, магъилул тІутІи... Асттавируллагъ...
 Асттавируллагъ... Ина вишава инава лашаннавча, ххирай. (*Гъавалувун
 ссунтІ-ссунтІгу куну*). Ччучлачисса ссаллив къанкъ дунуккар.
 ХХУЙТІУ (*качарданул къурхълийн ланцІгу куну*). Ва нацІу марххала...
 АМАТУ (*ХхуйтІугу аьличІан увну, цирив дакІнин багъну*). Аман чани, ви-
 шал гьалгъа тІий дуна, ттул дакІ ччурччуннихакъай. (*Чярхни къурувун лечай.
 Лап хъювсулну ялун уххай Аьлилав*).
 АЬЛИЛАВ. Амагу буттарссий!.. (*ХхуйтІу хІисав хьуну*) Ссалам алейкум!
 ХХУЙТІУ. Къатталам илейкум! Тамтият бакъаттар до-ов... Ина ттитІан
 увкІра?..
 АЬЛИЛАВ (*ссибивзун*). Да, ацІуварч, ци Шамсиятгу, инавагу хьуну усса-
 рав...
 ХХУЙТІУ (*ссибивзун*). Тамтият вин къаххираттар!

АБЛИЛАВ *(яла гъан ан куна)*. Къаххирассар, Ххуйтгу...къаххирассарча, нахгуну зума ахъуварч... *(цахъва цала кунма)* На вил бутгал хъус къадукавча... ХХУЙТИУ *(лахъсса чгуний, сситтуй Аблилав ялун бивгъуну най)*. Тамтият на бутинтИттар!.. Авлия!..

АБЛИЛАВ. Буца, уссу... Буцача, лажинни на ити... *(Ххуйтгуя лихълай)*. Вартал зунма бала...

ХХУЙТИУ *(хъарацИсса тИанттул ттупанча Аблилавлуйн тИайла буллаи)*. На ина ва ттупанталух ппавх *(тИанкI учай)* утин бувну, бивтун утанна... Яла ми яругу букканна... *(Иттав кИсса цавай личИай)*...

АБЛИЛАВ. Утти ина хиннува чIяву буллан ивкIунна... На ина СавитIрал ппалав акъавай ура...

ХХУЙТИУ *(нигъа увсун, тинай хъанай)*. У-у-ую! Къаакъайттар... авлия!..

АМАТУ *(кИрисса кIюххи-кудугу аццавух тиха-шиха дургъуну, къурува дурккун)*. Вай, ттул бакI бивчIивуй, щаралахъан дирхъусса накIлия цичIар лирчIун дакъари... ДачIи ялтту ларгун дур, дачIигу ччурчуну.

АБЛИЛАВ. Амату буттарссий, бивзрав...

АМАТУ. Ивзрав, ттул арс... Аблилав, инагу увкIрав, чаний?.. Ххуйтгушал хавардай дуна, накI щаран дирхъусса кIюххи ччувчуну лявкъунни...

АБЛИЛАВ. Уссиякъбай ва ци тIааьн дакъасса къанкъри тий...

ХХУЙТИУ. Амату буттарттий, мунахъ на ппалав маакъара угала...

АМАТУ. Къаакъайссара, бавал... Ванал ва хъярчри буллалисса... Ва чIавахъулувагу тIитIиннача, бавалхъул... ва къанкъ лагайрив ккаккан... Аблилав, къатIуппай ци хаварду бур, ххирай?..

АБЛИЛАВ. Амату буттарссий, на левчуна шиккун увкIссавагу къатIатусса яла хъунмур хавар вихъ бусанъя...

АМАТУ *(нигъа дурсун)*. Ци хаварди, ттул арс?..

АБЛИЛАВ. КIюххи ччуччаву гъич, кIюххуцIун утти жула къатригур ччуччин нанисса...

АМАТУ *(лапра нигъа дурсун)*. Асттавируллагъ!.. Ина тIутIимур цира, ттул арс?.. Ттул Чаргас... Шамсиятлун...

АБЛИЛАВ *(ганияр утти цувагу нигъа увсун)*. Юх-юх! Бакъача... *(АматучIанай лечай)*. Амату буттарссий, хавар я Чаргаслуя, я Шамсиятлуя бакъари...

АМАТУ *(никирттайх кару рицай)*. Вав-шав, тти на цибавикъбай... Туну щияту бур, ттул арс?

АБЛИЛАВ. Бакъача-бакъача... Хавар цамур бур...

АМАТУ. Цамур ци хаварди, ттул арс... Аман, ттул къюкI пIякъ учавай дурчакъбай, бувсун къуртал хъу...

АБЛИЛАВ. ХIакъину жува авхнавун бизан буллалиссару...

АМАТУ *(лахъурттучIаннай хъуну, кару гиккун къючин дурну)*. Ина тIутIимур цира, ттул арс... Муния цакънива леца-лекъа хъусса хаваръя?

АБЛИЛАВ. Вана къалеца-лекъа хъуну бивкIун... Гъаннайсса, на вичIан хъхъичI-хъхъичI увкIсса, вила дукъаймур, лакъаймур, дишаймур, ласаймур чанссарагу сантирай дува учинна... ЧIал къавхъуну шиккун чIаххув шярава ницай аьравалтту диянтIиссар... *(Уккан ачай)*.

АМАТУ. Ина ци тIиссара, ттул арс?.. Му хъярчрив, бунияларив?..

АБЛИЛАВ. Вар, нания чIивисса оьрчI-за акъара мукун духIин дакъасса хъярчру буллан...

АМАТУ. Вав-шав, гъуя, тти на ци бави!.. *(Никирттайх кару рицай)* Ва, ттул арс, му туну цу духIин дакъул къамул бувсса хIукмури?.. ТIар-хавар бакъа, утти ва дязаннийсса чIумал...

АБЛИЛАВ. Тайннахъгу цIуххин хъина, духIин дакъултран ца ккалли буллай бурив?.. Тай бур дарагру нухъбал, саломалул кунма, бакIру аькълулуд бувцIусса къуллугъчитал, хъуними...

АМАТУ. Хъуними тIисса махъ цери, ттул арс... Ва захIатсса чIун... Ду-

кан-дан дакъасса, къаркIазрайн багъсса инсантал... Гъунтти-сара дугъансса хъуру... Ми ца хъунимири мукссава бакI бакъа, мукунсса даву дан багъарча?..

ХХУЙТIУ (*хар-хавар бакъа ихтилатравух хIала увххун, Аблилавхъ*). На вихъ утав Тамтият бакъаттар куну, до-ов... авлия...

АБЛИЛАВ (ххуйтIух хъисрагу къулагъас къадурну). Мива махъру нагу тIий ура... Амма на ТутIимур щинчIав баллай бакъари...

(Шяраваллил мангъуинал чIу)

Ба-я-Ра Да-а-а! Чивири къакуну, хъунни къакуну, шяраву усса гъарца чув ХъункурчIнил майданнив буккияра тIар. Шяраваллингу, шяраву ялапар хъ-анахъиминнангу агъамшиву дусса масала ххал бигълагъиссар тIар... (*Мангъуинал чIуния ххари хъуну, ХхуйтIу, «баяра да-а-а!» тIий хъяй, лечлай, тIанкIа тIун икIай*). Му агъамсса масала ххал бигъин райондалиягу, хъунмур кIантта-вагу хъунисса къуллугъирттаясса инсантал бувкIун бур тIар... Бая-Ра да-а-а!

(Амату ва Аблилав, бившусса мярду кунма, бу-бунийва бавцIуну личIай. ХхуйтIу мангъуинал чIу хъяврин бихълай, гайннал лагма лечлай икIай).

(Лап пашмансса макъан)

Пардав.

МУКЪИЛЧИНМУР СУРАТ

Хъун курчIнил майдан. Халкъ батIиннин ялугъий, шиккун бувккун бур:

Аблилав, Къадаран, Къаландаров, Аблишаев, Аьбидинов ва цайми.

Тиха-шиха, гъарца чулуха ца-ца, кIи-кIи тIий батIлай, батIай майданнив жямат.

Жяматрал хъхъичI бавцIуну къуллугъчитал цащала цивппа цирив тIий,

бушу-бушу буллай, гъалгъа тIий бур. БувчIлай бур Аблилав сситтулну,

Къаландаровлушал рязи акъа ушиву. Къаландаровлул кIисса бувну

Къадараннуйн оьвчай. Мунал Къадараннухъ цирив учай. БувчIлай бур

Къадаран бакIрал гъимру дуллай, мунащал къаччайна

рязи хъанай ушиву.

КЪАДАРАН (*чансса хъхъичIунай хъуну, хъугъу-хъугъу куну, чIугу бакъин бу-вну*). Гъалмахтал! Гъалмахтал! Тавакъюври вичIи дишаву! ХIакъину, цIанакул, вана ва ссятраву, ва кIанттурдай ххал бигълагъиссар жула шяраваллингу, жяматрангу хъуннасса агъамшиву дусса масала...

ЖЯМАТРАВА ЩИЛЛИВ ЧIУ. Агана му масала мйяжаннугу шарнил жямат шичча цамур кIанайн бизан баврил ялувсса бухъурча, му жу нанихва тIутIиссару, нахIакъ гъаз буллалисса масалари тIий...

КЪАДАРАН. Гъалмахтал! Учин ччимур – ихтилатру яла буллан, тавакъюври цал вичIи дишаву. Му масалалул ялув жучIанма бувкIун бур райкомрал секретарь Аблишаев, обкомрал уполномоченный Къаландаров, НКВД-лул начальник Аьбидинов.

ЖЯМАТРАВА ЩИЛЛИВ ЧIУ. Ттун бучIирив му обкомрал уполномоченныйнахъхъун ца суал булун?

КЪАДАРАН. Гъалмахтал! Тавакъюври чансса ссавурданий вичIи дишаву... Ва ххишала бакъа агъамсса масалалул хIакъираву ихтилат бан цал махъ булуну Лагъбар МахIмудович Къаландаровлухъхъун. Учин ччинал яла-махъгу учинсар, яни ихтилатгу бансар, суалгу булунсар...

КЪАЛАНДАРОВ (*чансса хъхъичIунай-загу хъуну, ца ляличIуну агъамсса куцгу дургъуну*). Ххирасса гъалмахтал! Уссурвал, ссурвал! Зун гъарцаннанма ххуйну кIулссар, так значит, цукун аьрши-щиналгу, хъу-лухччинулгу, дуву-ди-

тулугу, значит, къянатеса кІану буссарив ва жула Лакку кІану. Так значит, цукун захІматеса оърму бутлай буссарив жула инсантал вай къума-цІансса ххяллаву ва дарардаву. Циксса жула ппухълуннал оърму оьнин лавгессар шикку цала кулпатру ябан хІалтІилухун, куралий ва кирилий лаглай...

ЖЯМАТРАВУССА ЧІУ. Нагъил лахъи къадуллай, учин ччимур кутІану буссарча хъина...

КЪАДАРАН. Гьалмахтал, тавакьюри анавар къабувккун, ссавурданий вичІидишаву...Инсаннал буллалисса ихтилат бяличІан буллалаву къаххуйсар...

КЪАЛАНДАРОВ (*сситтулну чІукІа хъумур чулинайгу урувгун*). Му бакъасагу, цІанакул гьарца кІанттурдайва давуртту-хъу гъайчаву хъуннав, хІаллил лакъаву хъуннав, дуллай бур машинарттал, трактордал, так значит, техникалул кумаграйну...ЖучІава му техника шурущи дансса я ххуллурду бакъари, я хъу-лухччи дакъари. Мунихлуну...

ХХУЙТІУ (*цакуну ккурчІнил муриІниха ливчуну, ттуршая бувсса балчаннуй бурттий, лагмара тІаннул ттупанчарду, ххаржантгу дархІуну*). Бю-ппю-бю-бюп! Тпу-у-р-р-р! ТцІач-тцІач-тцІач... Тикку батІу... БатІу утав, гъажа бизибуй. (*Цинявпа бургай ХхуйтІул чулухунмай... Ца лахІзалийсса циняв къабагъай*).

ХХУЙТІУ (*ца лахІзалийсса тамашалий ккурчІав бавтІминнахгу урувгун*). Ба-я-ра до-о-ов! Ба-я-ра до-о-ов! (*КІирагу кагу гъаз дурну, «баяра да-а!» тІий, тІанкІа тІун икІай*).

КЪАДАРАН. Да, ХхуйтІуй, аьлагъужа битича, укьу шичча...

ХХУЙТІУ (*сситтулну Къадараннухгу урувгун*). Къаукъанна!..

КЪАДАРАН (*урчІамур кагу палцІ дурну, ччангу щях бившуну*). Укьу тІий ура на вихъ!

ХХУЙТІУ (*нукІува куна тІанкІагу тІий*). Дадан – дадан Къададан Къададан – дададан... Дадан-къадан Къададан...

(*Милицанал начальник ци зунсарив къакІулну, къазразан лавгун, жагъ Къаландаровлук, жагъ ХхуйтІух уруглай личІай. Къаландаровлул мунахъ цирив учай. Му ХхуйтІучІан ачай. Ва лахІзалуеу халкъуннава дуккай Амату*).

АМАТУ (*ХхуйтІучІаннай хъуну, ганал ка дургъуну, уцай*). Нану, чаний, нану... Аьлагъужа мабулларда... акъахъурча тайннал винма оьккисса бала байссар.

ХХУЙТІУ (*хъхъичІунай най уна, махъунай уруглай*). На та ва ттупанталух иххайттар...

КЪАЛАНДАРОВ (*цІунил тара агъамсса куцгу дургъуну*). Так значит, мунихлуну, гьалмахтал, коммунист партиялул ва жула цинявналагу зунттал халкъуннал аьзисса ппу Хъунасса Сталиннул жулла цІанну ливчІсса халкъуннах гьарца къини ва гьарца ссятрай дуллалисса аякъа иширайну ккаккан дуллай, хІукму хъунни вай къянатеса вакъума-цІансса зунттаву ялапар хъанакъисса инсантал цимурцаннул гьарца чулуха лащу-щаллусса, аьчухсса, так значит, вацІралгу хъу-лухччинулгу авадансса, значит, хъулухунма машина, трактор – ччимур техника дучІан бюхъайсса, значит, яла-ялагу электрический токралгу чана лахъан дурсса шархъурдугу, къатта-къушругу бусса арнил кІанттурдайн бизан бан...

ЖЯМАТРАВУССА ЧІУ. Да, му ялувва тІивтІусса алжан бувагу чув буссаривгу бусикъай, да!

КЪАДАРАН. Гьалмахтал!.. Гьалмахтал!.. Тавакьюври...

ХЪАМИТАЙПАЛУЛ ЧІУ. Му жува шанаша бан оьрчІал кІанттук «Лайла» рурин увкІсса урив гьартал?... (*Ялагу рязи бакъасса чІурду. Къаландаров Къадараннух эц ивкІун ургай*).

КЪАДАРАН. Да!.. Гьалмахтал... Тавакьюври вичІи дишаву!.. (*Ялагу аьлагъужа гъаз шай. Ссибивзун*). Яртал, адиминал буллалисса ихтилат къуртал

хьуннин вичИи дишара!.. Учин ччимур яла учингуня бюхъанссар!.. Жувания Аьндархьиял базаллуву бакъару!..

КЪАЛАНДАРОВ (*къаччан бивкИсса дугъатрай*). Зун бавхъунссар лакрал ца укунсса учала...

ЖЯМАТРАВАССА ЧГУ. Ци учала биявав?..

КЪАЛАНДАРОВ. Цукухъ бивкИссар тIар: «Ма, цукуй, вина ппал»– тIий-ча, цуку бивкИссар тIар: «Къачча ттун гьал дакъа», – тIий... Яртал...

ХАЛКЪУННАВАССА ЧГУ. Гьакссагу тIайлану тIий бивкIун бур... Цукун ппал аьркинну диркИссания, Аллагьнал цала дулунтИссия...

ЦАМУРГУ ЧГУ. Гьунттийнин ина ттуккухъ хьирттугу ма тIунссара...

ЦАМУРГУ ЧГУ. Оьлий кIилигу дихьланссара...

КЪАЛАНДАРОВ (*учинмур бакъа ливчIун*). Яртал, на...да... яртал МахIат-талсса инсантал буру зу (цала чIарах бавцIминнал итта-иттав лагмава ургай. Га бан-битан бакъа ливчIшиву чIалай, ихтилатравун хIала уххай райкомрал секретарь).

АБЛИШАЕВ (*яну-кIукIлусса чIуний, кIу къабизан куна*). Гьалмахтал! Тавакьоври чансса хIаллай вичИи дишаву...Ва зул хьхьичIун увккун гьалгъа тIутИсса гьалмахчув, ва я кIия зунтава, я гила къутанная къаувкИссар...Ва шиккун тIайла увкссар партиялул областной комитетрал ва паччахIлугърал органнал. Обком партиялул бакъассагу, ванал махъ Дагъусттаннал паччахIлугъгу, Верховный Советгу буссар...Аьркин багъарча НКВД ва цайми органнугу буссар...

ХАЛКЪУННАВАССА ЧГУ. НКВД-лийну жу нигъабусан мабулларди...

АБЛИШАЕВ. На зу нигъа бусан буллай акъара...Амма зувагу лапва нигъа къабусайми махъанарди... Нигъа къабусайсса бунутIийри цIиникъ ттупанграх бутайсса... Ва зула хьхьичIун увккун гьалгъа тIиманал къабарча, ва шиккун тIайла увкманал хIурмат буварача, ва инсаннал ци учайрив, ци бусайрив ккаккан ссаур дурну, вичИи дишара... (*Къаландаровлухъ*) Тавакьоври...

КЪАЛАНДАРОВ (*нукIуванияр чансса сивсуну*). Гьалмахтал, шикку Къадараннул чансса гьалатI итабавкьунни «масала ххал бигълагьиссар» куну. Масала Дагъусттаннал ВКП(б)-лул обкомралгу, Совнаркомралгу, Верховный Советрал Президиумралгу цакьнива ххал бивгъуссар. Цанакул зу гъаз булла-лисса аьлагъужагу ппурдуйх заккунттив бишлшаву хъанахьиссар. Цанакул, яни кIира ссятрава шиккун дучIантИссар шаллагу райондалия 50-лла ницай аьрава, кIира хозяйствалун ца аьрава хIисаврай. Цанакул зу цинявпа аьркинссару, лавгун шаппа-шаппайн, кIира ссятрал мутталий хIадур хьун, цусса минардайн бачин...

ХАЛКЪУННАВАССА ЧГУРДУ. Огъо-гъо! Иш ххал бара цал!.. Диришиву яла цала...КIира ссятгу ссаннивав – шиччава бачин къабувну?..

КЪАДАРАН. Гьалмахтал!.. Гьалмахтал. Тавакьоври вичИи дишаву...

АББИДИНОВ (*чансса хьхьичIунай хьуну, сивсуну*). Тавакьоври вичИи дишаву!..

КЪАЛАНДАРОВ. Зушала ласун аьркинссар так чара бакъа аьркинмур: дуки-хIачИия, лаххи-ликкия, лултту-ялттусса. Мигу, так ххуллийх зува ккаши-мякъ къахьун, бавкъу-гъили къахьун. Цусса минардай зух ялугьий буссар ттизаманнул къяйдалисса, аьркинсса манкъулатралгу, сурсатралгу лащущаллусса гъилисса, чаннасса ва гьартасса къатта-къушру. Гьарца къатлул хьхьичIгу буссар жура-журасса ахьулсериннул мурхьирдашалсса багъру.

ХАЛКЪУННАВАССА ЧГУ (*рихшантрай*). Неъмат!..

ЦАМУРГУ ЧГУ. Лажинни му алжаннавун изансса, жуйн бияннин гилува цучIав акъав?..

АББИДИНОВ (*чIунийн хьхьичIунайгу хьуну*). ВичИи дирхьунни!..

КЪАЛАНДАРОВ. Ми цимурца зу къамул бан аьркинссар дакIнихтунусса хьунмасса барчаллагърашчал, шалагу дуняяллул миски-гъаривнал хьунасса

ппу Иосиф Виссарионович Сталиннул чулуха зунма буллалисса бахшишну... (ца буниялану лагмава ягу бивтун). Цуллу хьуннав бюхттулсса Сталин!.. Гьур-ра-а!.. (Жяматрал бакру хъхьичлун дичай. Кьаландаровлул чларах бавцлуминнал бакъа яла щилчлава гьура къаучай. Так жяматрава хъхьичлунай увккун, клирагу кагу гьаз дурну Ххуйтлул).

ХХУЙТИУ. Бая-ра до-о-ов! Атьгталин! Атьгталин! Бая-рра до-о-ов!

(Кьаландаров цал тланкла тлссса Ххуйтлук ургай, яла жяматрах, яла ва ца «Варув зу» тлссса куна, цала чларах бавцлуминнах ургай).

КЪАДАРАН (нигъа увсъсса члуний). Да... ж...жямат...зу...зу дуллалимур циру, зу къюкI хьуну буруввартал?.. Яртал, цамур бакъахьурча, Сталин тлссса чларагу къабаврив?.. Гьурала, цлунила-цлунил...ца, кли шан... Цуллу хьуннав бюхттулсса Сталин!.. Гьур-ра-а!

(Цинявппа бакру хъхьичлун дирчуну, бавцлуну бур. Кьадараннулмур «гьура» щилчлавагу гьаз къабай).

ХХУЙТИУ (нуклуванияргу бюхттулсса члуний, ваца хьинну агьамсса даву дуллалисса куна). Ба-я-ра до-о-ов!.. Тулду хьундав Атьгталин!.. Тулду хьундав Атьгталин!..

КЪАЛАНДАРОВ (лап сситтуй Ххуйтлукъ). Да!.. Акъа къахьуннав шичча!.. Безобразие, понимаете ли!.. Так значит, гьалмахчув Аьбидинов!..

ХХУЙТИУ (цакуну къаагьну, махлатталну Кьаландаровлук уруглайгу ивклун). Къаакъа хьунда титта! Ина титта акъахьу (ка тлртлуну ххуллу ккаккан буллай) титта тихунай...

(Авлишаевлул Кьаландаровлул вичлукун цирив цурицу бай)

АЪБИДИНОВ (чансса тихунай, Ххуйтлу авцлусса чулухунайгу хьуну). Лагьбар Махлудович, ва чансса баклрал...

КЪАЛАНДАРОВ. Баклрал сагъ акъасса ухьурча, цува кунмами бунийн тлайла укки...

КЪАДАРАН (нигьгу, начгу хлала дурхсса хлалданий). Гьалмахчув, уппалнамучинный... Лагьбар Махлудович...тавакьюври...бакъача, хьунмасса миннатри, ялтту учлаву... Ва иш хар-хавар бакъасса хьуну, агьали буруккинттаракъхьун лавгун бур...

КЪАЛАНДАРОВ (сситтулну ккарччивгу ккарччайх дуклай). Так значит, му ихтилат вишал чансса махъ банну... Без-образие, понимаете ли... Позор какой-то...

КЪАДАРАН. Ппанимает, гьалмахчу уппалнамучинный, ппанимает...

КЪАЛАНДАРОВ (лава ялун бигьлай). Такие, как вы, должны быть повешены на первом же столбе... (Клсссагу кутлу буллай). И я этого добьюсь... Увидите...

(Милица, ка дургьуну, Ххуйтлу чулинай клунклу уллай ур... Ххуйтлу хьит-иит тлий, къанай ур... Милицаначланмай хьуну, Амакул ганахъ цирив учай. Милицанал Ххуйтлу итаакъай. Амацуцал халкъунначланай най ур...)

ХХУЙТИУ. Къа туллу хьуннав вил Атьгталингу!.. Авлия... На ина ва тту-пантачух бивтун утанда...

КЪАДАРАН (хьювсул уклай). Ацлула да, гьалмахчув Кьаландаров, ина ахиргу ци укъавкуну къаацанна тлий ура?..

КЪАЛАНДАРОВ. Учин аьркинмур на вихъ чансса махъ учинна...

ХАЛКЪУННАВА ХЪАМИТАЙПАЛУЛ ЧЛУ. Ва баларивгьартал, мусиватрив ва ци тлсссар...

ЦАМУР ЧЛУ. Занная ливксса сситарар...

КЪАДАРАН. Ина шичча инсантал буттал буттахъая нанисса цала хлала-жалалсса буттахъал минардугу, буттахъал аьпагу щяйтлантрайн аманат буну, цимурцагу ду-дуний къадиртун, чунмайриввагу къаклулну, щютлагу тлий, тлринтгу бивщуну, вила хьирив бачинсса ххай уссияв, барчаллагъ учинсса ххай уссияв? На зухъ цимилагу учав: му клира ссятрал мутгалий бакъача, клира къинигу шаллу бан шайсса масала бакъари, куну.

КЪАЛАНДАРОВ (*сситтул щара-кЛама лавхъун, чЛалуха ттупанча буклай*). Я тебя сейчас на месте пристрелю за срыв мероприятия государственной важности. (*Авлишаевлухъ*.) Так значит, гьалмахчув райкомрал секретарь, на тЛалав буллау ура вай укунсса бузутертурашал багъайсса ххуллу ласаву...

(*Авлишаевлул стюлкъирая ка дургъуну, Къадаран цаЧЛанайва кГункГу увну, ганахъ цирив учай*.)

ХАЛКЪУННАВАССА ХЪАМИТАЙПАЛУЛ ЧГУ. У-му цува рухГру ласун увкИсса изрияил урив? ТПайла уккьяра му увкИсса ххуллийх гихунай...

ЦАМУР ХЪАМИТАЙПАЛУЛ ЧГУ. Ина инава часса ура, чаний... Вилмур шарнил жямат цакънива гилун бивзссарив?..

КЪАЛАНДАРОВ. Къабивзссар...Бизан аьркинну бухьурча, гайгу бизантИссар... (*Лагмава чГурду: Огъо-гъо! Вабабай, ххал бара цал! ВичИ дИшара тти!*).

КИАВА НУКИУВАССА ХЪАМИТАЙПАЛУЛ ЧГУ. Ва, чаний, бизан бан аьркинми жу бияв?.. Жу цичЛав тахсирданухъхъун, ягу акЛлухъхъун багъну бияв? Хъиншивугу, хъинбалагу цал цанмагу, цаламиннангу бувну къахъинав?

ЦАМУРГУ ЧГУ. Жува бигъа бивзхъунссару!..

(Къаландаров ца лахИзалийсса учин-бусан бакъа личЛай. Лагмава циняв пахъ багъай).

КЪАЛАНДАРОВ. Так значит, гьалмахчув райкомрал секретарь, тавакъюври вай ттул ялун бигълагъисса гъжумру бацЛан баву...Акъахъурча...

АБЛИШАЕВ (*хъяр уклай*). Акъахъурча цивхъуссар?.. (*Цахъвалу кунма лагъну*) Ккурчгу ина лархъхъуннича, дугу инара дуки!..

АБЛИЛАВ (*шинмай КъаландаровлучЛанмай ца шагу лавсун, сситтулну*). АцГулар да, (*бяния лавайсса цала чурхгу хъюлчу-кГутГу бувну*) Лагъбар МахИмудович... МахИмудовичгу акъарача ина «МахИмузович» ура... Ина му ттупанча цу нигъа усан ан буккавар?

КЪАЛАНДАРОВ (*махЛаттал хъусса куна*). Ачу тти... Утти вагу... Так значит, ва Советрал председательли...ПаччахЛугърая мажиб ласайсса...

АБЛИЛАВ (*рихиантрай*). Так изначит!.. Цалчин, ци къуллугъгу, ци мажибгу булурчагу на миннух, ина кунма, ттула миллатгу, буттал улчагу къабаххайссар. КИлчингу... (Къаландаров цирив учин ачай, Авлилавл га, чГу лахъ бувну, къукъу-цума акъин ай). КИлчингу!.. Вин кГуллив му ттупанча чув, щийн буккайссарив?.. Агар винма къакГулхъурча ванихъ цГухха... (Ттап учин дурну, дакъамур канил хъачГрайх ка рищай). Ванил бусантИссар вихъ...

(*Халкъуннава кув Авлилавлул язугъ хъуну аьтГун бикЛай, куннал чГурду гъаз бай*.)

ХАЛКЪУННАВАССА ЧГУРДУ. Вил му жан цГуллу дивуй, чаний, мукун уча мукун...

ЦАМУРГУ ЧГУ. Ина оьрмулуд уччин итивуй!..

АБЛИЛАВ. Ина адамина ивкИссания, му ттупанча шикку хъаннилгу, къартту-къужралгу, мюрщи оьрчЛалгу хъхъичИ къабувккун, му чара бакъа буккан аьркинний, тийх буккан гъантИссияв... (Жяматрахъ) Алши бакъул ккаччи ичГунмай хЛап тГун бикЛайссар... Жулагу ва алши бяйкъусса чГунни...

КЪАЛАНДАРОВ (*жагъилнал хаварбакъулий бувсса къянкъасса ихтилатрал гъанавиххул увну*). Да!.. Да!.. Ина чГяву буллау ура... ЧГяву буллау ура... чГяву буллау ура тИий ура на вихъ... Так значит...

АБЛИЛАВ (*Къадараннухъ*). Инама ци «гъурра Сталин» тИий урар да?.. Вин кГулливар ва цЛанакул хъанахъисса иш жула щалагу миллатрал дайлитГулуд дайдихъу душиву? КГуллив жула махъа наниминал ва бучЛантИминнал жунма ва тачЛав багъишла къабитаншиву?..

АМАТУ. Я Аллагъ, вин мурад була, чаний... Ина оърмулугу, талихІралгу уччин итаннав...

ЦАМУР ЧІУ. Вил ниттил рухІ хьинний дишивуй, ххазинай...

АБЛИЛАВ. Цал махъ бусан бюхъайма, чІарав ацІан бюхъаймагу цІаравун ххяххан тІайлабувккун, утти шикку ливчІсса алтта-къалан, къари-къужрахъ, къадиртун бутгахъал минардугу, ляхъу кІанугу, вайварттайх гихунмай бивзун бачияра тІар. Циван?.. Ци тахсир хъуну! Ссал къумашиврувун багъну?.. (Къаландаровлухъ) АцІулар, ина яла къума-цІаннугу, байшбатарнугу ливчІми лакри чин ччай урав?.. Гичча лавай Лаккуйн нани ххуллий, гай гада бацІанса лухчинулгу, хъарас шунсса хъунилгу касак бакъасса, чачунсса някІ-чарил ххяллаву ялапар хъанахъими вил итталунмагу къабагърив?.. Гай циван бизан къабайссар му вил алжаннул кюрттарайн?.. Тай ттукку-чувагу гужрай лагайсса вахІшисса зунттаву ва вацІраву ялапар хъанахъими цан бизан къабайссар?

ХЪАМИТАЙПАЛУЛ ЧІУ. Вин аруллагу дуниял тІитІивуй, чани... я аллагъ, вий баргъ ва барз бацІаннав, ххазинай...

АБЛИЛАВ. Бакъача, тайннал миллатругу буну тІий, миллатрахлу махъ бусанми, мунил чІарав бацІанмигу буну тІий!.. Жула жунма цала-цала бакІурдилссагу, къуллугъиртталссагу буллай бакъа тІий...Цал бургияра лагмава цайми миллатру ци дуллай бурив: цаннал маз цаннан къабувчІлачІимигу ца миллатшиврий бихълай, миллатрал аьдад хъун дуллай, хъун урцІух тямататал хъанай... Жулами тІурча – ххяппаксса миллат кІибачІлай... КІибавчІуну, ччяни бухлаганшиврул...Жуяра арх бакъа, тийх, Абхазнаву ялапар хъанай бивкІссар жува кунмасса убыхтал тІисса бусурман миллат. 1864-ку шинал, Турциянаву жунна дирзунна урцІигу, бувцІунма къуругу бикІантІиссар, жува тихун бизарча, алжаннаву ялапар хъанантІиссару тІисса ца-кІия къаландаровхъал хавардайн вих хъуну, оъруснавух хІала къабикІан, Турциянавунбивзун лавгун, хІакъинусса къини щаллусса миллатрая цуя ца сагъну ливчІсса инсан акъассар!.. Буттал кІану Багъдадри. Шиккусса дачІрасса аьрщи-чарилва жувунма гуж бучІан буллалиссар. Шичча бивзун гъарча, жулами бакІурдикІангу тава къадар бучІантІиссар. Ва даву дуллалимигу жула оьрчІал оьрчІайгу жула душманшиврий бикІантІиссар. Ва даву цурдагу жула ххаллилсса миллатрайгу, ххаллилсса миллатрал бюхттулсса тарихрайгу мяшминнал дуллалисса даври...

ХАЛКЪУННАВУССА ЧІУРДУ. Хъинну тІайлассар!.. Ай, ца хъинну увкуннича!.. Цуппа муна мукуни!.. Жува къаччиминнал давур!.. Ца шагу чунчІав къаласунтІиссар!..

КЪАЛАНДАРОВ (*чІаравминнахъ тиху-шихунмай кІиссагу кІутІу буллай*). Это уже провокация...А как с провокаторами поступать мы знаем... (Аьбидиновлухъ). Немедленно арестовать!..Я вам приказываю!.. (Райкомрал секретарьнахъ) Вы не видите, что мероприятие срывается?.. Я один не буду за это отвечать!.. Ва зу дан аьркинса давур на дуллалисса...

АБЛИШАЕВ. Анавар мауккара...ДакІнийн щачлачимур учин бити... Ссавур да чансса... Цивппа паракъат хъунтІиссар... Ва мукун хъап-шаплий, кІункІу-хъитлий дайсса даву дакъассар...Ва хъинну ссавурданий, сантирай дайсса давур...

АББИДИНОВ (*Аьлишаевул увкумунил ялату гьиву ларсъссаксса рахІат увкун*). Сантирай... Даву сантирай дарча хъинни...Акъахъурча шикку оь экъи гъангу бюхъайссар...

АБЛИЛАВ (*сси лякъаливну*). Дуки-хІачІиягу, лаххи-ликкиягу ларсун, щютІагу тІий, аьравалттай бурттий бачин тІий бусса бур!.. Жула халкъуннал учалагума буссар: «Цуцумунин ци бантІиссарив къакІулну къаличІаннав», тІисса...Вай цу-цумунин цибан хъиннивав тІий ливчІсса инсанталли... Гъухъа барча хІажак дакъа, хІажак дарча – гъухъа бакъа ялапар хъанахъисса...Ци дуки-хІачІиягу, ци лаххи-ликкиягу дуссар облища ттирзусса накІгу, аьнакІул

бувсса ккунукгу, яттил хІайвандалиа дуркъусса ппалгу, кІиссурайсса кІисса-гу, канийсса канишгу фронтран кумагран тІайла дуклай, лархъху накълий, уртту-щинай чІунну лахълахъисса инсантурачІа... Буссарив инсантурай цІа-накул шичча бивзун, ва дяркъусса ссутнил гъантрай гъаравух, къаркъаравух ххюва-ряхва гъантлий бачинсса аьмалгу, хІалгу?

ЧІУРДУ. Бакъассар... Бакъассар... Ци хІал бикІайссар къари-къужрай ва мюрщи оьрчІай?.. Вил маз-зума цІуллу дивуй, чаний, ина акъассания жу ци-дулланссия...

АБЛИЛАВ. Ца ялагу: Гай жухъва бизияра тІиния бизан бувсса мичиххичгу жува кунмасса инсанталли... бусурманталли... Жува кунма, бавалгу, бутталгу бувсса... ЩилкІуй бакІрацІух ларчІсса цІарай кару гъили дуллалаву, ххишала бакъа къюкбаласса затри... Гъунттийнин ци къини дучІавив къакІулссар... Ва дуниял, – учайссар, – цал къяпа лагма букканнин, шамийлла лагма дуккайс-са затри, куну... Гайнналгу буссар жуярва хъунмасса миллатгу, миллатраха лавхъхусса тарихгу...

КАССАДА (*цалла лухІилуву, ххют кунна, хъхъичІуннай дурккун*). Бавалхъ-ул, арсрув... Ттул МахІалли кунмасса арсрув... гъархъхуну ттул МахІалли, цан нязаннийсса булуннав, аскисса душманнал ккуллалул увтун арийлчинсса гъанттар... Гъархъхуну арилку хъхъури...

КБАЛАНДАРОВ. Лахъи къабувну... КутІану... КутІану... (*Аблилав ва Къа-даран мунах лап сситтулну бургай*).

КАССАДА (*чІу баяншиврл вичІилуха лачакгу махъуннай кІункІу дурну*). КутІану бусанна, бавал, кутІану... МахІаллил буттал кІанттул цІаний жан дул-луссар, шанма мюршисса ятингу махъ къабивтун... Ттул зухъ ва бакІрайсса лачак ласайсса миннатри, ттул, ниттил ккуккулул хатир бувну, жула бусурман аьдатрай гъархъхунусса ва ттул арснах хъхъудулун, хІатгалий зикри бишин битияра... Гъунттий цинявннал хъхъичІ хъуну, зу дурцунийн на нара дачин-на...

КБАЛАНДАРОВ (*цал зунххи Аблишаевлухгу урувгун, Къадараннухъ ва Аь-лилавхъ, Кассадайн ккаккан буллай*). Вана... Вана зул даву... Партийнай орга-низациялул секретарь... Советрал председатель... Насияра утти, ттарацІув ччаргу къадиртун, ччитул оьрчІру махъ буллан! Зикри бихълан...

АБЛИШАЕВ (*ругъан къархъуну*). Слушай!.. Надо же иметь элементарное уважение к своему прошлому!.. Кроме того, вищал гъалгъа тІий дур арс аьрай ливчІсса Нину!.. Къяпа букъа увкуннича куну, бакІру личин дуллан къа-бикІайссархха...

КБАДАРАН (*цирив ца хІайплий*). Жура-жандара инсаннал чІаларчагу, гъич ина инсаннацІа лявхъусса инсан акъахъунссарарч...

АБЛИЛАВ (*сситтуй*). Ккунук бивхъуну лявхъусса...

КБАЛАНДАРОВ (бан-битан бакъа, къазразан лавгун, райкомрал се-кретарьнахъ). Да адаминай, на цуксса хІаллайра шикку вай къюкбалартту духІлантисса?..

АБЛИЛАВ. Да, жува щищал гъалгъа тІиссару?.. Бачиярала шаппа-шап-пайн... (*Аблилав халкъунначІанай шай, халкъгу шаппа-шаппайн бачин сук-ку-къютІу шай. Ва ппурттуву хъуниминнай лажинну, халкъуннал хъхъичІ ав-цІусса милицанал начальникІнал бакІрая, хъап куну, къяпагу лавсун, ХхуйтІу лихъай*).

АББИДИНОВ (хъап-шаплий ХхуйтІул хъирив агълай). Да!.. Да!.. АцІу тІий ура на вихъ!.. ХІарамзада... Угу-угъраш!.. (*Лагай ХхуйтІул хъирив хъуну. Хал-къуннава щилчІав миннах къулагъас къадай. Гъарцама ур цаламур дард ххихъу-ну*).

КБАЛАНДАРОВ (*чІарав авцІусса Аблишаевлул тиха-шиха ХхуйтІул хъи-рив агъсса Аьбидиновлук уруглай*). Вана да... Ачу тти... Вай инсанталли... Ва порядокри... Да!.. Аьбидинов!.. Аьбидинов!..

АБЛИШАЕВ (*иш ънивун багълагъишиву бувчІуну, цимурца цала канихъ-хъун ласун ччисса чІуний; къянкъа-къурчІуну*). Гьалмахтал!.. Да, гьалмахтал!.. Тавакьюври ца дакыкыкалийсса вичІи дишаву...

КЪАДАРАН. Гьалмахтал! Тавакьюври вичІи дишаву... Ихтилат бан ччай ур райкомрал цалчинма секретарь!..

АБЛИШАЕВ. Агана жува цинявппа укун, кув тихунмай, кув шихунмай кІункІу-хъит хъанарча, жула иш хъиннийн къабуккантІиссар... Ва хІакыну дуллалисса даву я ттул, я вагила увкІсса гьалмахчувнал, ягу шивахвасса цаманал хушрай дуллалисса даву дакъари...

ХАЛКЪУННАВАССА ЧІУ. Щил хушрай дулларчагу, ххишала дакъа къадарсса даву дуллалиссару тІиссару жу...

АБЛИШАЕВ. Тавакьюври вичІи дишаву!.. Ва даву дуллалиссар паччахІлугърал къамул бувсса къянкъасса хІукмулийн бувну...Ттул зухъ учин ччимургу мури: ва хІукму къамул бувсса куццуй, паччахІлугърачІа ва бакІуйн буккан бансса гужругу буссар, сурсатругу дуссар... Мунихлуну на зухъ тІий ура, аьркин бакъасса, зула зува къуцІу буллалисса аьлагъужагу гъаз къабуллай, къакІулманал кІулманах, чІивиманал хъунаманах вичІи дирхъуну, маслихІатрай ва сантирай даву дувара тІий...

КЪАДАРАН. Жяматрал хъхъичІун уккан кІулманал, даврил санти кІулманал иш личІиссава бикІайкъай...

АБЛИЛАВ. КутІану учин, жун тІайлану бувчІлай бухъурча, ина жухъ тІий ура: бахІи куний бахІияра, акъахъурча бахІлахІи банну, тІий...Мукун да?..

АБЛИШАЕВ (*ссибивзун*). Бакъа... БахІлахІи банну бакъача... бахІлахІи бантІиссару!.. Вин муксса къабувчІлай бухъурча...

АБЛИЛАВ (*лап хъювсул увккун*). Да, инсантал...Да, арамтал... да, зуй яру бурча, бургияралартал шиккун ттух... (*Дакъасса ка ккаккан дуллай*) Зун кІуллив ттун цими шиннив?.. Ттун ърмулул дурагу къура шинни... Щил цІаний, ссал цІанийра на ва жагъилсса ърмулий укун ливчІсса? Яртал, ва ттула буттахъал мина – вай зунтурду, рахІру, ххяллава, муруллава буклай, мукъав чартту ххилай, жула буттахъал бувсса кюртти ябан, шикку душманнал чакмалувусса ша къабизан акъаяв на шичча тихунай тай вайварттайх лавгун талатисса? Гъурала туну, тІайлассарив утти та дужагъирал цІаравух лавгун махъ, бахІи куний бахІлахІи увну, ттула хІала-жалалсса миналия, ттула тІювая изан увну, на чуннивагу къакІулну, къунча куна, хъхъичІ авкъуну ачин уллалаву... Ва ци паччахІлугъри, ци аьдлу-щцугъар?.. Ва цу авлиянал къамул бувсса хІукмур?..

КЪАЛАНДАРОВ. Гьалмахчув, секретарь райкома...Пора разобраться с этим провокатором... Итлайгу урачала тІий, ва утти паччахІлугърайнма аь-аь буллан ивкІунни... Ца цалалу Берлин лавсун увкІсса хханссар шикку...

АБЛИЛАВ. Нагу, на кунмамигу лавгун душманнащалгу талай бивкІссару, урчІвагу базу сагъми утигу талайнма буссар, Берлингу ласунтІиссар... Инагу, ина кунмамигу, ълил уксса лякъригу хъхъичІух дургъуну, ърмул ърмулухун миски-гъаривнал жанну ласлай, ъ цІупІ тІий бикІантІиссару... Вин кІулну бикІан, ва ттуккул бакІ уксса шяравун уттинин зувивахъул бивкІулл чагъарду бувкІссар... Ссал цІанийри тайннал жагъилсса ърмулий жанну дуллусса?.. Вил лякълулгу, вил къуллугъралгу цІаний да?

КЪАЛАНДАРОВ (*лагмава яру битлай, щихрив луглай*). Да, в конце концов, ссавурданулгур дикІайсса ахир... Аьбидинов!.. Гьалмахчу Аьбидинов!..

АБЛИШАЕВ (*ссибивзун*). Да адиминай!.. (*Аьлилавн къабаян кунма*) Ина инава ура та инсан шара-кІама лахъан уллай... танава махъру кІункІу буллай... Вай инсантурал учин ччимур увкуну, рахІат букканнин ссавур дан бюхълай бурилкай вища бакъарив?..

АМАТУ (*халкъуннава хъхъичІуннай дурккун, ка тІиртІуну Аьлилавлуйн ккаккан буллай*). Хъинну тІайлассар, ттул арс... Вил му мазгу, бакІгу цІуллу

баннав, мурад булуннав...оьрмулуп уччиннин итаннав... Ххирасса жямат!.. Уссахул!.. Арсрув!.. Ва Аьлилавл тлутимур цимурцагу тлайлассар... Инсаннал ляхъан увеса нинугу ца диклайссар, ляхъу кланугу ца биклайссар... Мунийн буттал клану учайссар... Нину диркуну, ягу дуккан дурну дурцумур шар– буттал шар шайссар, Буттал клану къабивтун мина дирхумур клану гъари-гъурбат шайссар. Буттал шарнил бяллаларун багъавугу, гъари-гъурбатрай ялапар хъанахъавугу цава цар. Жун къачру гъари-гъурбатрайсса алжангу, миккусса качар-чассагу, алжаннул шаравгу... Вассалам!..

(Пацагу тлий, бакрай къяпагу бакъа зана шай Аьбидинов.)

АЬБИДИНОВ. Агъ, угъраш, я угъраш!.. Акъассар къяпагу лавсун... Акъассар, вин ккакку, ттун ккакку... аьршарал оьвкъуссарив, ссавнил лавсъссарив...

(Жяматрава щилчлав ванах къулагъас къадай. Къаландаров ва Аьлишаев цалчин ккаклакисса цирив ца къунтаннарах кунма, махлатталну Аьбидинов-лухгу бурувгун, яла цаннах ца бургай.)

КЪАЛАНДАРОВ *(кирагу ка Аьбидиновлул чулухуннай тлитин дурну, цувама Аьлишаевлул чулухуннай кира авну)*. Ургу утти шиккун НКВД-лул начальнигнах... Ачу тти, вайннаштал шикку даву дуллалу...

АМАТУ. Ца ялагу!.. Буттал кланттухлу талай, Буттал кланттул цанийсса дяввиулу ттул ласналгу жан дуллуссар, арс хлакьинусса кьинигу талайна уссар... Ва минагу, гъанугу, вай зунтурдугу, ратругу душманная дуруччин... Ттурудавайлий душгу буссар...

КЪАДАРАН. Зу на багъишла итияра, амма ттун ва даву жува къаччиминнал, жула гъарца ишираву итххяхъсса, зираксса, дунияллул шиха шуну, тиха личайсса миллат, бюхттулсса тарихгу, бюхттулсса Ватангу дусса миллат къаччиминнал, муницлусса цукун, ци чулий банхъиннивав тиминнал дуллалисса кунма чалай бур...

КЪАЛАНДАРОВ *(Къадаран ккалли къауллалисса лугъатрай)*. Да, щяиклукъай, ци къаччиминнал тий уссарав...

КЪАДАРАН. Бакъахъурча, да гьалмахчув Къаландаров *(хъюлчу-клутугу хъуну)* Лагъбар Махмудович, бувчин бакъай туну жунгу: Гъухъаллал Къайдардуя, Парглу Патимая байбивхуну Хан Муртазааьлийн бияннин цикссагу виртгаврал, жула ппухълуннал цикссагу душмантурая бурувчусса буттал улчагу. Цикссагу лекъа-пкъурдава, лухха-ххиттува гъаз дурсса шархурдугу, ми цимурцаннул лув бацан бювхъусса чумартсса миллатгу цал утти кибачин, кибавчуну яла паса-пархха бан щинни дакнин багъсса?..

(Аьбидинов халкъунначланай хъуну, Ххуйтул мачча-гъансса уссарив, му жува чув лякьин бюхъайссар тлий, сурагъ буллан иклай).

АЬЛИШАЕВ *(сситтулну вев куну)*. Аьбидинов!..

АЬБИДИНОВ. Багъишла ити, цалчинма... Къяпа лякьин бюхълай акъара...

АЬЛИШАЕВ *(хъиннува вев тлий)*. Ци-ци?

АЬБИДИНОВ. Къяпа, гьалмахчув цалчинма, *(бакрай хъат дихълай)* къяпа... *Ца хларамзаданал бакрая къяпа лавсун, ливхъунни... (Цаппарава хъахъаву дайгъин къабюхълай, къацливу хъатру дихълан биклай).*

АЬЛИШАЕВ. БакI буривар?.. БакI?..

АЬБИДИНОВ. Бур, гьалмахчув цалчинма!..

АЬЛИШАЕВ. Бушиву къаклулли... Ина шикку цалсса паракъат хъу... Къяпулмур масала жува райкомрал бюрорай ххал бигьинну. Вила бакрайсса къяпа ябан къашайсса ци НКВД-лул начальник уравгу ххал анну...

АЬБИДИНОВ. Гьалмахчув цалчинма!..

АЬЛИШАЕВ *(ккарччавух)*. Къуртал хъу учав!..

АЬЛИЛАВ *(Къаландаровлухъ)*. Тгун къаклулли ина ча, цукун, щийхчин агъссарав му къуллугърайн... Амма ва хлакьину шикку хъанахъимур лаласунсса аькълугу, духингу диркиссания, вай хлакьину шикку жу вихъва тлутимур гилу ина цакънива цайминнахъ учинтиссия...

КЪАЛАНДАРОВ. Ттул кзуллуѓралссагу, ттул аькьлу-духИндаралссагу булланнын ина му вила май марцI бан лахьхьн...

АБЛИЛАВ. Ай, вирттал, я вирттал!.. Да жямат, зу бизар къавхьурув вай ихтилатирттая... Вайнна... Бургияра вайннах... ДакIний битияра вай, зула оьрчIахьгу, оьрчIал оьрчIахьгу бусан... Вайри жула кашилул заллухьру... Ичи-кьичи кьучитал, миллатрал мукьахчувтал... Вайри оьрмул оьрмулукун жула миллатрал кьакьарттух личIантими... Вайннахьри абадул абадлий жула миллат «барчаллагь» тIунтIисса... *(Дакьамур канил хьачIгу думуних кIутIу дурну.)* ХIайп, щичал талан, чунья на лавгсса, душмантал шиккува вилаххав буна?.. (Тамансса хIаллай ссихI дакьа бацIай).

АБЛИШАЕВ *(сси ляливну)*. Ургу, жагьил... ВичIи диша ттух... Ца хазайннал бивкIссар тIар, чIивинува бувцуну, махь буллай, хьунма бувсса цуша. Цухьлул хазайн шанашисса чIумал ганал чIарав цичIав гьан хьун кьаритайсса диркIссар тIар. Мукун цал хазайн шанашисса чIумал, ганал ненттабакIрай зимиз щябивкIун бур... Зимиз бивчIан цухьлул цила загьлунсса ххяппа хазайннал ненттабакIравух рирщуну гьан дурну дур. Зимиз бивкIуну бур. Амма зимизрачал ивкIуну ур хазайнгу.

АБЛИЛАВ. ИвкIухьунссар... Мунийну ина туну ци учин ччай ура?..

АБЛИШАЕВ. На нигьачIий ура жувагу ва ишираву цухьлул кьадан...

АБЛИЛАВ. Цукунни му дайсса?..

АБЛИШАЕВ. Цукун бикIави... Ми ина тIутIисса цимурца, бюхьайссар ттувува нава нагу тIий икIан, цаймигу тIий бикIан... Амма, бушаврил ци бави... Ца чIапIул кIира лажин дикIайссар... Ца лажиндарай ца чивчуну бикIайссар, гамур лажиндарай – цамур... На вихь нукIува учав: ва паччахIлугьрачIа, ва хIукму кьамул байсса кунма, ва биттур бансса гужру ва аьркинмургу лякьинтIиссар, куну...

Аганаки иш ми гужирдахун багьан битарча, муна мунири Жура цухьлул дантIисса... БувчIурич? *(Тамансса хIал шай циняв кьабагьну)*.

АБЛИЛАВ *(ца хIаллай бакIгу хьхьичIун руртун, пикри буллайгу ивкIун, цакуну ццах кусса куна)*. БувчIунни... бувчIунни... *(ца хьис хIаллай кьаагьну)* Амма цамур затгу дакIнин багьунни...

АБЛИШАЕВ. Ци?..

АБЛИЛАВ *(цIунилгу, бакIгу хьхьичIун руртун, кьаагьнугу ивкIун)*. Хьхьирил кьюрщалттул, крокодилданул тIиссар, цихьхьунма биривсса ав букайссар тIар цIимилул макьгу рутIлай... Амма утти муния гьалгьа тIийгу ци хьунссар... *(Цакуну хьит куну, хьхьичIунайгу увккун, лахьсса чIуний)* ДикI цух учирча, цIу бичайссар, цIу цух учирча, банмур кьалякьайссар!.. Бачияра, ххирасса жямат!.. Бачияра... Хьунмасса ва дакIнихтунусса барчаллагьрачал кьамул дурну ва «паччахIлугьрал жухара дуллалисса аякьагу», бачинтIиссару циняппа ттул хьирив бувкнийн буккан, ливтIуний литIун... *(ХIатталлил чулухуннай кагу палцI дурну)*. Цал шийва кьабитлатиминнахь – ппухьлуннахь, уссур-ссуннахь барчаллагь учин тихун, зумашарнийн, хIатталлив... Яла шютту-шярай бацIаннин – жагьаннамравух гихунмай!.. *(Вав-шав, агьи тIий, агьу аьтIий, Аьлилавл ва Кьадараннул хьирив лагай жямат. ШанмурицIу бувну бав-цIуну, бу-буний пIанIрусругу тIий, бакIру хьхьичIун дирчуну, сахIналий личIай Кьаландаров, Аьлишаев ва Аьбидинов)*.

АБЛИШАЕВ *(дуллай, дуллай, тамансса пIанIрусугу ссур дурну, цакуну гагу цях рирщуну)*. Да-а... Аьлилавл тIутIимур тIайлассар... Нааьна... ИвчIаннинссагу, ивкIуну махьссагу нааьна... *(Чансса ссавур дурну)*. Шюшлай шюшин кьашайсса... *(Тиху-шихунмай ца-кIива шагу лавсун, ялагу гиккуна зана хьуну, цIунилгу пIанIрус кIиян дай. Яла цахьва цала кунма)*. Малодушие... Преступное малодушие я проявил в отношении своего народа... Ттула тIимуний кьанкьану ацIан аьркинссия... *(Кьаландаровлухьгу эц ивкIун, лахьну)*. Миллатрал ттул ва тачIав багьшла кьабитантIиссар... БувчIайрив вин, гьалмахчув уполномоченный?.. (Чансса лагьну, сситтуй ккарччавух) Карьерист несчастный...

КЪАЛАНДАРОВ. Ацѹ, утти ина щала тахсир ттуйн бутан ччай унуккара?..
АБЛИШАЕВ. Му къацѹвагу бащиярч утти!.. На вихь ттуршийла увкуссия:
къабучѹссар чѹвѹсса миллат тихун-шихун кѹибачѹлан, куну. Вивун бѹа ччуч-
чи багъну, хъуниминнан хъин чулий ккаккан... паччахѹлугърал ххуй зузала
хъун...Къуллугърал щачѹанттайх ххарххурду личлан...Зат бакъар... бѹкѹча
вагу ттун ца дарснѹ – ина кунмасса каръеристъгал ххищала къуллугъраин гъаз
къабуллан. *(Аблилав лавгѹсса чулухунмай кѹиссагу кѹутѹ бѹвнѹ)* Но загубишь
парня... смотри, не прошу!.. *(Бакѹрай къяпагу бакъа, бакѹгу хъхъичѹн дуртун,
лап пашманну авѹѹсса Абѹдиновлѹхъ)*. Вищѹлмур ихтилат гѹла зана хъуну
махъ банну, начальник ЭН-КѹЕ-ВЕ-ДЕ!.. *(Къатѹвай ачин най уна, къатѹату
Амѹтул лѹххаву тѹисса чѹ)*.

АМАТУЛ ЧѹУ. Жя-мя-ат!.. Гъѹа, лѹххаву, жямат!.. Кассадал цѹлла ссурс-
су цѹлла дурккуну ду-ур!.. Вав-шав, цѹчѹав акъарувкъай, нанияра кумагран!..
*(Абѹдинов чѹунийн лѹчай. Аблишаев кѹирагу канил бакѹгу бѹвгъуну, цала лагма
цѹва уккай, яла чансса хѹллай, гава куцѹуй бакѹгу бѹвгъуну, къусгу ивѹн, лахъ-
исса ххарххурду ласлай, увккун лагай. Сахѹнадул дянив цѹвалу ливѹсса Къалан-
даровлѹл цѹатува цѹва рязину, ца пасѹла дѹсса пишгу куну, урчѹамур ка лажин-
даравух, лунттѹбакѹрайх дѹккай, яла галстѹк бакъин буллан икѹай)*.

Пардав.

Лап пашмансса музыка. Цакуну музыкагу дацѹан дурну, радиолувух кка-
лан бѹкѹай Лакрал захѹматкашнайнсса Сталиннул телеграмма...

ХХЮЛЧИНМУР СУРАТ

Ххютххутулла-ратѹх лавѹйсса ххуллу. Гъаравух буллѹлисса марххала.
Аъравалттил зертѹ-зертѹлихун «Вогъа-гъай» тѹисса чѹурду.

КЪАДАРАННУЛ ЧѹУ. Къѹочара... къѹочара!.. Гъурала, чансса ттигу...Гъу-
ра-гъура!.. Ттигу-ттигу!..Мукун... Ай, машаллагъ!.. Ухъ-ва-ай!.. Бачин бара
утти, бацѹан къабивтун!..

ХЪАМИТАЙПАЛѹУЛ ЧѹУ. Ил, душ! Бучѹ му аъравалттия, ми ницѹра бацѹа-
вай бурча!..Кѹийн, къанийн лавхъукун, щябѹкѹанссарача!..

КЪАДАРАНУЛ ЧѹУ. Да, Аблилав, къатѹ-шав уккан ччай акъарав... Ачу ца-
ца гъухъ бюкъаннуча, ваймигу хъирив лаяннин... *(Бакѹрая ччаннайн бѹяннин
къаркъаравухгу бѹвккун, хъачѹниха буккай Къадаран ва Аблилав)*.

АБЛИЛАВ. Ва пассат дурсса гъарал къадагъѹйссания уссил...

КЪАДАРАН. Ванил бурххарч жула щала ттукку лѹллай...Ва хѹну-туну-
шиву къадиркѹссания, жува нукѹва Лавашав бѹкѹанссияв...

АБЛИЛАВ *(чарил ххѹлчи ляркъуну, ганий цѹяикѹлай)*. Ухъ-ва-ай!.. Чурххай
хѹл къаливчѹнни...

КЪАДАРАН *(Аблилавгъа чансса тинайнѹ цѹяикѹлай)*. Ххѹчча дакъасса ада-
мина – ина инава ура гъарманан кумагран ххѹхлай...

АБЛИЛАВ. Къартту-къѹжри бурда... Да, ина му атѹлсса аъщарай щя-
ивкѹнуккара?.. Ци-дунугу лув дишакъай да... Инагу къашай хъурча, яла на
ива-ивчѹанссара...

КЪАДАРАН *(лѹв дишинмунѹх тиху-шихунай уруглай)*. Валлагъ, уссу, ва
майѹдѹжжѹгъраву сагънунѹяр, ттуршийлагу ивкѹнуну, гъаттаву хъина...

АБЛИЛАВ. Майѹдѹжжѹгъ...Ява ина му хъинну увкунни...Халкъуннайн
дуккан дурсса къини ххалда цѹл...

КЪАДАРАН. Бакъариввар туну?.. Пѹкри бала цѹл, ва оърмурив?.. Ва ду-
нияллив?.. Улу, дѹжжѹгъравугума вѹйкѹсса ккаккан байшиву къакѹллу инсан-
нан...

АБЛИЛАВ. Ай ду-ус!.. Ва дайдихьури – дайдихьу... Ци кьини дучІанссарив ттигу жула миллатрал бакІрачІан... Ми бикІанссарча, вичІа цичІар пуркІу буккан бансса зат лирчІриввар?..

КЪАДАРАН (*хъаралун ка дукІлай*). Буссар чансса бюруврал мюрш...

АБЛИЛАВ. Ми лапва кьурчІисса бикІай...

КЪАДАРАН. Мискиннал махорка бурда...

АБЛИЛАВ. Жува шикку лахъи лаглан къабучІиссару... Тай махъсса шанна аьравалттил ттупру чап учин кунма чІалай бур... Тайннулгу бурузин барча, жула иш кьурталссар...

КЪАДАРАН (*Аблилавхъхъун, пІанІрус дахІин, чагъарданул кьютІ буллай*). Ярч, кІа уполномоченный тІисса угърашнайни ттун уттива-ттигу ссибизлазисса...

АБЛИЛАВ (*никирай бивхъуну, кказитрайн бюруврал мюрш бичлай*).

Оьтруку дияча, дукъан да-а! Учин увкусса подде-ец!..

КЪАДАРАН. Райкомралма – маладиц...

АБЛИЛАВ. Ци маладици икІайссача... КІа маладиц ивкІссания, жуйхра ва кьини къадуцкантІиссия...

КЪАДАРАН. Мукссагу тІиссара, да...

АБЛИЛАВ (*пІанІрусрайн*). Ва пассат диву ца каних дахІин цукунчІав лахъхъин тІий бакъар...

КЪАДАРАН (*цалла дархІумур Аблилавхъхъун дуллай*). Ма, ва уча, му на дахІиннача... КІа личІину цичІав тІий акъая, да...

АБЛИЛАВ. Лажин лухІи хьувкун, мазгу кутІа шайссар!..

КЪАДАРАН (*цал Аблилав, яла цала пІанІрусругу кІиян дурну*). Къабитила цивппа, щин-бунугу бавну, цІухху-бусурду байбишайча...

АБЛИЛАВ. Утти шиккугу щил ци бусанххурарч?..

КЪАДАРАН. Ялтту левххун нанисса лелуххул бусайссар, тІиссагума учала буссар...

Аьрччагу тІий увкІун, ХхуйтІу, Аблилавлуя ва Къадараннуягу хавар бакъа, чансса тинайну хІажакрах мухІлу ттирихІлан икІай.

КЪАДАРАН. До-до!.. Анавар дурххунвагу акъарав?.. Ява хІаллиххьу...

ХХУЙТІУ (*гайннан цува хІисав хъусса тІааьн къабивзун*). Къадурххун дур анава-ар!.. Жюржу бан ччай ура-а!..

КЪАДАРАН. Жюржю ба-ан? Гъа-а, бува – бува...

ХХУЙТІУ (*ччангу цях бивцуну*). Зу яруй бантІитта-ар!..

КЪАДАРАН. Къабаннуча, бува...

ХХУЙТІУ (*хІажакрахун дурчІусса бартрахІин дахІлай*). БантІитта-ар!

АБЛИЛАВ. Гъа, улу, мухъачІнихун лавгун, бува туну...

ХхуйтІу хъачІнихун лагай.

АБЛИЛАВ. Ттун та оьрчІай язугъ хъанай бур... На учирча, ттущал ччалантІиссарча, танал та ччаннан цивхъуну бурив ххал баларч...

КЪАДАРАН. ЦІанакул...

ХХУЙТІУ (*бартрахІингу дахІлай увххун*). Къадаран уттай, дутман тиккунгу утІантІиттарив?..

КЪАДАРАН. Цу душман?..

ХХУЙТІУ. ДитІлир...

КЪАДАРАН. КъаучІантІиссар... Цибанна вин танал?..

ХХУЙТІУ. Танал ттул ттан цІуцІи бунни... На та ттупанталух ихханна.

КЪАДАРАН. Ччан цІуцІи бурдив?... Цци-ил – Гитлерду-л?..

Аблилав хъян икІай.

ХХУЙТІУ. Ттай хъяй ура. До-о, авлия-я!..

КЪАДАРАН. Агъ, ду-ус... Вин кІулну бивкІссания вила ччан цума Гитлердул цІуцІи бувссарив?!.. Хула, шинай хьу, цивхъуну бур ччаннан?..

ХХУЙТИУ (*КъадараннучІанай хьуну*). Бюрубусса бувххун бур, цІун бикІантІисса-ар...

КЪАДАРАН (*Алилавхъ*). Ци тІарар ванал?

АБЛИЛАВ (*хъяй*). Бюрубусса къувтІуну бур тІар...

КЪАДАРАН. Бюрубусса ци дурвав?.. Гъа-а, ва бюриврайн тІий ухьунссар...

Хула ус лики ххал баннуча...

ХХУЙТИУ (*Авлилавхъ*). Вин Тамтиятгу къаххирагтар...

КЪАДАРАН (*ХхуйтІул ус лирккун, ччаннах уруглай*). Ва ина Аллагьнал яивуй... Шиккунниярч лал дагьну диркІун дур...

АБЛИЛАВ. Дуриввар?..

КЪАДАРАН. Дурарч... Да ва къянкъасса за ивкІун ур... Укунсса ччаннашал цаманаща ша ласун къахьунтІиссия...

АБЛИЛАВ (*ХхуйтІул ччаннахгу урувгун*). Мйяжаннугу лал дур... Ургуварч яла цалагу цІий бур – бакъар къаувкусса?!..

ХХУЙТИУ. На тавай ттай ура...

КЪАДАРАН. Ци-и?

АБЛИЛАВ. Шавайн ччай ура тІар...

КЪАДАРАН. Огъо-гъо-о! (*УрчІамур канил ххяппагу ХхуйтІул хъхьичІ гъанагъи дурну*). Дақъассар, уссу... Утти жула шардалугу дақъассар – буттал кІанугу... Цимурца шятту шярай дарцІуссар...

ХЪАМИТАЙПАЛУЛ ЧІУ. Ве-е-е!.. Аърава ккуру ларгунне-е!.. Аълилав!.. Къадаран!.. ОьрчІрув!.. Вав-шав, цучІав акъарув, аърава ккуру ларгунни!.. (*Архлала гъаз шай цайми хъаннилгу гъуя-гъарайлул чІурду*).

АБЛИЛАВ. О-гъай!.. (*Левчуну най уна*). Къатта ччувччунни!..

КЪАДАРАН (*ХхуйтІугу къаивтун, лечай*). Да му цукунникъай!..

ТАРА ХЪАМИТАЙПАЛУЛ ЧІУ. Вав-шав, аъравалттишал Сайдиллагу лавгунни!

ЦАМУР ЧІУ. Гъуя, тти цибанну?..

КЪАДАРАННУЛ ЧІУ. Агъ, вил заллуй... Да га цукун ккуру ларгурартал?..

ХЪАМИТАЙПАЛУЛ ЧІУ. НикІа бувцунуккар...

ХХУЙТИУ (*нигъа увсун, хъап куну, бурчул усгу канил дургъуну лихъай*). БуртІил ука-ан! Амагу буттарттий, на буртІил укан къаивтун!..

АМАТУЛ ЧІУ. Гъай, чаний, гъай... Ци тІий ура, ци къелла хъур?..

ХХУЙТИУЛ ЧІУ. На буртІил укан тийх къаивтун!..

АМАТУЛ ЧІУ. Къаукайссар, чаний... Дяхтта барцІру къабикІайссар... Му ус циван ликкав?.. Ачу, щяикІуча вила ус лаххи...

ХХУЙТИУЛ ЧІУ. На тавай ччай ура...

АМАТУЛ ЧІУ. Утти жула шардалу дақъассар, чаний, паналий дарцІуссар...

ХХУЙТИУЛ ЧІУ. Къатайнналий дарцІуссар, тийх дуссар...

АБЛИЛАВЛ ЧІУ. Сайдиллай, ва Сайдиллай!.. Вартал вания баштан хьуну ур... Хурала мивах хъа дурив, варси бурич?..

АМАТУЛ ЧІУ. Вана шикку – чансса лавайну аъравалттия багъсса мунал цала ххютІача, ва ласияражантал... БацІияра на булуннача...

КЪАДАРАННУЛ ЧІУ. Къяркъи дур... Жува ласуннуча, ина бацІу...

ХЪАМИТАЙПАЛУЛ ЧІУ. Вав-шав къияма! Я Аллагъ, ва къини жуйх дуккан дан дакІнин багънал вилах лещаннав?..

ЦАМУРГУ ХЪАМИТАЙПАЛУЛ ЧІУ. Амин, я, Аллагъ!..

АБЛИЛАВЛ ЧІУ. ТитІин ба ва чулух, шийх...

КЪАДАРАННУЛ ЧІУ. Гъаз ара утти... ХІаллих, ччех къагъанну... Мукун, мукун... Утти, гъаз бувну ва ххютІа, кІура аен ара тихунай... БакІ хъхьичІуну... Укун... Гъа, бачияра утти...

Лагмара арамунал ва хъаннил дургъусса хъаттирай дирхьуну, духан дай Сайдиллал нурчІи.

КЪАДАРАН (*цалалу махъа бувгъуну нанисса ххютІагу щяв бивхьуну, нент-табакІрава гъухъ лихълай*). Ва ца затъя жунма ккаккан ливчІсса...

Хъаннил, аьтIий, маоб тIитIай.

АБЛИЛАВ (*мукун гьухъ лихълай*). Утти циру дуллантIисса?..
КЪАДАРАН. Вай жула буюр-агъаталгу бакъахъунуккар...
АМАТУ (жаназалул ялтту лухIисса варсигу ливчуну). Цал ва адаминал рухIарая алхIам буккиряжантал...

Къадараннул «патихIа» учай, цинявннал алхIам буккай.

АБЛИЛАВ. Буюр-агъатал нукIува Лавашав хъху рутансса санти дан лав-гнуккар...

КЪАДАРАН. Зана къабикIанссар цийча, ми аьравалтту, дацIан къадиртун дачин дара...

АБЛИЛАВ. Аьравалттуния дачин данссар... Ва жаназалун ци баннувартал.

КЪАДАРАН. Дуччин багъанссар шивах... Сурув бишин мачIрагу дурвав жучIара?..

АМАТУ. Ци? МачI? МачI дуссар ттучIа... ЦIанакул... (Лагай).

АБЛИЛАВ. АцIу, ина ва шиккува уччинну тIий ураввар?..

КЪАДАРАН. Туну вагу мукъав лавхъун бачиннувар?..

АБЛИЛАВ. Варч, ва кIия-кIия арс, буттал кIану буручлан, дяъвилийн тIай-ла букксса адиминархха... Тай зана бикIарча, тайннахъ ци учиннувар? Тайннал иттав цитIий бурганну?..

КЪАДАРАН. Утти ина ци тIун най урар?.. Вища буюхъанссарив вагу мукъав лавхъун ачин?..

АБЛИЛАВ. Да, ва бусурманчув акъариввар?..

КЪАДАРАН (*ссибизлай*). Ди... бусурманчуври...

АБЛИЛАВ. Вартал, туну, кьулгъу бакъа, алхIам бакъа, бакъиялул къанкъ дакъа, ссахIлил кIюлаччатI бакъа, чапурнал куна, валттулун ливкIун къаитан-нун шяраву яла бусравма адимина?..

Уххай Аьбидинов. Цува НКВД-лул начальник ялун учIаврил махIаттал бувну, цинявппа, варх куну, ганал чулухунмай кIура баяй.

АББИДИНОВ (*ала-ссалам, цичIав бакъа*). Ца лахIзалийсса... (*Плаништра-ва чагъаргу буккан бувну*). ЧIанкIуев Аьлилав? (*Лагмава цинявннахъ ябитай. Цинявпта Аьлилавхъ бургай*).

АБЛИЛАВ (хъисвагу хIучI къакуну). Ттуйн учайссар...

АББИДИНОВ. Тавакьюври ттушчал ачаву...

АБЛИЛАВ. Чун?..

АББИДИНОВ. Чуннив тийх бусантIиссар...

АБЛИЛАВ. БувчIунни... (*Ца лахIзалийсса бакIгу къус диртун, пикри буллай ацIай. Яла бакIгу гъаз дурну*). Ва жаназалулсса баннинсса пурсат булуннав?

АББИДИНОВ. Юх-юх... Ттул чIун дакъассар...

АБЛИЛАВ (*хъисвагу биччи бакъа. Рихшантрай кунма*). Дакъахъурча, вил чIун зия дансса чара жулгу бакъассар... (Лагма бавцIуцириннахгу ябивтун). Ххирасса жямат, уссурвал, ссурвал, гъакссагу къаччиссия ва дужжагъраву зугу къабивтун, зуя личIи хъун... ЧIалачIисса куццуй, уттиния тинмай ттушату ттула бияла зевххуссар... Аллагънан кIулли оьрмугу та зеххинссарив... Утти зун барчаллагъ, на багъишла итияра... (*Къадараннуйн хъямала агъну*). Багъишла ити, уссу... Утти на банмургу, ттухлу инава бува... Барчаллагъ... (*ХъхъичI Аьлилав, хъирив Аьбидинов бувкун лагай*).

КЪАДАРАН (*къагъ хъусса кона, хъанахъимур лаласун къабюхълай*). Да... Да... Аблилав, ина... ина ци барчаллагъ тий ура?..

Цинявпа бакIругу хъхъичIун дирчуну, пахъ багъай. Къадаран, бакIгу
тиху-шихуннай лечлачи дурну нигъа увсун, лагмацириннах уруглан икIай.
Духхай, мачIгу канихъну, Амату.

АМАТУ (*жямат ласу бувхIун личIаврия хавар бакъа*). Ама-ангъартал, тти
цибанну... Алши бйайкбирча, щалла дуниял ялун леркъуну дачайссар тIар...
Уттигу кIира аьравалттил ттупру чап куну бур...

Аматул увкумуних щилчIав ургил къабай. Амату махIатталну
лагмацириннах дуруглай дацIай.

КЪАДАРАН (*Аматухъу урувгун, ца лахIзалийсса бакIгу хъхъичIун дуртун,
къащилул пIякъ увкусса кона, лахъну вахIшийсса чIуний аьтIий*). Да, на оьрму-
луву тачIав аьтIун къаивкIессарартал!..

Пардав.

РЯХХИЛЧИНМУР СУРАТ

Чани хъяхъа тIун гъан хъанахъисса чIун. Авансценалийх, къаттарисса ххютIлул
чантайгу мукъавну, трудовойлия зана хъуну най бур Шамсият.

ШАМСИЯТ (*чарил къунттарий щябикIлай*). Ухъ-ва-вай!.. Иттинугу – цIу-
кучIа, бавтунагу – бавачIа!.. БикIайкъай буттал кIану Багъадри тий...Ххуй-
шиву гъавалул... (*БакIбахIу-лачак дакъин дуллай буна, ссавнийн бурувгун*).
Азарда журалий пар-пар тIисса бирлиянтру хханссар цIуртти... Хъунишиву
яла цалагу... Агъа-гъа-ай!.. Гилах ссавний так-туксса бакъа цIуку ххал къашай,
цивпагу – дахъа-махъа пIилцIу тIисса... Базу-базу тIирхъа буллалисса интнил
ссихI ххалба... Гъунтти-сара дуцIинтIиссар лухчичинул чIан... ДакI-ттиликI
аьчух дуллалисса щюллишиврул дуцIинтIиссар дагмара дуниял... ХIурия
тIутIул къункъал ларсун дачинтIиссар дарарду... БуккантIиссар шарнил агълу
хъу-лухччайн... (*Цакуну дакIнин багъну, аьтIи макъандалий*). Вав-шав, Шама-
лай, ина ттун дайсса лавмартшин!.. Вихлу нава бивкIусса хъурдай... Цукунсса
лажиндаращалла утти на вил ниттилгу, ттула уссилгу хъхъичI бацIантIисса?..
(Пикрирдавун лагай. Яла цакуну бакIрай бавцIуну). Агъа-гъа-ай!.. МахIат-
талсса иш бакъарив – чани хъяхъа тIун дайдохълай дунура, шярава я ажарттул
э-оь, я ккаччил хIап баллай бакъар... (*Бивзун, чантай мукъав лахълай*). Дада
ризкъилувун духханнин, шаппайн биярча хъинни... (*Лагай*).

Пардав титIай. Тава, нукIувасса Аматул къатта-къуш. Нузру, чIавахъултту
буккун бур. Миннун кIанай зулчIай тий бухсса ххютIри. Лахъру-тах дачIи
леркъуну дур. Къатлул манкъулат – цичIар дакъари.

ШАМСИЯТ (*хъулувух бувххун най, нузкъун дакъасса хIисав хъуну*). Вагъ!..
Дадай!..(*БачIвасса къатта-къушних лагмава буруглай*).Ва ци ишри?.. Къатлул
манкъулат... (*ЧIавахъулттичIанмай хъуну*). ЧIавахъулугу бакъари... (*Лахъ-
ру-тахлий цIийннарарай шанашисса Сияли хIисав хъуну, га Аматури тIий*). Да-
дай!.. Ва дадай!.. (*Хъюлчу-кIутIу дай*).

СИЯЛИ (*щцах куну, шанав чантI увкуну, ссинхралну Шамсиятлух дуру-
лан дикIай. Яла га Шамсият бушиврийн вих дакъа, хъиннура нигъа дурсун,*

анаварну лахъурттуяту дурчлун, къатлул ца мурцлув лячлай). Мма-мма-мам!
(Букъу, ттучлан гъан машара тлий, кару галай дуллан диклай).

ШАМСИЯТ *(Сяяли цаахханнарал хушиву бувчлуну, чансса паракъатну).*
Буттарссий, нигъа мабусари... *(Цила хъазамраву ка дишай).* Вана на буре...
На... Шамсият... Дада чуври?..

Сяяли цийхра цурда каш-куш тлий, ва макI дурвав, кIихъ дурвав тлий, ци-
цлунна цурда лачллай дур.

ШАМСИЯТ *(чансса хъхъичлунмай хъуну).* Вав-шав, тти на цибави?.. *(Аь-
тлисса члуний ла-ахъну).* Буттарсси-ий!..

Сяялин га мйяжаннугу Шамсият бушиву клул шай. КIивагу цанницлун ца
лавчлун, вав-шав-гъуя тлий, аьтлун биклай.

ШАМСИЯТ *(аьтлий буна, Сяялища итххявххун, мазрайну ва шианнайну
цлухлай).* Буттарссий, ва къатта-къушнийн ци ливкри?.. Дада чуври?..

СИЯЛИ *(цлими бансса чув ялун увчлун, хъиннура якъама хъуну, бав-бав тлий
аьтлий, цичлав къаклulli тлий, кару клутлу дуллай).* Ммам-ма..

ШАМСИЯТ *(ганиярвагу лахъну леххаву тлий, аьтлий).* Вав-шав, лухIи
душмантал, жу зун ци ошивуя дурсса-а!.. Ва ци дужжагъри, ци сиччинни!..
Дужжагъравугуририв ахир инсаннан вайксса ккаккан байсса?.. Зуйн лухIи бала
ликкивухъул, лухIи душмантал!.. Ав-ав тти на ци бави?.. Чунмай ххяххава?..
Аман, шяраву цучлав акъарувкъай хъумурвагу бусан бюхъайсса?

Чярхни къатлуппай бувккун, ца-ца тлий, чIахху-чIарахнайн оьвтлун биклай. Сяяли,
бан-битан бакъа, каругу тIитин дурну, залданувун аьтлун диклай. Яла, цивунна цурда
леркъун, шявн дагъну, ххяппуртах аьрши ххартI дуллан диклай. Пардав лакъай. Пардав
ларкъун махъгу тамансса хIаллай ялагу баллан биклай Шамсиятлул, вав-шав-гъуя тлий,
шяравуминнайн оьвтлутлисса чу.

АРИЛЧИНМУР СУРАТ

Гара Амагул тIюва – гара сурат. ЧIавахулттилу полданий, щала кIяла хъусса
бакIрай лачакгу дакъа, кIизгу ябагъи бувну, ччаннугу хъхъичлунмай тIитин бувну,
ттуршал касакрайх халпри дахIлай, ссику далглай бур Шамсият. Ганил чIарав шядиркIун,
цила тIартIсса кIяласса мучIал лачакрай, лухIисса буккурттул мачI дизлай дур Сяяли.

ШАМСИЯТ *(«ссику» хъазамравун чуvin дуллай).* МааьтIри, бавал, мааь-
тIри... Дада базаллува дуркIукун, на вин мампасивгу дулуннаха... Ккурмуз-
ругу булунна... Гъивчругу... Ккукку буканнав, дадал? ЦIанакул булуннах-
ха... *(Хъазам аьч буллан биклай. Сяялил, канийх ририуну, къабитай. Ссурхъ
куну, СяяличIату тинмай хъуну, ялагу аьч буллан биклай).*

СИЯЛИ *(Шамсиятлуин дяъвай).* Ммам-мммам-му!.. Гъо-гъо!.. *(Хъап куну,
Шамсиятлуца «ссику» эьки личай).*

ШАМСИЯТ *(Сяялил маз хъяврин бихълай).* Мю-мю-мю!.. ХIучIахъатай!..
*(Бивзун, «ссику» гъаз дай. Сяялийн ххавххун, ганийн ттиликIну тинмайну ця-
бивчлун, цлунилгу ссику ххира дуллан биклай).* Бавттурав, дадал... АьматIра,
чаний, аьматIра... АьтIурча, инава мамавлул буцайссара... *(Хъаралун ка гъан
дурну, ххяп учай. Цицава цийнма гъиди хъуну, эр-эр тлий хъян биклай. Тамур
хъаралагу ххяп учай – хъиннува лахъну эр-эр тлун биклай. Тамансса хIаллай
мукун цицалва цуппа тIуркIу тлийгу бивчлун, Сяялихунмай кIура бавну).* Бут-
тарссий, нану дакъил хъуннуча... Ина ттул Манкъу къабаттаннав?.. *(Сяяли,
пIякъ диркIун ганих дуруглан диклай).* Къабаттарча, на вин балайгу учинна...

Учивив, буттарссий?..(Сияли, цичлае къабувчлунма, баклрал гым дай). На балай учиннача, ина хъат рища, хъиннив, буттарссий?.. (Сиялин цичлае къабувчлай. Шамсиятлун гъарца сукку-къютлудух тамашалий дуруглан диклай. Шамсият, бивзун, сценадул дянивгу бавцлуну, цаппаралийла гужрай хъугъугу куну, ца хлала-ккала дурхсса макъандалий хлала-ккала бувхсса балай тлун биклай):

**Ухъху ина жучлан, жул ппу Астгалин,
Интту арияту ятту бувклукун...
Жул багърал багъманчи – Компартиялуд
Къарал цлакьсса бувну, тлутлайх бивчунну...**

Балай дюхъ дакъа къуртал бай. Шамсият, урчламур канил мукъва клиссурах, ккарччахун бахчин бувну, лунттубаклгу ялавай клунклудувну, ца хлаллай, нигы бувссса кунма, синхралну залданувун буруглай бацлай. Яла хлалли-цлудх къацлыва кагу дурккун, хлалли-хлаллих цилва цуппа батлай-батлай, лап буняла хуну, ца лахлзалийсса ца точкалийн залданувун буруглай бацлай. Хъирив – чансса сситтулну ва хъинну аькылну:

**Муруллава, ххяллава
Мяъданну буккайссар тлар,
Вай Лакралми зунтгава
Загърулуд пурх учайвав?..**

**Къурух гъанна бишурча,
Марцл лачла ххяххайссар тлар,
Вай лакралми къурдарав
Лухли шатри ххяххайвав?..**

**Аърши ва щин дакъирча,
Чарттай тлутлив шайссар тлар,
Лакралми тлутлуд ардайх
Къурумикл бишинавав?..**

**Къатлудла къатта буллай,
Щархъурду дюхъайссар тлар,
Вай лакрал мюрши щархъай
Ахирзаман бивзссарвав?..**

**Вийва бумургу бувну,
Рахлатну шанай бурав?
Ттул ссу Партлуд-Патимай,
Лажинни бакл гъаз дува:**

**Ххярацлуду яру мангъул
Ина ххяллайх бичайсса,
Вай лакрал мюрши щархъай
Щяйтлантрал мина данъяв?..**

**Изу, Муртазааьлий,
Чув дур вил члара кьукъа?..
Вай дукъаргъу хъуруннин
Банмур-битанмур кьукъа:**

**УрчIамур ка дацIаннин,
Ина тур галай дайсса
Мюрш хьюруврал вай хьюру
Муччуччун къадитанъяв?**

**Гъуя, Сяидхъал Гъарун,
ДакI асландалул барзуй,
Ттигу шанайна урав
Дарги-цахъардал дазуй?..**

**Зунттаву къунттал дянив
Хъу дугълагъи мискинтал
Ина цацIун бувайсса
Ца къини вай бакъинъяв?..**

**Хъазам лахIлахIи чиллуй,
Чул лахIай къирим мажар,
Да, XIавинахъал Сяид,
Къурталссарив вил бажар?..**

**ДакI рахIат дурккун урав
Гуржи-азнавар чуллай?
Шанулагу уччарав,
Хъун Неххал чIу къабаллай?..**

**Ягу бияйрив тачIав
Вай лакрал мюрши шархъайн,
Зурданул зулмулуду
Леркъу эяллал хъархъайн?..**

**ДахIалай бава дунан!
XIалларай бутта унан!
Азарвагу дахIалай
Бутталний мина дунан!..**

Цила увкумунища цуппа нигъа бувсьсса кунма хьуну, цакуну цIунилгу нукIува кунма, мукъва кIисса къацIливу бишай. Ца лахIзалий тукунма, ссин-хралну залданувун буруглайгу бивкIун, щала залданувун зарзала дагъансса куццуй вевгу куну, никирттайн багъну, заккунттив жирттурдайх бишлай, ав-ав тIий, аьтIун бикIай. Хъиривгу аьтIий сценалийх ккуру-ххюру бихълан бикIай. Цакуну гиччава ар-ар тIий хъян бикIай. Яла, бивзун, солдатнал кунма шагу бишлай, балайгу тIий, хьулучIан бачай:

**Жу Советрал оьрчIруру,
Илкинссар жун гъар ххуллу,**

Ххирар жун жула Ватан, Жула хъун ппу Астгалин...

Шамсият балайгу тий, хьулучан бивсса лахІзалуву, вешмешокгу канихъ-ну, солдатнал янналуву, чансса аьрччагу тий, сури-ххурину уххай Чаргас.

ШАМСИЯТ (*Чаргаслуя нигъа бувсун, ла-ахъну*). Вав-шав... Ве-е-е! (Ца лахІзалий, кІирагу ххяппух лажингу кІучІ дурну, чІиралун лячІай. Яла хьулун ххявххун, къатІуппай лахъай. Чаргаслун га цурич къабувчІай. Ца лахІзалий ганил хъирив хьулун уруглайгу ивкІун, хьулийх зулчІайтІи бувсса цІихълуйнгу каш куну, увчІлай-къаувчІлай, щадиркІнирара ссинхралну цахра дуруглагисса Сиялийн ящуну).

ЧАРГАС (*щукъ-щукъгу тІий СияличІан лечай*). Буттарссий!..

СИЯЛИ (*Чаргас усса бувчІуну, цал ххариишиврул цизунссарив къакІулу, кІирагу ка жирттурдайх рищай, яла ххяп-шаплий дизлай*). Гъов-гъов-гъов!.. Ммум-мум-мум-у-у!.. (*Чаргаслул ганин дизан кумаг бай. Сияли бав-бав тІий аьтІий, ЧаргаслуцІун лачІай. Чаргас ганил каруннайн симандаливун ппай тІун икІай. Ахиргу макъ дайгын къархъуну, яру лихълан икІай*).

ЧАРГАС. Яр, буттарссий, ва шярваллийн, ва жула къатлуйн ци ливкри?.. Дада, Шамсият чуври?..

(*Нигъа-нигъагу буслай, чІу къахъунну буххай Шамсият. ХьулуцІра чІирайн ттиликІгу рищуну, каругу чІирацІун лачІун дурну, Чаргаслухва Сиялих буруглай бацІай. Чаргаслун цал га хІисав къашай. Яла, такІу-макІуй, аьтІий, такаакъавай цацІунна ларчІсса Сиялиха Шамсиятлуйн я тІайла бавцІуну, ца хІаллай мюрш ивкІун уруглайгу ивкІун*).

ЧАРГАС. Шамсият?.. Вагъ... (*Гужрай Сиялищагу итххявххун, ца-кІива ша хъхъичІунмай лавсун*). Шамсият... Ссувай...

ШАМСИЯТ (*гъан машара тІисса кунна, кІирагу кагу хъхъичІуннай тІитІин дурну*). Ве-е-е!.. У-у... У-у...

ЧАРГАС (*Шамсиятлул вевлуца нигъа увсун, унийва авцІунугу ивкІун, ялагу ца-кІива ша хъхъичІунмай ласай*). Яр, Шамсият, ссувай, вийн ци бала ливкри?.. Вин на къаувчІлай урив?.. на вил уссу ура – Чаргас...

ШАМСИЯТ (*тара куцІуй каругу хъхъичІуннай тІитІин дурну*). Ве-е-е! Къачча-къачча... Инсантал къачча-а-а! Лихъияра!.. Лихъияра!.. Лихъияра-а! (Чярхни хьулун ххявххун, лихъай. КъатІату ялагу Шамсиятлул чІу баллай бур). Лихъияра! Дуду-Рамаза-ан!.. Данкка-Абий!.. Ттярай Ххажуй!.. Ххяппа-Мусса-а!.. Лихъияра-а!.. Лихъияра инсантал най бур!..

ЧАРГАС (*къащилул жиг автІун, цал га унийва къис икІай. Яла, агъи-агъи куну, аьтІунгу ивкІун, цала бакъасса ца вахІишса чІуний леххаву тІий*). Шамси-я-ят!.. Ссувай Шамси-ят... (*Хъап-шаплий, ганил хъирив увкІун лагай*).

Сияли сценалул дянивгу дарцІуну, чурхгу тиху-шихунмай лахІлахІи бувну, хьулч-кІутІу хъанай, мура куцІуй, вахІишса чІуний бав-бав тІий, аьтІун дикІай. Ца хІаллава, зулуй-ккулуй, ттак-шак тІий, дахъа-махъа ликкурттай авцІуну, щала хилкъравунгу ахълавуну, укъавчІай хъуну уххай ХхуйтІу. ХхуйтІу ца хІаллай дурагу мяъна дакъасса ярунних залданувун уруглай ацІай. Яла, ца ша хъхъичІунмайгу лавсун, яругу няравун

бюкбан бувну, ликкурттаца ухІан къавхъуну, га унийва щях ивщуну лагай. Му хІисав хъусса Сиялил, ниґа дурсун, хъит куну, ца-кІива ша махъунмайгу лавсун, ца хІаллай дурглай дацІай, яла хІаллих ґан хъуну, ХхуйтІул лаґма дуккай, къус диркІун, цума урив ккаккан, симандалувун мюрш дикІай.

СИЯЛИ (ХхуйтІу ушиву бувчІукун, хъиннура ниґа дурсун, кару кІутІу-кІутІу дуллай)... Ғьо-ґьо-ґьо!.. Ғьо-ґьо-ґьо!.. Ғьо-ґьо-ґьо!... (КІирагу ка дурґьуну ХхуйтІу ґьаз уллан дикІай).

ХХУЙТІУ (цайна цува увкІун). На ккатилну ура... (КІуллилия лагай).

Циява ХхуйтІун кумаґ бакъашиву бувчІуну, Сияли, ваґь-вугъ тІий, ххяп-шаплий, кумагран Чарґаслуйн оввчин, кьатІурдай лечай. Зал пахъ баґьай.

ХХУЙТІУ (цІунилгеу цайна цува увкІун, изан хІарачат буллан икІай. Изан къабювхъуну, никирттай ва каруннай мукъччаннай залданувун уруглай ацІай. Яла, махъва-махъсса ґуж цачІун бавтІусса кунма, залданувун). До-о-о! Интантал!.. Зди тув будру?.. На катил ивчІавай ура!... (Карунница ухІан къавхъуну, га унийва ккуру лагай).

Пардав.

Радиолувух баян буллай бур АхІмадхан-Султаннун кІилчин Совет Союзрал Виричувшиврул цІа дуллусса.



Рамазан АБДУЛАТИПОВ



НАЗМУРДУ

*Дунияллул клунклур бур щарай
Гъаризад дарцлан дурну гъан дуллай,
Къундалул ккузарив бур чу гъаз буллай,
Ваца циятува буран хъусса ххай.*

* * *

*Ца-цасса хъуна бакъай,
Къуллугъ бугъан литлавай,
Амма кийн лавхъуну махъ
Аькьилная къавда шай.*

* * *

*Аьжаивсса бур ва ттисса замана
Тайласса чув лякъин хъинну захматсса,
Лямплуртурал тлурча дурцуну щала
Так ми ххал шайсса.*

* * *

*Сулайман-идавссил тарив куну бур
Гъарзадирал цила члун дуссар, куну.
Къадарданул ххаржан ялув дунугу
Жунма ганал махъру хъама бивтун бур.*

* * *

*Дунъял даххана дан къистта увккун ур
«ТалихIрайн буцинна!» - халкъуннахъ тлий ур,
- Виричув, битиярч жу паракъатну!
Къаччан къабикланну ганахъ тлий буру.*

* * *

*Бюхъайссар Парнасрайн ччинаща лахъан,
Элладалул зунтту цайнма мукIру бан,
Так шайссарив шаэр мукунманая,
Агарда гъавасрал гъис бакъания.*

* * *

*Политикнал пиша цанья бугъайсса,
ЧIяевусса лавмартътал бурхха му ххуллий,
Цирикъай утти на туну бувайсса,
ТIайлашиверух луглай оьрму лавгунни.*

Таржума буюссар С.Аь.Исмяиловлул

ХІАДИСРУ

* * *

Ялавай бишлай буру элмулуп агъамшиврия буслалисса Мухіаммад-идавссил (с.а.с.) цаппара хіадисру:

«Аллагънал дин дурчінсса каша дулайсса хъинбала бан ччинанни». (Аль-Бухари, Муслим).

«Инсан ивкүкун, ганая личайсса дурагу шанна задри дусса: садакья (чирилун бувсса вакьпу); Халкьуннан хайрданун дацансса элму; ганахлу Аллагънан дуаь дуллантисса иман дусса оьрчүру». (Муслим).

«Элмулуп хъирив аьрххийи увкма Аллагънал ххуллийри усса. Махъунай зана хъунца». (Ат-Тирмизи).

«Элмулуп хъирив аьрххийин увкманан Аллагънал Алжаннавунссаххуллубигъабайссар, малаиктурал ганал ялттухъару личайссар, лухччи-ссавгу ганаха саняърай дацайссар, дунъяллуп халкь ва хъхъирил хіаври ганал бунагьирттал аьпа баннав тий, зукълан биклайссар.

Цүрттал ва зурул куннасса тапаватшиву диклайссар дурккунал, күлчувнал, аьлимчувнал ва эбадат дуллалинал дянив. Аьлимтал – идавстурал наслури. Идавстурал түрча ирсирай арцу-муси къакъадитайсса диркїссарча, элмури къадитайсса диркїсса. Му ласун бювхъума хъунмасса ххазиналуп заллури». (Ат-Тирмизи, Абу-Дауд).





Хизри РахИимов ва ганал мюрци виртгал

Индекс годовой 63334
Индекс полугодовой 73894



Халкбуннал аякбалий

НОВОЛУНИЕ
На лакском языке